

ଯୋହନଙ୍କ ପ୍ରତି ପ୍ରକାଶିତ ସାମୁଆଁ ଜହନ୍ନେ ତାଗ୍ରା ଆଃସୁଏକ୍ସେ ସାମୁଆଁ ପ୍ରକାସିତ୍ ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ପ୍ରକାସିତ୍ ସାମୁଆଁ ମି ନିୟମ୍ ବଇନେ ସାରାସାରି ସାସ୍ତର୍ । ଆକେନ୍ ଶ୍ରିଗ୍ ଜହନ୍ନେ ବାନ୍ ଜିସୁକିସ୍ତନେ ଜନମ୍ନେ ପାକାପାକି ୯୫ ମସିଆରେ ଗୁଆରବଗେ ୧:୧ । ମେଁ ଜହନ୍ ନିମାଣ୍ଡାସାମୁଆଁ ଏତେ ଞ୍ଜିକ୍ଲିଗ୍ ବଇ ସର୍ତ୍ତେ ତିଗ୍ ଗୁଆରବଗେ ତିରକମ୍, ୧ ଜହନ୍ ୨ ଜହନ୍ ୩ ଜହନ୍ । ଜହନ୍ ଆଜାକେ ଜିସୁ ମାଲେ ବଲ୍ ବାଡ଼ିଂଗେ ତାଗ୍ରତେ ତିଗ୍ ମ୍ୟାଃଡିଂଏ ଜହନ୍ ୧୩:୨୩ । ଜହନ୍ ଆଇସ୍ଲାଣ୍ଡନେ ପାମ୍ସନ୍ନିଆ ଲେଃକ୍ସେ ବେଲା ଆକେନ୍ ପ୍ରକାସିତ୍ ସାମୁଆଁ ଗୁଆରବଗେ । ତାଗ୍ରଲା ଜିସୁକିସ୍ତନେ ନିମାଣ୍ଡାସାମୁଆଁ ବାସଙ୍ ନ୍ସା ଆମେକେ ଆଡ଼ଅରିଆ ବେବଆରଗେ ୧:୯ ।

ଜିସୁ ବାରମୁଇଂତର୍ ପାଙ୍ଗନେ ବେଲା ତାଗ୍ରା ପାଙ୍ଗତିଂକ୍ସେସା ଜିସୁକିସ୍ତନେ ତାଗ୍ରା ବିସ୍ବାସ୍ ତିଂତେ ଲେଃନେ ନ୍ସା ସାସ୍ତର୍ ଲଃଣ୍ଡେକେ ସାହାସ୍ ଆରି ଆସା ବିଃନେ ନ୍ସା ଜହନ୍ ଆକେନ୍ ପ୍ରକାସିତ୍ ସାମୁଆଁ ଗୁଆରକେ ୧:୩; ୨୨:୭ । ଆତେନ୍ ସର୍ତ୍ତେ ବିସ୍ବାସି ବାରି ନିଜର୍ ଇକ୍ତାରେ ଗୁକ୍ଲିଗ୍ ମଣ୍ଡଲିକେ ଆକେନ୍ ଗୁଆରତିଂକେ ୨-୩ । ଜହନ୍ ମେଁନେ ଗୁଗୁଆରନ୍ନିଆ ବାବବାନି ୧:୩ ଆରି ମେଁ କେଲେଃକ୍ସେ ଗୁଲୁଏ ରୁପ୍ ବିସ୍ଏରେ ଗୁଆରତିଂକେ । ଆକେନ୍ ସାସ୍ତର୍ନ୍ନିଆ ଉଡ଼ିକ୍ଲିଗ୍ ବାଗନ୍ନିଆ ବାଞ୍ଜିର୍ ସାସ୍ତର୍ନେ ବାଗ୍ ଏତେ ସମାନ୍ ଲେଃକେ ବିନ୍ପାକା ଯିଖରିୟ୍ ୭:୧-୮ ନ୍ନିଆ ନେଃକେଏ । ତିରକମ୍ ଗୁକ୍ଲିଗ୍ ପ୍ଲିଃ ଆରି ଗୁକ୍ଲିଗ୍ କ୍ଲୁଇ ଆଣ୍ଡିନେକି ଇସପର୍ ମିସରିୟ୍ ଇଂକେ ତ୍ତ୍ସ୍ ବିଃନେ ନ୍ସା ମୁତ୍ ବେତିଂକେ ଯାତ୍ରା ୭-୯ । ପ୍ରକାସିତ୍ ସାମୁଆଁ ସାରାସାରି ବେଲା ଆଃମ୍ୟାଏ । ଜିସୁ ଇଡ଼ିଂ ଜିତେଏ ଆରି ଜାଣ୍ଡେଇଂ ମେଁତାଗ୍ରା ଆସା ତିଂଆରତିଂକେ ମେଁଇଂ କାଲାଆଃ ମେଁ

ଏତେ ଲେଖିଆର୍ଏ । ଆକେନ୍ ବଇ ଆପେକେ ତରକ୍ ଆଃଡ଼ିଂବିଃଏ ଆରି ଆସା ବିଃଏ ଜେ ଜିସୁ ତିରକମ୍ ଗିଆଃ ଆଣ୍ଡେ ପାଙ୍ଗ୍ତିଂକେ ।

ସାସ୍ତ୍ର ବିତ୍ରେ ଲେଖକ୍ ସାମୁଆଁକଂ

- ୧. ଜହନ୍ନେ ସ୍ନାମୁଆଃ ଆରି ମେଁନେ ଇଡ଼ିଂତେନେ ଦର୍ସନ୍ । ୧:୧-୨୦
- ୨. ଜିସୁ କ୍ରିଷ୍ଟନେବାନ୍ ଗୁଲ୍ଲିଗ୍ ମଣ୍ଡଲି ନସା ଜହନ୍ନେ ସାମୁଆଁ । ୧:୧-୩:୨୨
- ୩. ଗୁଲ୍ଲିଗ୍ ତାରୁ ଗୁଲ୍ଲିଗ୍ ପ୍ରିଃ ବିସୟରେ ଗୁଆର୍ବକେ । ୪:୧-୧୧:୧୯
- ୪. ଗଡେଇଂ ଆରି ଗୁଲ୍ଲିଗ୍ ବାଆଃ ଲେଖକ୍ ବାଞ୍ଚିର୍ ବୁବଃ ଏତେ ଜୁଦ୍ । ୧୨:୧-୧୪:୨୦
- ୫. ଗୁଲ୍ଲିଗ୍ ରିସାନେ ମୁତା ବିସୟରେ ଗୁଆର୍ବକେ । ୧୫:୧-୧୭:୧୮
- ୬. ଇସପର୍ କିତଂନ୍ନିଆ ମେଁନେ ସତୁକେ ଜୁଦ୍ବାନ୍ ଜିତେଏ । ୧୭:୧-୨୦:୧୫
- ୭. ମି କିତଂ ଆରି ମି ଦରତନି । ୨୧:୧-୨୨:୨୧

୧ ମେଃନି ସାପା ଗିଆ ଗଟେନେ ଝେଡ଼ିଂକେ ଇସପର୍ ଜିସୁ କିସଟନେ ତାଗ୍ରା ଆସୁଏବକ୍ ମେଁନେ ମୁଇଂ ସାମୁଆଁ ଆକେନ୍ ଉଲିଆନ୍ନିଆ ଗୁଆର୍ ତିଂଲେଖକେ । ଆତେନ୍ ସାପା ସାମୁଆଁ ମେଁନେ ଗତିରେଇଂକେ ଆମ୍ୟା ନସା କିସଟ ମୁଇଂତା କିତଂଦୁଡ଼କେ ବେଚେ ମେଁନେ ଗତି ଜହନ୍ନକେ ଆତେନ୍ ଆମ୍ୟାକେ । ୨ ବାରି ଜହନ୍ ନିଜେ ମେଃନେ ସାପା କେଲେଖକେ ଆତେନ୍ ଆକ୍ଅରିଆ ଆଃନ୍ଦାବକେ । ଆକେନ୍ ବଇନ୍ନିଆ ଇସପର୍ନେ ବ୍ନାଲିର୍ ଆରି ଜିସୁ କିସଟନେ ବାନ୍ ଆଃନ୍ଦାକ୍ ସତ୍ ସାମୁଆଁ ଗୁଆର୍ ତିଂଲେଖକେ । ୩ ମୁଡ଼ି ରେମୁଆଁ ଆକେନ୍ ଉଲିଆଃ ଲଃଏ ବାରି ଜାଣ୍ଡେଇଂ ଆକ୍ଅରିଆ ଗୁଆର୍ବକେ ଇଡ଼ିଂତାମୁଏଃନେ ସାମୁଆଁ ଅଁଚେ ମେଁନେ ଆଦେସ୍ଇଂ ମାନେଃଆର୍ଏ, ମେଁଇଂ ସତେଆଃ ନିମାଣ୍ଡା, ତାଗ୍ଲା ଆତେନ୍ ସାପା ଗଟେନେ ବେଲା ତାଗ୍ରା ତିଂଗେ !

ଗୁଲ୍ଲିଗ୍ ମଣ୍ଡଲିକେ ସାର୍ଲନେ

୪ ☆ନିଂ ଜହନ୍ ଆସିଆ ମ୍ନା ଦେସ୍ନିଆ ଲେଖକ୍ ଗୁଲ୍ଲିଗ୍ ମଣ୍ଡଲିକେ ନିଂ ସାର୍ଲଣ୍ଡିଂକେ । ଇଡ଼ିଂତେ ଅଃସେ ଆରି ଏଃକେନ୍ନେ ଜିବନ୍ତ ଇସପର୍ ମେଁନେ ସିଂଆସନ ତାଗ୍ରାନେ ଗୁଲ୍ଲିଗ୍ ଆମ୍ନା, ୫ ବାରି

☆ ୧:୪ ୧:୪ ପ୍ରକାଶିତ୍ ୪:୫.

ଗୁଏନେବାନ୍ ମୁକ୍ତେ ସାପାଟୁ ପର୍ତୁମ୍ ବିସ୍ବାସନେ ସାକି ବିଶ୍ରେ ଆରି ଦରତନିନେ ଇଃସାଙ୍ଗନେ ଇଃସାଙ୍ଗ ଜିସୁ କିସଟନେ ଆଲାଦ୍ ଆରି ସାକ୍ତି ପେ ଆଡାତ୍ରା ତିଲେ । ମେଁ ଆନେକେ ବଲ୍ ବାଡିଂକେ ଆରି ମେଁନେ ଗୁଏକ୍ ନସା ଆନେକେ ପାପ୍ବାନ୍ ଉଦାର୍ ତିବକେ । ୭ * ବାରି ମେଁନେ ଆବା ଇସପର୍ତ୍ତନେ ପୁଜା ତିନେ ନସା ଆନେକେ ମୁଇଁ ପୁଜାରି କୁଲ୍ ଆଡିବକେ । ସାପା ଆସିର୍ବାଦ୍ ଆରି ବପୁ କାଲାଆଃ ଜିସୁ କିସଟନେ ତିଲେ । ଆମେନ୍ ।

୭ * କେଲା ମେଁ ତ୍ରିଗ୍ତିଆନିଆ ପାଂଡିଂକେ ଦର୍ତନିନ୍ନିଆ ବାସା ତିକ୍ତେ ରେମୁଆଁଇଁ ସାପାରେ ଆମେକେ କେଆରଏ; ଡେକସୁଗୁଆ କି ଜାଣ୍ଟେଇଁ ଆମେକେ କୁରୁସନ୍ନିଆ ଡାଃ ବଆରଗେ ମେଁଇଁ ଶ୍ରିଗ୍ ଆମେକେ କେଚେ ବୁଟଚେ ଅଃ ଆରଏ । ଏନ୍ ସାପା ସଡ୍ ଗଟେଏ - ଆମେନ୍ ।

୮ * ସାପାଟୁ ବପୁନେ ମାପୁରୁ ଇସପର୍ତ୍ତ ବାସଙ୍ଗତିକେ “ନିଁ କ ଆରି କ୍ଷ” ମେଁ ଅଃସେ ଲେଃଗେ, ଏଃକେ ଲେଃକେ ବାରି ଇଡିଂଡେ ପାଙ୍ଗଏ ।

କ୍ରିଷ୍ଟ ଦର୍ସନ୍ ବିକେ

୯ ନିଁ ଜହନ୍ ପେନେ ମୁଇଁ ବୟାଁ ଜିସୁନେ ସିସ୍ ସୁଗୁଆ ମେଁ ରାଜ୍ୟନେ ରେମୁଆଁଇଁନେ ଆଡାତ୍ରା ତିଡିଂକେ କସ୍ ଡାଟନେ ଏଡେ ସମ୍ବାଲେନେ ନସା ନିଁ ପେନେ ମୁଇଁ ରେମୁଆଁ । ଜିସୁ ଆସୁଏ ବକ୍ତେ ସଡ୍ ଆରି ଇସପର୍ତ୍ତନେ ସାମୁଆଁ ବାସଙ୍ଗନେ ନସା ନିଁ ପାଡ୍ମସ୍ ଇନିନ୍ନିଆ ବନ୍ଦି ତିଚେ ତୁଙ୍ଗ୍ଝେ ବଆରଗେ । ୧୦ ମାପୁରୁନେ ବେଲା ପବିତ୍ର ଆମ୍ବା ଆନିଁ ଗେରେକେ ବାରି ନିଁନେ ପ୍ଲାପାକା ପ୍ରି ସବ୍ଦ ରକମ୍ ମୁଇଁ ମ୍ଲା ସବ୍ଦ ଡକେ । ୧୧ ଜାଣ୍ଟେ ମୁଇଁଡା ଆନିଁକେ ବାସକେ “ନାଁ ମେଃନି କେନାଡିକେ ଆଡେନ୍ ମୁଇଁ ଉଲିଆଃନିଆ ଗୁଆର୍ ବ ବାରି ଏଫିସିୟ୍ ସ୍ପୁର୍ଣ୍ଣା ପର୍ଗାମମ୍ ଥୁଆଟିରା ସାଦ୍ ସ୍ ପିଲାଦେଲ୍ପିଆ ଆରି ଲାଓଦିକିଆନିଆ ଲେଃକେ ମଣ୍ଡଲିଇଁନେ ଡାଗ୍ରା ମୁଇଁ ଉଲିଆଃ ବେ ବିଃ ।”

* ୧:୭ ୧:୭ ପ୍ରକାଶିତ ୫:୧୦. * ୧:୭ ୧:୭ ମାଡିଉ ୨୪:୩୦; ମାରକ ୧୩:୨୭; ଲୁକ୍ ୨୧:୨୭; ୧ ଡେସଲନିକିୟ୍ ୪:୧୭; ଜହନ୍ ୧୯:୩୪,୩୭; ମାଡିଉ ୨୪:୩୦. * ୧:୮ ୧:୮ ପ୍ରକାଶିତ ୨୨:୧୩.

୧୨ ଜାଣ୍ଡେ ନିଂ ଏତେ ସାମୁଆଁ ବାସଂତିଂକେ କିକେ ନସା ନିଂ ପ୍ଲାପାକା ପ୍ଲେଗ୍‌ରେ ଛେକେ ଗୁକ୍ଲିଗ୍ ସୁନା କୁପିସ ୧୩ ବାରି ଆଡ଼ଅରିଆ ରେମୁଆଁ ଗଡ଼େଅ ରକମ୍ ମୁଇଂତା ତୁଆଁ ଲେଃରେ । ମେଁନେ ସ୍ମପୁଆ ଅ ଜାକ ରେ ଝେଲେଃରେ ବାରି ମେଁନେ ଗ୍ରିନିଆ ମୁଇଂ ସୁନା ବନ୍ଦନି ଗାଗ୍ ବଗେ । ୧୪ ମେଁନେ ବାଆଃନେ ଉଗ୍‌ବ ଆରେଣ୍ଡିଆ ସୁଗୁଆ ତୁଲୁଏ ଲେଃରେ ଆରି ମେଁନେ ମୁଆଃ ତୁଆନ୍ନେ ସୁଆ ସୁଗୁଆ ତୁଆଡ଼ିଂରେ । ୧୫ ମେଁନେ ଅ ଯାକ୍ଲିଗ୍ ସୁଆନ୍ନିଆ ନିମାଣ୍ଡା ପିତଲ୍ ସୁଗୁଆ ନାଡ଼ିଂରେ ବାରି ମେଁନେ ତୁମୁଆଃ ସବ୍ ଜରନାଣ୍ଡିଆଃ ସୁଗୁଆ ନ୍ନାଡ଼ିଂରେ । ୧୬ ମେଁ ମେଁନେ ଅଂତିପାକା ଗୁକ୍ଲିଗ୍ ଚାଙ୍କୁଆ ସାଃଲେଃରେ ବାରି ମୁଇଂ ଡିଗ୍‌କ୍ଲେ ବ୍ନାଡ଼ିଗ୍ କାଣ୍ଡା ସାସନ୍ ଆରି ନ୍ୟାୟ୍ ତିଂନେ ସାମୁଆଁ ମେଁନେ ତୁମୁଆବାନ୍ ପୁଏତାର୍‌କେ । ମେଁନେ ସାମୁଆଁ ସ୍ଥିନେ ସ୍ଥି ସୁଗୁଆ ତାରକିଗ୍ ଲେଃରେ । ୧୭ ✨ଆମେକେ ଛେକ୍ଲେ ଦାପ୍‌ଡେ ନିଂ ଗୁଏଃକେରକମ୍ ମେଁନେ ଅ ଆଲ ଲଃଝେକେ । ମେଁ ମେଁନେ ଅଂତି ନିଂ ଆଡ଼ାଡ଼ା ବରେ ବାସଂକେ “ଆବ୍‌ଗେ ନିଂ ସିସେ ଆରି ସାରାସାରି । ୧୮ ନିଂ ନିଜେ ମ୍ପ୍ ଛେଃକେ; ନିଂ ଗୁଏ ଛେଃରେ ମାତର୍ ନିଂ ଏଃକେ ମ୍ପ୍ ଛେଃକେ, ମାତାନେ ଜୁଗ୍ ଜାକ ମ୍ପ୍ ଛେଃଏ । ଗୁଗୁଏନେ ଆରି ନର୍କନେ କୁଚିକାଡ଼ି ନିଂ ଡ୍ରିନ୍ନିଆ ଲେଃକେ । ୧୯ ତେନ୍‌ସା ନାଁ ମୁଡ଼ି ସାପା ବିସଏ କିକେନାଡ଼ିଂକେ, ମୁଡ଼ି ସର୍‌ଡେ ବିସଏ ଏଃକେ ଗଚେଡ଼ିଂକେ ଆରି ମେଃନି ସାପା ଇଡ଼ିଂଡେ ଗଚେଏ, ଆଡେନ୍ ଗୁଆରଚେ ବ । ୨୦ ନିଂନେ ଅଂତିନ୍ନିଆ ଲେଃକ୍ଲେ ଗୁକ୍ଲିଗ୍ ଚାଙ୍କୁଆ ଆରି ଆକେନ୍ ଗୁକ୍ଲିଗ୍ ସୁନା କୁପିସନେ ସଡ଼ ସାମୁଆଁ ତିଂତିଂକେ, ଚାଙ୍କୁଆଇଂ ଗୁକ୍ଲିଗ୍ ମଣ୍ଡଲିନେ ଦେବ୍‌ଦୁଡ଼ ବାରି କୁପିସଇଂ ଗୁକ୍ଲିଗ୍ ମଣ୍ଡଲି ।”

୨

ଏଡ଼ିସ ମଣ୍ଡଲିକେ ଜିସୁନେ ସାମୁଆଁ

୧ ଏଡ଼ିସିୟ୍ ମଣ୍ଡଲିନେ ଦୁଡ଼ନେ ତାଗା ଗୁଆର: “ଜାଣ୍ଡେନେ ଅଂତିନ୍ନିଆ ଗୁକ୍ଲିଗ୍ ଚାଙ୍କୁଆ ଆରି ଜା ଗୁକ୍ଲିଗ୍ ସୁନା କୁପିସ ବିଡେ ଅଲେଙ୍ଗ୍‌ତାଲିଆ ତିଂଆରଏ, ମେଁନେ ଆକେନ୍ ସାମୁଆଁ । ୨ ପେନେ

✨ ୧:୧୭ ୧:୧୭ ପ୍ରକାସିତ୍ ୨:୮; ୨୨:୧୩.

ସ୍ନେହାର ମାଲେ କସ୍ତୁ ଆରି ସାଆସ୍ ବିସଏ ନିଂ ମଂମାୱାକେ । ନିଂ ଶ୍ରିଗ୍ ମଂମାୱାକେ ଜେ ନାଁ ଦଦ୍ୟା କାମ୍ ତିଂଶ୍ଟେଇଂକେ ସମ୍ବାଲେ ତିଂନାୟା ଶ୍ଟୁ । ଜାଣ୍ଡେଇଂ ବେକ୍ଲେ ସିସ୍ ତାଗ୍ରେ ନିଜର୍ ପରିଚୟ୍ ବିଃତିଂଆରକେ ମାତର୍ ସତ୍ରେ ସିସ୍ ଆତିଂଆର୍ ପରିକ୍ୟା ତିଂଚେ ଆମେଇଂକେ ନାଲେଣ୍ଡେ ତାଗ୍ରେ ନାଁ ପାର୍ମାନ୍ ତିଂନାବକେ । ୩ ନାଁ ସାଆସ୍ ବିର୍ । ନିଂନେ ମ୍ମି ନସା ଦୁକ୍ ବାଚେ ଶ୍ରିଗ୍ ଆନାରୋ ନାତିଂକେ ଶ୍ଟୁ ୪ ମାତର୍ ନାଁ ବିଚଦ୍ରେ ନିଂନେ ଆକେନ୍ ସାମୁଆଁ ଲେଃକେ: ନାଁ ଅଃସେ ତିରକମ୍ ଆନିଂ ଆଲାଦ୍ ତିଂନାତିଂଗେ ଏଃକେ ତେଡ୍ରେକମ୍ ଆରି ତିଂନାତିଂକେ ଶ୍ଟୁ ୫ ନାଁ ଉଡି ଆଲ ଲଃ ନାଲେଃକେ ଚିନ୍ତା ତିଂ । ପାପ୍ବାନ୍ ଆଣ୍ଡେ ଅଃସେ ରକମ୍ ସତ୍କାମ୍ ତିଙ୍ଗ୍ । ଜଦି ପାପ୍ବାନ୍ ଆଣ୍ଡେ ନାପାଙ୍ଗ୍ ତେଲା ନିଂ ନାଁନେ କୁପିସକେ ମୁଇଙ୍ଗ୍ ଚାନ୍ବାନ୍ ଆର୍ମୁଇଂ ଚାନ୍ତ୍ରୁ ଶ୍ଟାଃଗୁଞ୍ଚେଏ । ୬ ମାତର୍ ନାଁ ପାକା ମୁଇଙ୍ଗ୍ ସାମୁଆଁ ଲେଃକେ । ଆତେନ୍ ତିଂତିଂକେ ନିଂ ରକମ୍ ପେଇଙ୍ଗ୍ ତିଗ୍ ନିକଲାଇତାୟଇଙ୍ଗ୍ନେ ସ୍ନେହାରକେ ଗିନ୍ ତିଂନାତିଂକେ ।”

୭ ✧ “ଅଁନେ ନ୍ଲୁଗ୍ ଲେଃଲୀ ମଣ୍ଡଲିଇଂକେ ପବିତ୍ର ଆମ୍ବା ମେଃନେ ବାସଙ୍ଗ୍ତିଂକେ, ଅଁ !” ଜାଣ୍ଡେଇଂ ଜିତେନେ ଲାବ୍ ତିଂଆର୍ଏ, ନିଂ ଆମେଇଂକେ ଇସ୍ପର୍ରେନେ ତୁଗ୍ଡିନ୍ନିଆ ରୁଚୁତିଂକ୍ଲେ ଜିବନ୍ ସ୍ଲାନେ ରୁଚୁ ଚଂନେ ନସା ଅଦିକାର୍ ମ୍ମିଃଏ ।

ସ୍ନେହା ମଣ୍ଡଲିକେ ଜିସୁନେ ସାମୁଆଁ

୮ ✧ ସ୍ନେହାନ୍ନିଆ ଲେଃକ୍ଲେ ମଣ୍ଡଲିନେ ଦୁଡ୍ରେନେ ତାଗ୍ବା ଗୁଆର୍, ଜାଣ୍ଡେ ମୁଲ୍ ଆରି ସାରାସାରି ବାରି ଜାଣ୍ଡେ ଗୁଏଃଚେ ବାରି ମ୍ମୁକେ ମେଁନେ ତାଗ୍ବାବାନ୍ ଆକେନ୍ ସାମୁଆଁ: ୯ ନାଁନେ କସ୍ତୁ ସାପା ଆନିଂ ଜାନା; ନିଂ ଶ୍ରିଗ୍ ମଂମାୱାକେ ଜେ ନାଁ ଦରିଦ୍; ମାତର୍ ସତ୍ରେ ନାଁ ସାଉକାର୍ । ଜାଣ୍ଡେଇଂ ନିଜକେ ଜିଉଦି ତାଗ୍ରେ ବାସଙ୍ଗ୍ତିଂଆରକେ ମାତର୍ ସତ୍ରେ ଜିଉଦି ଶ୍ଟୁ ଆରି ଜାଣ୍ଡେଇଂ ସଏତାନ୍ନେ ପ୍ଲାଞ୍ଜେଣ୍ଡେ; ମେଇଂ ତିରକମ୍ ନାଁନେ ନିନ୍ଦା ତିଙ୍ଗ୍ରେ ସାମୁଆଁ ବାସଙ୍ଗ୍ବଆରକେ ଆତେନ୍ ନିଂ ମଂମାୱାକେ । ୧୦ ନାଁ ମେଃ ତିଗ୍ ଦୁକ୍କସ୍ତୁ ତିଂନେ ଞ୍ଜେନାତିଂକେ ଆତେନ୍ସା ଆବ୍ଚଗେ । ଅଁ ! ପେ ବିତ୍ରେବାନ୍ ଉଃଡିରୁଆକେ କଏଦ୍

✧ ୨:୭ ୨:୭ ପ୍ରକାସିତ୍ ୨୨:୨. ✧ ୨:୮ ୨:୮ ପ୍ରକାସିତ୍ ୧:୧୭; ୨୨:୧୩.

ତୁଆନ୍ନିଆ ଛାଗରେ ସଏତାନ୍ ପରିକ୍ୟା ତିଙ୍ଗଏ । ମାତର୍ ନାଁନେ ଆକେନ୍ କସ୍ ମାତର୍ କମ୍ ଦିନ୍ ବେପ୍ରେଏ । ଆକ୍‌ଅରିଆ ଗୁଗୁଏନେ ବୁଟ୍ ଲେଃଲୀ ତିଗ୍ ନିଂ ଆଡ଼ାତ୍ରା ବିସ୍‌ବାସ୍ ଲେଃଲୀ ନିଂ ଆନାକେ ଜିବନ୍ ରକମ୍‌ନେ ମୁକୁର୍ ସିଏ ।

୧୧ ✨“ଅଁନ୍‌ସା ନ୍‌ଲୁଗ୍ ଲେଃଲୀ ମଣ୍ଡଲିଇଂକେ ଇସ୍‌ପର୍‌ନେ ଆମ୍ବା ମେଃନି ବାସ୍‌ତିଂକେ ଅଁ ! ଜାଣ୍ଡେଇଂ ଜିତେନେ ଲାବ୍ ତିଙ୍ଗ୍‌ଆର୍‌ଏ, ବ୍ଲାର୍‌ଗୁଏ ଆମେଇଂକେ ଲିଗ୍‌ନେ ଆୟା ଶୁ”

ପର୍ଗାମମ୍ ମଣ୍ଡଲିକେ ଜିସୁନେ ସାମୁଆଁ

୧୨ ପର୍ଗାମମ୍ ମଣ୍ଡଲିନେ ଦୁଡ଼ନେ ଟ୍ରୁ ଗୁଆର୍, “ଜାଣ୍ଡେନେ ତାଗ୍ରା ତିଗ୍‌କ୍ଲେ କାଣ୍ଡା ଲେଃକେ ମେଁନେ ଆକେନ୍ ସାମୁଆଁ । ୧୩ ନିଂ ମମ୍ୟାଃକେ ନାଁ ସଏତାନ୍‌ନେ ସିଂଆଁସିନ ତାଗ୍ରା ବାସା ତିଙ୍ଗ୍‌ନାତିଂକେ । ମାତର୍ ନାଁନେ ନିଂ ଆଡ଼ାତ୍ରା ବିସ୍‌ବାସ୍ ଲେଃକେ ଦେକ୍‌ରକମ୍ କି ସଏତାନ୍ ଲେଃନେ ଟାନ୍‌ନିଆ ଉଡ଼ିବେଲା ନିଂନେ ମୁଇଂ ବିସ୍‌ବାସ୍ ଗତିରେ ଆଣ୍ଡିପାସ୍‌କେ ଆଃବାଗୁଏ ଆର୍‌କେ ଅଃଡେନ୍ ବେଲା ତିଗ୍ ନାଁନେ ବିସ୍‌ବାସ୍ ଆନ୍ତାର୍ ନାବଗେ ଶୁ । ୧୪ ମାତର୍ ନାଁ ବିରଦ୍‌ରେ ନିଂନେ ଉଡ଼ିକ୍ଲିଗ୍ ବିସଏ ବାସଙ୍‌ନେ ଲେଃକେ । ଆଡ଼‌ଅରିଆ ନାଁ ଏଡେ ଲେଃକେ ଉଡ଼ିରୁଆ ବାଲାମନେ ସିକ୍ୟାରେ ଅଲେଙ୍ଗ୍‌ତାଲିଆ ତିଂଆର୍‌ତିଂକେ । ବାଲାମନେ ଦେବ୍‌ତା ପର୍‌ସାଦ୍ ଚଂନେ ଆରି ବେସ୍ୟାକାମ୍ ତିଙ୍ଗ୍‌ନେ ନ୍‌ସା ଇସ୍ରାଏଲିୟଇଂକେ ଆମ୍ୟାଃ ନ୍‌ସା ବାଲାକକେ ସିକ୍ୟା ବିଃବଗେ । ୧୫ ଚିକ୍ ଡେଡ଼‌ରକମ୍ ନିକଲାଇତାୟଇଂନେ ସାମୁଆଁକେ ସାଃଡେ ତିଂମ୍ୟାକ୍ଲେ ରେମୁଆଁଇଂ ପେ ବିଡ୍ରେ ଲେଃଆର୍‌କେ । ୧୬ ନାଁନେ ପାପ୍ ଆନ୍ତାର୍‌ବି; ଶୁଲ୍ଲା ନିଂ ଜିଆ ନାଁ ତାଗ୍ରା ପାଙ୍ଗ୍‌ରେ ନିଂନେ ତୁମୁଆଃବାନ୍ ତାର୍‌କ୍ଲେ କାଣ୍ଡା ଏଡେ ଆଡେନ୍ ଦଦ୍ୟା ଗାଲି ଝେଣ୍ଡେନେ ବିରଦ୍‌ରେ ଜୁଜ୍ ଶୁଏ ।”

୧୭ ✨“ଜାନେ ଅଁନେ ନ୍‌ଲୁଗ୍ ଲେଃକେ ମଣ୍ଡଲିଇଂକେ ଇସ୍‌ପର୍‌ନେ ଆମ୍ବା ମେଃନେ ବାସ୍‌ତିଂକେ ଆଡେନ୍ ଅଁ । ଜାଣ୍ଡେଇଂ ଜିତେନେ ଲାବ୍ ତିଂଆର୍‌ଏ ନିଂ ଆମେଇଂକେ ରାସିଂରେ ବଗ୍ଲେ ମାନ୍ନାବାନ୍ ମେଃଡିଗ୍ ସିଏ । ମେଁଇଂନେ ବିଡ୍ରେବାନ୍ ସାପାରେକେ ମି ମି ଗ୍ଲୁଆର୍ ଲେଃକେ

ମୁଇଁ ତୁଲୁଏ ବି ସ୍ତ୍ରୀଏ । ଆତେନ୍ ମିଁ ମିଁ ମେଝନେ ବି ସାଝକେଣ୍ଡେକେ ଆନ୍ତାର୍ତ୍ତେ ବିନ୍ ଜାତିଗ୍ ଆତେନ୍ ମ୍ୟା ଆୟାଆର୍ ଶୁଁ”

ଅଧିକାରୀ ମଣ୍ଡଳିକେ ଜିସୁନେ ସାମୁଆଁ

୧୮ ଅଧିକାରୀନ୍ନିଆ ଲେଝକେ ମଣ୍ଡଳିନେ ଦୁଡ଼ନେ ତାଗ୍ରା ଗୁଆର୍, “ଆକେନ୍ ସାମୁଆଁ ଇସ୍ପରନେ ଉଙ୍ଗ୍ତେ ତାଗ୍ରାବାନ୍ ପାଙ୍ଗ୍ଲେଝକେ । ମେଁନେ ମମୁଆଁ ତୁଆକେ ସୁଆ ରକମ୍ ଆରି ମେଁନେ ମ୍ପାର୍ତ୍ତ୍ତ ଚିକ୍ନା ପିଉଲ୍ ରକମ୍ ତାରକିଗ୍ । ୧୯ ନାଁନେ ଲିଗ୍ମେ ନାଁନେ ଆଲାଦ୍ ବିସ୍ବାସ୍ ନାଁନେ ସେବାକାମ୍ ଆରି ସାଆସ୍ ନିଁ ମମୁଆଁକେ ! ନିଁ ଶ୍ରିଗ୍ ମ୍ୟାଶ୍ରିଁ ଜେ ନାଁ ଅଝସେ ମେଝନେ ତିଁନାତିଙ୍ଗେ ଏକେ ଆତେନ୍ବାନ୍ ମାଲେ ତିଁନାତିଁକେ । ୨୦ ମାତର୍ ନାଁ ବିରଦ୍ରେ ନିଁନେ ମୁଇଁ ଅଝକେନ୍ ବାସଙ୍ଗ୍ନେ ଲେଝକେ ଇସ୍ପରନେ ସାମୁଆଁ ସାଝନେ ରକମ୍ ନିଜର୍ ପରିଚୟ୍ ବିଝଡ଼ିଙ୍ଗେ ଜେଜେବଲ୍ ତେମ୍ପିଙ୍ଗେ ସେଲାମ୍ପୁଝକେ ନାଁ ବୁଝଡ଼ି ନାବକେ । ମେଁ ନିଁନେ ଗତିରେଇଁକେ ବେସ୍ୟାକାମ୍ ତିଁନେସା ଆରି ଦେବା ଦେବିଇଁନେ ତାଗ୍ରା ବିବଗ୍ଲେ କାଦିଇଁ ଚଂନେସା ସିକ୍ୟା ବିଚେ ଆମେଇଁକେ ବିନ୍ଗାଲି ଆଝଝେଡ଼ିଙ୍ଗେ । ୨୧ ପାପ୍ବାନ୍ ଆଣ୍ଡେ ପାଁନେ ନ୍ସା ନିଁ ଆମେକେ ବେଲା ବିଝମ୍ପକେ ମାତର୍ ମେଁ ନିଜର୍ ଦଦ୍ୟା କାମ୍ ଆନ୍ତାର୍ତ୍ତେ ଚାଏଁ ଆଡ଼ିଙ୍ଗେ । ୨୨ ତେନ୍ସା ନିଁ ଆମେକେ ବାରି ମେଁ ଏତେ ଅଡ଼ାରେଗ୍ କାମ୍ନିଆ ଲେଝନେ ସାପାରେକେ ଆଝସିଆଝଜାନ୍ନିଆ ଶ୍ଟାଲଝଏ ବାରି ମେଁଇଁ ବୟଙ୍ଗାର୍ କସ୍ ବାଆର୍ଏ । ଜଦି ମେଇଁ ମେଁ ଏଝତେ ତିଁବକ୍ରେ ଦଦ୍ୟା କାମ୍ ନ୍ସା ଆଏତେଆର୍ ଶୁଁ ତେଲା ନିଁ ଆକେନ୍ ତିଲାଡ଼ିଗ୍ ଶୁଁଏ । ୨୩ ମେଁନେ ପ୍ଲାଝଝେଣ୍ଡେକେ ଶ୍ରିଗ୍ ମ୍ପାଗୁଏଝଏ । ତେଡ଼ଲା ମଣ୍ଡଳିଇଁ ସାପାରେ ମ୍ୟାଝ ଯାଆର୍ଏ ଜେ; ନିଁ ଅନ୍ତର୍ଜ୍ୟାମି ରେମୁଆଁନେ ସର୍ତ୍ତେ ଚିନ୍ତା ଆରି ବାବ୍ନା ନିଁ ମ୍ୟାଝୟାଏ । ଯେ ସାପାରେ ମେଝନେ ତିଙ୍ଗ୍ପେବକେ ଆତେନ୍ ଅନୁସାରେ ନିଁ ଆପେକେ କାମ୍ ସ୍ତ୍ରୀଏ ।

୨୪ ମାତର୍ ଅଧିକାରୀନ୍ନିଆ ପେନେ ବିତ୍ତେବାନ୍ ଜାଣ୍ଡେଜାଣ୍ଡେ ଆକେନ୍ ଦଦ୍ୟା ସିକ୍ୟା ସାଝ ପେଡ଼ିଙ୍ଗେ ଆରି ‘ସଏତାନ୍ନେ ସଡ଼ କାମଇଙ୍ଗ୍ ସିକ୍ୟା ପେଡ଼ିଙ୍ଗେ ଶୁଁ ନିଁ ମେଁଇଁନେ ଆଡ଼ାଡ଼ା ଆରି ମେଝଡ଼ିଗ୍ ଲିଗିଙ୍ଗ୍ ଲାଦେ ନ୍ନାବି ଶୁଁ’ ୨୫ ମାତର୍ ନିଁ ମାପାଁନେ ଜାକ

ପେନେ ମେଠନେ ଲେଠକେ ଆତେନ୍ ତାଟ୍ ବାବ୍ରେ ସାଃ ଲାଲାପା ।
 ୨୭ ଜାଣ୍ଠେଜାଣ୍ଠେ ଜିତେ ଆର୍ବ୍ ଆରି ତେଠତା ଜାକ ନିଂନେ ଇକ୍ତାରେ
 କାମ୍ ତିଂଆର୍ବ୍ ନିଂ ଆବାନେ ତାଗ୍ରାବାନ୍ ମୁଡ଼ି ଅଦିକାର୍ ବାଲ୍ଲେଠକେ,
 ଆମେକେ ଶ୍ରିଗ୍ ଡେଡ଼ରକମ୍ ସାପା ଜାତି ଆଡ଼ାଡ଼ା ଅଦିକାର୍ ସ୍ୱିଏ ।
 ୨୭ ଦରତନିନେ ବିନ୍‌ବିନ୍ ଜାତିକେ ଲୁଆ ତୁଡୁନିଆ ସାସନ୍ ତିଂନେ ବାରି
 ତୁବଃ କ୍ଲୁଇ ରକମ୍ କଣ୍ଟୁ କଣ୍ଟୁ ତିଂନେସା ନିଂ ଆମେଇଂକେ ଅଦିକାର୍
 ସ୍ୱିଏ । ୨୮ ନିଂ ଆମେଇଂକେ ଞ୍ଜିରନେ ଚାକ୍ଲୁଆ ଶ୍ରିଗ୍ ଦାନ୍ ସ୍ୱିଏ ।”

୨୯ “ଅଁନେ ବପୁ ଲେଠଲା ମଣ୍ଡଲିଇଂକେ ଇସ୍‌ପରନେ ଆମ୍ବା
 ମେଠନେ ବାସଂତିଂକେ ଅଁ !”

୩

ସାଦ୍‌ସ୍‌ ମଣ୍ଡଲିକେ ଜିସୁନେ ସାମୁଆଁ

୧ ସାଦ୍‌ସ୍‌ସ୍‌ନିଆ ଲେଠକ୍ଲେ ମଣ୍ଡଲିନେ ଦୁଡ଼ନେ ତାଗ୍ରା ଗୁଆର୍ ।
 “ଇସ୍‌ପରନେ ଗୁକ୍ଲିଗ୍ ଆମ୍ବା ଆରି ଗୁକ୍ଲିଗ୍ ଚାକ୍ଲୁଆ ସାଃ ଲେଠକ୍ଲେ
 ରେମୁଆଁବାନ୍ ଆକେନ୍ ସାମୁଆଁ । ନିଂ ନାଁନେ ସ୍ଲେଗ୍ଗାର୍ ମ୍‌ମ୍ୟାଠକେ;
 ପେଇଙ୍ଗ୍ ଗୁଏଠ ପେଲେଠଲା ତିଗ୍ ମ୍‌ ପେଲେଠକେ ତାଗ୍ରତେ ମ୍‌
 ବାପେଲେଠକେ । ୨ ତେସାଠ ତରକ୍ ତିଂପା ବାରି ପେ ତାଗ୍ରା ମେଠନେ
 ତିଗ୍ ଲେଠକେ ଆତେନ୍ କ୍ଲିଗ୍‌ତା ବଃ ଝେନେ ସେନୁଗ୍ ଆମେକେ ତାଟ୍
 ଆଠତିଂ ତାଗ୍‌ଲା ନିଂ ମ୍‌ମ୍ୟାଠକେ ନାଁନେ କାମ୍ ସାପା ଇସ୍‌ପରନେ
 ମୁଆଁଠନିଆ ଏଠ ଜାକ ପୁରନ୍ ଆତିଂକେ ଶ୍ରି । ୩ ☆ଆନାଁକେ ମୁଡ଼ିନେ
 ସିକ୍ୟା ବିଠବଗେ ବାରି ନାଁ ମେଠନେ ଅଁନାଲେଠଗେ ଆତେନ୍ ମନେ
 ତିଂରେ ପାଲନ୍ ତିଂ ଆରି ନାଁନେ ପାପବାନ୍ ଆଣ୍ଠେ । ତରକ୍
 ନାତିଂଲା ନିଂ ତଙ୍ଗାରେ ରକମ୍ ମାରିଆଠତୁଗ୍ ବାବ୍ରେ ନାଁନେ ତାଗ୍ରା
 ମ୍ୟାଏ । ଉଡ଼ି ବେଲା ମ୍ୟାଏ ଆତେନ୍ ନାଁ ମ୍ୟାଠ ନାୟା ଶ୍ରି ।
 ୪ ମାତର୍ ସାଦ୍‌ସ୍‌ସ୍‌ନିଆ ପେନେ ବିଡ୍ରେବାନ୍ ଗଣ୍ଡାଠ ରୁଆ ମେଁଇଂନେ
 ସ୍ଲପୁଆଠ ନିମାଣ୍ଡା ବଆର୍‌କେ । ମେଁଇଂ ତୁଲୁଏ ସକା ସଠତେ ନିଂ
 ଏତେ ଅଲେଙ୍ଗ୍‌ତାଲିଆ ତିଂଆର୍ବ୍, ତାଗ୍‌ଲା ଆକେନ୍‌ସା ମେଁଇଂନେ
 ଅଦିକାର୍ ଲେଠକେ । ୫ ☆ଜାଣ୍ଠେଜାଣ୍ଠେ ଜିତେ ଆର୍ବ୍ ମେଁଇଂ

☆ ୩:୩ ୩:୩ ମାତିଉ ୨୪:୪୩,୪୪; ଲୁକ୍ ୧୨:୩୯,୪୦; ପ୍ରକାସିତ୍ ୧୨:୧୫. ☆ ୩:୫ ୩:୫
 ପ୍ରକାସିତ୍ ୨୦:୧୨; ମାତିଉ ୧୦:୩୨; ଲୁକ୍ ୧୨:୮.

ଡେକରକମ୍ ତୁଲୁଏ ସକା ସଃ ଆରଏ ଜିବନ୍ ସାସ୍ତରବାନ୍ ମେଁଇଁନେ ମ୍ନି ଅଃନାଡିଗ୍ ଦଂସ ଆରାଃଡିଂ ଶ୍ଟୁ ବୁାରି ନିଁନେ ଆବା ଆରି ମେଁଇଁନେ ଦୁଡ଼ଇଂ ଡାଗ୍ରା ଆମେଇଂକେ ନିଁନେ ପ୍ଲାପାଂଶ୍ଟେ ଡାଗ୍ରେ ନିଁ ସଡ଼ ମ୍ନାସଙ୍ଗଏ ।”

୬ “ଅଁନ୍ସା ନ୍ଲୁଗ୍ ଲେଃଲା ମଣ୍ଡଲିଇଂକେ ପବିତ୍ର ଆମ୍ନା ମେଃନେ ବାସଙ୍ଗଡିଂକେ ମନ୍ ବିରେ ଅଁପା ।”

ଫିଲାଦେଲ୍ଫିଆ ମଣ୍ଡଲିକେ ଜିସୁନେ ସାମୁଆଁ

୭ ଫିଲାଦେଲ୍ଫିଆନ୍ନିଆ ଲେଃକ୍ଲେ ମଣ୍ଡଲିଇଁନେ ଦୁଡ଼ନେ ଡାଗ୍ରା ଗୁଆର: “ଜା କ୍ଲିଗ୍ଡା ବାବେ ପବିତ୍ର ଆରି ସଡ଼ ରକମ୍ ଲେଃଆରଏ ମେଁନେବାନ୍ ଆକେନ୍ ସାମୁଆଁ ଅଁପା । ମେଁନେ ଡାଗ୍ରା ଦାଉଦ୍ନେ କୁଚିକାଡି ଲେଃକେ ମେଁ ମୁଃଡି ଗାଲି ରଃଏ ବିନ୍ ଜାଣ୍ଡେ ଆଡେନ୍ ଆନ୍ତଃନେ ଆୟା ଶ୍ଟୁ ବୁାରି ମେଁ ମେଃନେ ଆନ୍ତଃଏ ବିନ୍ ଜାଣ୍ଡେ ଆଡେନ୍ ରଃ ଆୟା ଶ୍ଟୁ । ୮ ନାଁନେ ସ୍ଲେଗ୍ଗାର୍ ନିଁ ମ୍ମଫାଃକେ; ଏଃ ଜାକ ନାଁନେ ଗଣ୍ଡାଃ ବପୁ ଲେଃକେ ଆକେନ୍ ଶ୍ଟିଗ୍ ମ୍ମଫାଃକେ; ନାଁ ନିଁନେ ସିକ୍ୟା ପାଲନ୍ ଡିଂ ପାଙ୍ଗ୍ନାଡିଂକେ ବାରି ନିଁ ଆଡାଡା ନାଁନେ ବିସ୍ବାସ୍ ଲେଃକେ । ତେସାଃ ନିଁ ନାଁ ଡାଗ୍ରା ମୁଇଂ ଗାଲି ରଃମ୍ବକେ । ଆଡେନ୍ ଜାଣ୍ଡେ ଆନ୍ତଃନେ ଆୟା ଶ୍ଟୁ । ୯ ଦ୍ଵିଗ୍ ! ମୁଃଡି ଉଡିରୁଆ ନାଲେଣ୍ଡେ ନିଜେ ନିଜେକେ ଜିଉଦି ଡାଗ୍ରେ ଦାବି ଡିଆରଏ ମାଡର୍ ସଡ଼ରେ ଜିଉଦି ଆଡିଆର ସଏଡାନ୍ନେ ଆଡେନ୍ ରେମୁଆଁଇଂକେ ନିଁ ନାଁନେ ଅଆଲ ଶ୍ଟାଡିଏ । ନିଁ ଆନାକେ ଆଲାଦ୍ ଡିଂଶ୍ଟିଂକେ ଡାଗ୍ରେ ମେଁଇଁ ସାପାରେ ମ୍ୟାଃଆରଏ । ୧୦ ନିଁନେ ଆଦେସ୍ ଅନୁସାରେ ପେ ଡାବ୍ ଡିଂରେ ପେଲେଃକେ, ତେସାଃ ଦର୍ଡନିଶ୍ଟେ ରେମୁଆଁଇଁନେ ଡାଗ୍ରା ପରିକ୍ୟା ଡିଂନେ ନସାଃ କ୍ଲିଗ୍ ଦର୍ଡନିନ୍ନିଆ ମୁଃଡି କସ୍ ପେଂଚାନେ ଝେଡିଂକେ ଆଡ଼ବାନ୍ ନିଁ ଆପେକେ ବିପଦ୍ବାନ୍ ସ୍ଲୁ ମ୍ମଏ । ୧୧ ନିଁ ଗିଆଃ ପାଙ୍ଗ୍ଣିଂକେ ନାଁନେ ମେଃନେ ଲେଃକେ ଆଡେନ୍ ନିମାଣ୍ଡା ବ ଡିରକମ୍ ଜାଣ୍ଡେ ନାଁନେ ଡାଗ୍ରାବାନ୍ ନାଁ ନାଜିଡେକ୍ଲେ ଇନାମ୍ ଆଡଙ୍ଗା ଶ୍ଟୁ । ୧୨ ✨ଜିଡେକ୍ଲେ ରେମୁଆଁକେ ନିଁ ନିଁନେ ଇସ୍ପରନେ ମନ୍ଦିରନ୍ନିଆ ଦରମ୍ ଡେଲି ରକମ୍ ଡିଆର ଶ୍ଟିଏ ବାରି ମେଁ ଅଃନାଡିଗ୍ ଆଡ଼ବାନ୍

✨ ୩:୧୨ ୩:୧୨ ପ୍ରକାସିତ୍ ୨୧:୨.

ଆଜ୍ଞେଆନ୍ତେ ଆଡ଼ିଂ ଶୁ । ନିଂ ଆତେନ୍ ଆଡ଼ାଡ଼ା ନିଂ ଇସ୍ପରନେ ନିଂ ଜୁଆରୁଏ । ନିଂ ଇସ୍ପରନେ ଡାଗ୍ରାବାନ୍ କିତଂବାନ୍ ପାଙ୍ଗ୍ଡିଂକ୍ଲେ ଇସ୍ପରନେ ଇନି ନିଂ ଯିରୁଶାଲମ୍‌ନେ ନିଂ ଆରି ନିଂନେ ନିଂ ନିଂ ଶ୍ରିଗ୍ ଆଡ଼ ଆଡ଼ାଡ଼ା ଜୁଆରୁଏ ।”

୧୩ “ଜାନେ ଦ୍ରିଗ୍‌ନେ ନ୍‌ଲୁଗ୍ ଲେଃକେ ମେଁ ମଣ୍ଡଲିକ୍‌କେ ଇସ୍ପରନେ ଆମ୍ବା ମେଃନେ ବାସଙ୍ଗ୍ଡିଂକେ ମନ୍ ବିଚେ ଦ୍ରିଗ୍‌ପା ।”

ଲାଅଦିକିଆ ମଣ୍ଡଲିକେ ଜିସୁନେ ସାମୁଆଁ

୧୪ ଲାଓଦିକିଆନ୍ନିଆ ଲେଃକ୍ଲେ ମଣ୍ଡଲିନେ ଦୁଡ଼ନେ ଡାଗ୍ରା ଗୁଆରୁ, “ଜାଣ୍ଡେ ସଡ଼, ଜାଣ୍ଡେ ବିସ୍‌ବାସ୍ ଆରି ସଡ଼ ସାକି, ଜାଣ୍ଡେ ଇସ୍ପରନେ ଆଃରେକ୍ଲେ ମୁଲ୍ ରେମୁଆଁ, ମେଁ ଆକେନ୍ ବାସଙ୍ଗ୍ଡିଂକେ, ୧୫ ନିଂ ନାଁନେ ସ୍ଲେଗ୍ଗାର୍ ମ୍‌ମ୍ୟାକେ; ଯେ ବିଃ ଶୁକି ଗରମ୍ ଶୁଆକେନ୍ ନିଂ ମ୍‌ମ୍ୟାକେ । ଯେ ବିଃ କି ଗିଃ ତିଂପେଲେଃଲା ନିମାଣ୍ଡା ପାଡ଼ି । ୧୬ ମାତର ଯେ ବିଃ କି ମାଗିଃରେ ଉସୁମ୍ ତିଂପେଲେଃକେସା ନିଂ ଆନାଁକେ ନିଂ ତୁମ୍‌ଆବାନ୍ ଜୁଆରୁ ନିଏ ! ୧୭ ନାଁ ବାସଂନାଡ଼ିଂକେ; ନିଂ ସାଉକାର୍ ଆରି ମ୍ଲାଃରେ ନିଂନେ ମେଃନେ ଲଡ଼ା ସାପା ଲେଃକେ; ଶୁଲ୍ଲା ସତେଆ ଯେ ଉଡ଼ି ଦୁର୍ବାଗ୍ୟ ଆରି ତଣ୍ଡ ବାନେ ରେମୁଆଁ ଆକେନ୍ ଯେମ୍ୟାଃକେ ଶୁ । ଯେ ଦରିଦ୍ର, ନାଂଲା ଆରି କାନା ରେମୁଆଁ ! ୧୮ ତେସାଃ ନିଂ ଆନାଁକେ ଆଦେସ୍ ବିଃଶ୍ରିଂକେ ସାଉକାର୍ ତିଂନେ ନ୍‌ସା ନିଂବାନ୍ ଦଦ୍ୟା ସୁନା ବିଆରନେ, ଯେନେ ଗିଆସଃନେ ଲାଂଲାକେ ତିଡ଼ାନେ ନ୍‌ସା ନିଂ ଡାଗ୍ରାବାନ୍ ତୁଲୁଏ ସକା ବେହାର୍ । ବାରି କିକେନେ ବପୁ ନିମାଣ୍ଡା ତିଂନେ ନ୍‌ସା ଇଡୁଡିଗ୍ ମୁଆଃକାଲା ବେହାର୍‌ରେ ମୁଆଃନ୍ନିଆ ଲିଗ୍ । ୧୯ ନିଂ ଆଜାକେ ଆଲାଦ୍ ଶ୍ରିଂଏ ଆମେଇଂକେ ନିନ୍ଦା ଶ୍ରିଂଏ ଆରି ସାସ୍ତି ନିଏ । ତେସାଃ ମନ୍ ଏତେ ପାପ୍ ଗାଲିବାନ୍ ଆଣ୍ଡେ ପାଙ୍ଗ୍‌ଲାପା । ୨୦ କେଲା ! ନିଂ ବାଏରେ ତୁଆଁତେ କାପାଡ଼ିନ୍ନିଆ ବଗ୍ ଶ୍ରିଂକେ; ଜଦି ଜାଣ୍ଡେ ନିଂନେ ସାମୁଆଁ ଦ୍ରିଗ୍‌ରେ ଗାଲି ରଃ ବିଏ ନିଂ ମେଁ ତୁଆ ବିତ୍ରେ ଗାରେ ମେଁ ଏତେ ଖ୍ରୀଏ ବାରି ମେଁ ନିଂ ଏତେ ଚଂଏ । ୨୧ ନିଂ ତିରକମ୍ ଜିତେରେ ନିଂନେ ଆବାନେ ଏତେ ମେଁନେ ସିଂଆସନନ୍ନିଆ କନେଲେଃକେ ଜାଣ୍ଡେଜାଣ୍ଡେ ଜିତେଆରୁଏ

ଆତେନ୍ ସାପାରେକେ ନିଂ ଟିକ୍ ଦେଡ଼ରକମ୍ ନିଂନେ ସିଂଆସନନ୍ନିଆ ନିଂ ଡାଗ୍ରା କନେ ଅଦିକାର୍ ସିଏ ।”

୨୨ “ଦ୍ରିଗ୍ନେ ନ୍ଲୁଗ୍ ଲେଃଲା ଇସ୍ପରନେ ଆମ୍ବା ମଣ୍ଡଲିଇଂକେ ମେଃନେ ବାସଙ୍ଗ୍ତିଂକେ ଦ୍ରିଗ୍ପା !”

୪

କିତଂନ୍ନିଆ ପାବ୍ତନା

୧ ଆକେନ୍ ବେଲା ନିଂ ଆରି ମୁଇଂ ଚିନ୍ ଝେକେ । କିତଂନ୍ନିଆ ମୁଇଂ ଗାଲି ରଃଡ଼ା ଝେଲେଃଗେ ବାରି ପ୍ରିଃ ସକ୍ ରକମ୍ ମୁଇଂ ଲୁଗଃ ସକ୍ବାନ୍ ଆନିଂ ଆଦେସ୍ ମିଲେକେ; “ଆକ୍ଡାଗ୍ରା ଡଃଡ଼ିଆ ପାଙ୍ଗ୍ଲା । ଆକେନ୍ ଇଡ଼ିଂ ମେଃନେ ସାପା ଗଟେନେ ଝେଡ଼ିଂକେ ଆତେନ୍ ନିଂ ଆନାଁକେ ଶ୍ଟାସୁଏଃଏ ।” ୨ ସାଙ୍ଗେ ସାଙ୍ଗେ ପବିତ୍ର ଆମ୍ବାନେ ବାନ୍ ବାଚେ ନିଂ ଝେକେ କିତଂନ୍ନିଆ ମୁଇଂ ସିଂଆସନନ୍ନିଆ ମୁଇଂଡା ଜାଣ୍ଡେ କଲେଃକେ । ୩ ମେଁନେ ସାମ୍ବୁଆଁଃ ଇରା ଆରି ମାଣିକ୍ୟ ସୁଗୁଆ ନ୍ଦା ଡିଙ୍ଗେ ଆରି ସିଂଆସନକେ ମର୍କତ ମଣି ସୁଗୁଆ ମୁଇଂ ଇନ୍ଦ୍ରଦନ୍ତ ସାଃଚେ ଲେଃଗେ । ୪ ବାରି ସିଂଆସନନେ ପିତୁର୍ ଝେକେ ରକମ୍ ଲଃଲେଃକେ ବିନ୍ ୨୪ କ୍ଲିଗ୍ ସିଂଆସନନ୍ନିଆ ୨୪ ରୁଆ ବୟସ୍ ମଣ୍ଡଲି ନେତା କଲେଃଆର୍ଗେ । ମେଁଇଂ ତୁଲୁଏ ସକା ସଃଲେଃକେ ଆରି ମେଁଇଂନେ ବାଆଃ ଆଡ଼ାଡ଼ା ସୁନା ମୁକୁର୍ । ୫ *ସିଂଆସନବାନ୍ ଲଲାଂଡାରନେ ଡାର୍କିଗ୍ ବିନ୍ବିନ୍ ସବ୍ଦ ଆରି ଲାଙ୍ଗ୍ଡାରନେ ସବ୍ଦ ଡାର୍ଡିଂଗେ । ସିଂଆସନ ଡାଗ୍ରା ଇସ୍ପରନେ ଗୁଲ୍ଲିଗ୍ ଆମ୍ବାନେ ଚିନା ଗୁଲ୍ଲିଗ୍ କୁପିସ୍ ତୁଆଡିଂଗେ । ୬ ବାରି ସିଂଆସନ ଡାଗ୍ରା କାଞ୍ଚ୍ ସୁଗୁଆ ମୁଇଂ ନିମାଣ୍ଡା କେଣ୍ଡିଆଃ ନାଡିଂଗେ । ସିଂଆସନକେ ମ୍ବାପାକା ଗେରେ ଲେଃଆର୍ଗେ ଅଁଶ୍ଟୁଆ ଜିବ୍; ମେଁଇଂନେ ଗାଗ୍ଡେନେ ସେଃମ୍ପାକା ଆରି ଆଲପାକା ମୁଆଁଃନ୍ନିଆ ନ୍ଲେଃଗେ । ୭ ମୁଲ୍ ଜିବ୍ ସିଂଅଙ୍ଗୁ ସୁଗୁଆ ନାଡିଂଗେ; ଦୁଡିୟନେ ଗ୍ଲେଃ ସୁଗୁଆ ନାଡିଂଗେ । ତୁଡିଂୟନେ ସାମ୍ବୁଆଁଃ ରେମୁଆଁନେ ସାମ୍ବୁଆଁଃ ସୁଗୁଆ ଲେଃଗେ ବାରି ଚତୁର୍ତ୍ତନେ ଝାଲେନେ ରାବନ୍ ପିଗ୍ ସୁଗୁଆ ନାଡିଂଗେ । ୮ ସର୍ତେ ଜିବ୍ନେ

☆ ୪:୫ ୪:୫ ପ୍ରକାସିତ୍ ୮:୫; ୧୧:୧୯; ୧୭:୧୮; ପ୍ରକାସିତ୍ ୧:୪.

ତୁରକ୍ଲିଗ୍ ଡେନା ଲେଖଗେ ବାରି ଡେନ୍‌ଇଂନେ ବାଏରେ ଆରି ବିଡ଼ରେ
ଶ୍ରିଗ୍ ମୁଆଁଝନ୍ନିଆ ନ୍‌ଲେଖଗେ । ମେଁଇଂ ସ୍ଥିମିତିଗ୍ ମାପୁଣ୍ଡେ ବାବ୍‌ରେ
ସାର୍ ତିଂଆଗେ,

“ପବିତ୍ର, ପବିତ୍ର, ପବିତ୍ର ସାପାରୁ ବପୁନେ ମାପରୁ ଇସପର !

ଅଃସେବାନ୍ ଏଃକେ ଜାକ ଜା କାଲାଆଃ ଲେଖଣ୍ଡେ ଆରି
ବାର୍‌ମୁଇଂତର ଜା ପାଙ୍‌ଏ ।”

୯ ଜିବ୍‌ଇଂ ସିଂଆସନନ୍ନିଆ କଣ୍ଡେ ଆତେନ୍ କାଲାଆଃ ମୁନେ
ରେମୁଆଁକେ ଗୌରବ୍, ସନ୍‌ମାନ୍ ଆରି ଦନ୍‌ୟବାଦ୍ ବିତେ ମେଁନେ
ଅସ୍‌ମାର୍ ସାର୍‌ନେ ବେଲା, ୧୦ ଅଃସେନେ ୨୪ ରୁଆ ବୟସ୍କ ନେତା
କାଲାଆଃ ମୁନେ ରେମୁଆଁନେ ସିଂଆସନ ତାଗ୍ରା ମୁକ୍ତିଚେ ମେଁନେ
ଅସ୍‌ମାର୍ ସାର୍‌ନେ ମୁଲେ ଆର୍‌କେ । ବାରି ସିଂଆସନ ଆଲ ନିଜର୍
ନିଜର୍ ମୁକୁର୍ ବଚେ ବାସଙ୍‌ଆର୍‌କେ

୧୧ “ଏ ନେନେ ମାପରୁ ଇସପର !

ନାଁ ଆଃ ଗୌରବ୍, ସନ୍‌ମାନ୍ ଆରି ବପୁନେ ବାନେ ରେମୁଆଁ,
ତାଗ୍ରା ନାଁ ସାପା ବିସଏ ଆଃରେ ନାବକେ ।

ନିଜର୍ ଇକ୍‌ଚାରେ ଆତେନ୍ ସାପାକେ ଜିବନ୍ ବିନାବକେ
ଜିବ୍‌ଇଂକେ ଆମ୍ ନାବକେ ।”



ସାସ୍ତ୍ର ଆରି ମେଣ୍ଡାତୁର୍ତ୍ତ୍ୟାରେ

୧ ସିଂଆସନନ୍ନିଆ କଲେଖକ୍ରେ ରେମୁଆଁନେ ଞ୍ଚିନ୍ନିଆ ନିଂ ମୁଇଂ
ବାଞ୍ଜିର୍ ସାସ୍ତ୍ର କ୍ଳେକେ; ମେଁନେ ମ୍ପାରପାକା ଗୁଆର୍ ଲେଖଗେ
ଆରି ଗୁକ୍ଲିଗ୍ ସିଲ୍‌ନ୍ନିଆ ଆତେନ୍ ଚିନ୍ ତିଂଲେଖଗେ । ୨ ବାରି ନିଂ
କ୍ଳେକେ ମୁଇଂ ମ୍ପାଃ କିତଂଦୁଡ଼ ଜବର୍ ଝାସାର୍‌ଚେ ବାସଙ୍‌ତିଂକେ:
“ସିଲ୍‌ଇଂ ପାକ୍‌ଚିଚେ ଆକେନ୍ ସାସ୍ତ୍ରକେ ରଃଡ଼ା ନ୍‌ସାଃ ଜାଣ୍ଡେ ସଡ଼
ରେମୁଆଁ ଲେଖଲା ତାର୍‌ଚେ ପାଙ୍‌ଲାପା ।” ୩ ମାତର୍ ଆତେନ୍ ସାସ୍ତ୍ର
ତଃଚେ ଆଡ଼ଅରିଆ ମେଃନେ ଗୁଆର୍‌ଲେଖକେ ଲଃନ୍‌ସା କିତଂନ୍ନିଆ,
ଦର୍ତ୍ତନିନ୍ନିଆ କି ପାତାଲ୍‌ନ୍ନିଆ ଜାତିଗ୍ ଆତାର୍‌ଆର୍‌କେ ଶ୍ଟୁ ୪ ସାସ୍ତ୍ର
ରଃଡ଼ାଚେ ଆଡ଼ଅରିଆ ମେଃନେ ଗୁଆର୍‌ଲେଖକେ, ଲଃନ୍‌ସାଃ ଜାଣ୍ଡେ
ମୁଇଂତା ତିଗ୍ ନିମାଣ୍ଡା ରେମୁଆଁ ଆମିଲେକେସା ନିଂ ଦୁକ୍ ତିଂଚେ

ଅଃନେ ଆରାମ୍ ଶ୍ରିଂକେ । ୫ ତେନ୍‌ଇଡ଼ିଂ ବୟସ୍ ନେତାଇଂ ବିତ୍ରେବାନ୍ ମୁଇଂତା ଆନିଂ ସାନ୍ତି ଆଡ଼ିଂଚେ ବାସଙ୍ଗକେ “ଆଅଃଗେ କେଲା ! ଦାଉଦନେ ମ୍ବା ବଂସଇଂ ଜିହୁଦା ରେମୁଆଁନେ ସିଂଅ ଜିତେଚେ ପାଙ୍ଗଲେଃଆକେ; ମେଁ ଆକେନ୍ ଗୁଲ୍ଲିଗ୍ ଜାକ ସିଲ୍ ପାକ୍‌ଚିଚେ ସାସ୍ତର୍ ରଃଡ଼ାନ୍‌ସା ବପୁ ଲେଃକେ ।”

୬ ତେନ୍‌ଇଡ଼ିଂ ସିଂଆଁସନନେ ମଜେ ସିସେନେ ଅଁକ୍ଲିଗ୍ ଜିବ୍ ଆରି ବୟସ୍ ନେତାଇଂନେ ତାଗ୍ରା ମୁଇଂ ଡଂମେଣ୍ଡାକେ ତୁଆଁ ଲେଃକେ କେକେ । ମେଣ୍ଡାତୁର୍ତ୍ତ୍ୟାରେ ଗୁଏ ଲେଃକେ ସୁଗୁଆ ମନେ ତିଂଆରକେ । ମେଁନେ ଗୁଲ୍ଲିଗ୍ ତିରଂ ଆରି ଗୁଲ୍ଲିଗ୍ ମ୍ମୁଆଃ ଲେଃଗେ । ଆତେନ୍ ମ୍ମୁଆଃଇଂ କ୍ଲିଗ୍ ଦର୍ତ୍ତନିନ୍ନିଆ ବେବକେ ଇସପରନେ ଗୁଲ୍ଲିଗ୍ ଆମ୍ । ୭ ମେଣ୍ଡାତୁର୍ତ୍ତ୍ୟାରେ ସିଂଆଁସନନ୍ନିଆ କଲେଃକେ ରେମୁଆଁନେ ତାଗ୍ରା ଝେଚେ ମେଁନେ ଞ୍ଚିତିବାନ୍ ସାସ୍ତର୍ ସାଃକେ । ୮ ମେଁ ବଇ ସାଃକେ ଦାପ୍‌ତେ ଅଁକ୍ଲିଗ୍ ଜିବ୍ ଆରି ୨୪ ରୁଆ ବୟସ୍ ନେତା ଡଂମେଣ୍ଡାଇଂନେ ତାଗ୍ରା ମୁକ୍‌ଚିଆରକେ । ସାପାରେନେ ତ୍ରିନ୍ନିଆ ମୁଇଂ ମୁଇଂ ବିଶା ଆରି ଇସପର୍ ବଲ୍‌ଇଂନେ ପାର୍‌ତନା ସୁଗୁଆ ମୁଇଂ ସୁନା କ୍ଲୁଇନ୍ନିଆ ଦୁପ୍ ନକେ ଲେଃଗେ । ୯ ମେଁଇଂ ମୁଇଂ ମି ଅସମାର୍ ସାର୍‌ଡିଂଆଗେ:

“ସାସ୍ତର୍ ସାଃଚେ ମେଁନେ ସିଲ୍ ପାକ୍‌ଚିନ୍‌ସା ନା ଆଃ ନିମାଣ୍ଡା ରେମୁଆଁ

।
ତାଗ୍‌ଲା ନାଁ ଚିନାବାନା ତିଂନାଲେଃଗେ

ବାରି ନାଁନେ ଗୁଏନେ ବାନ୍ ସାପା ରେମୁଆଁ ଖାସାଣ୍ଡେ ରାଜି

ଆରି ଜାତି ବିତ୍ରେବାନ୍ ଇସପରନେ ନ୍‌ସା ରେମୁଆଁଇଂକେ
ବିଆର୍ ନାବକେ ।

୧୦ ✨ ବାରି ଇସପରନେ ଜତନ୍ ତିଂନେ ନ୍‌ସାଃ ଆମେଇଂକେ ମୁଇଂ
ପୁଜାରି ଜାତି ରକମ୍ ଆଃଡିଂ ନାବକେ

ବାରି ମେଁଇଂ ଦରତନି ଆଡ଼ାତ୍ରା ସାସନ୍ ତିଂଆରୁଏ ।”

୧୧ ନିଂ ବାରି କିକେ କେକେ ଅଜାର୍ ଅଜାର୍ ଆରି ଲାକ୍ ଲାକ୍
କିତଂଦୁଡ଼ ସିଂଆଁସନକେ ଅଁକ୍ଲିଗ୍ ଜିବ୍ ଆରି ବୟସ୍ ନେତାଇଂକେ
ପୁଏକୁରଚେଃ ତୁଆଁ ଲେଃଆରକେ । ୧୨ ମେଁଇଂ ଜବର୍ ଝାସାର୍‌ଚେ
ଅସମାର୍ ସାର୍‌ଡିଂଆଗେ:

✨ ୫:୧୦ ୫:୧୦ ପ୍ରକାସିତ୍ ୧:୬.

“ଚିନାବାନା ତିଂଲେଃକ୍ଲେ ଆଡେନ୍ ଉଂମେଣ୍ଡା

ଅଦିକାର୍, ସୁନ୍ଦର, ଜ୍ଞାନ ଆରି ବପୁ,

ସନ୍ମାନ, ଗୌରବ ଆରି ପ୍ରସଂସା ବାନେ ରେମୁଆଁ!”

୧୩ ଅଃଡେନ୍ ବେଲା କିତଂ, ଦରତନି, ପାତାଲ୍ ଆରି କେଣ୍ଡିଆଃନେ ସର୍ତ୍ତେ ଜିବ୍ ବାରି ଦରତନିନେ ସାପା ଜିବ୍‌କେ ଅସ୍ମାର୍ ସାର୍ତିଂକ୍ଲେ ନିଂ ଡକେ । ମେଇଂ ସାର୍ତିଂଆଗେ:

“ସିଂଆସନନ୍ନିଆ କଲେଃକ୍ଲେ ରେମୁଆଁଇଂନେ ଆରି ମେଁନେ ଉଂମେଣ୍ଡାଇଂନେ ପ୍ରସଂସା ତିଂ ।

ମେଁନେ ସନ୍ମାନ, ଗୌରବ ଆରି ମ୍ମାବପୁ

ମାତାନେ ଜୁଗ୍ ଜାକ ଲେଃଏ !”

୧୪ ଅଁଣ୍ଡୁଆ ରେମୁଆଁ ପାଲି ସାଃରେ ବାସଂଆରତିକ୍ଲେ “ଆମେନ୍” ବାରି ନେତାଇଂ ମୁକ୍ତିଚିତେ ମେଁନେ ପାର୍ତନା ତିଂଆକେ ।



ଡାବୁ ଚିନାନେ ଗୁନ୍

୧ ଡେନ୍‌ଇଡିଂ ନିଂ କ୍ଲେକେ ଉଂମେଣ୍ଡା ଗୁକ୍ଳିଗ୍ ସିଲ୍ ବିଡ୍ରେବାନ୍ ମୁଲ୍‌ନେ ପାକ୍ତିକେ ବାରି ଅଁ ଜିବ୍‌ଇଂନେ ବିଡ୍ରେବାନ୍ ମୁଇଂତା ଆନିଂ ଗଡ୍‌ଗଡ୍ତି ସକନ୍ନିଆ ବାସଙ୍ଗକେ “ପାଙ୍ଗ୍‌ଲା !” ୨ ନିଂ ଇଲାଂ କ୍ଲେକେ ମୁଇଂ ତୁଲୁଏ ବାନା ଗୋଡ଼ା ଆଡ଼ାତ୍ରା କକ୍ଲେ ରେମୁଆଁ ତ୍ରିନ୍ନିଆ ଆୟାଁ ସାଃଲେଃଗେ । ଆମେକେ ମୁଇଂ ମୁକୁର୍ ବିକେ ଆରି ମେଁ ଜିତେନେ ନ୍‌ସାଃ ତାର୍ ଝେକେ ।

୩ ଡେନ୍‌ଇଡିଂ ମେଣ୍ଡାତୁର୍ତ୍ତ୍ୟାରେ ଦୁତିୟ ସିଲ୍ ପାକ୍ତିକେ ବାରି ଦୁତିୟ ଜିବ୍ ଆନିଂ ବାସଙ୍ଗକେ, “ପାଙ୍ଗ୍‌ଲା ।” ୪ ନିଂ କ୍ଲେକେ ମିଆଁ ବାନାନେ ଆରି ମୁଇଂ ଗୋଡ଼ା । ଦର୍ତ୍ତନିନ୍ନିଆ ଅସାନ୍ତି ଆତାର୍‌ନେ ନ୍‌ସାଃ ମେଁନେ ଗୋଡ଼ା ଆଡ଼ାତ୍ରା କକ୍ଲେ ରେମୁଆଁକେ ଅଦିକାର୍ ବିଃକେ, ରେମୁଆଁଇଂ ତିରକମ୍ ରିଂଚେ ନିଜେ ନିଜେକେ ଅବାଗୁଏ ଆର୍‌ଏ । ମେଁ ତ୍ରିନ୍ନିଆ ମୁଇଂ ମ୍ମାଃ କାଣ୍ଡା ବିକେ ।

୫ ଡେନ୍‌ଇଡିଂ ମେଣ୍ଡାତୁର୍ତ୍ତ୍ୟାରେ ତୁର୍ତ୍ତୟ ସିଲ୍ ପାକ୍ତିକେ ଆରି ତୁର୍ତ୍ତୟ ଜିବ୍ ଆନିଂକେ ବାସଙ୍ଗକେ, “ପାଙ୍ଗ୍ କେଲା ।” ଡେସାଃ ନିଂ ଝେ କ୍ଲେକେ ମୁଇଂ ଏଡେଃ ବାନା ଗୋଡ଼ା; ମେଁ ଆଡ଼ାତ୍ରା କକ୍ଲେ

ରେମୁଆଁନେ ତ୍ରିନ୍ନିଆ କିଜି ଲେଃଗେ; ^୬ ବାରି ନିଁନେ ମନେ ତିଁକେ ଅଁକ୍ଲିଗ୍ ଜାକ ଜିବ୍ ମୁଇଁ ସର୍ରେ ବାସଂଆର୍ତିକେ: “ମେଃସୁଆନେ ଆଦ୍ରିନ୍ନିଆ ମୁଇଁ କିଜି ଗହମ୍ ଶୁଲ୍ଲା ଞ୍ଜି କିଜି କୁଆଜନା ମିଲେଏ । ମାତର୍ ଖୁ ଆରି ଅଞ୍ଜୁର୍ ତୁଗ୍ତିକେ ନସ୍ ଆତିଂଗେ ।”

^୭ ତେନ୍ଇତିଂ ମେଣ୍ଡାତୁର୍ତ୍ତ୍ୟାରେ ଚତୁର୍ତ୍ତ ସିଲ୍ ପାକ୍ତିକେ ବାରି ଚତୁର୍ତ୍ତ ଜିବ୍ ଆନିଁକେ ବାସଙ୍ଗକେ, “ପାଙ୍ଗ୍ଲା !” । ନିଁ ଖେ ଲେକେ ମୁଇଁ ଉଗ୍ସ ବାନା ଗୋଡ଼ା । ମେଁ ଆଡ଼ାଡ଼ା କକ୍ଲେ ରେମୁଆଁନେ ମ୍ନି ମରନ୍; ପାତାଲ୍ ମେଁନେ ପ୍ଲାଃ ଖେତିଂଗେ । ଜୁଜ୍ ମୁତ୍ ରଗ୍ ବ୍ୟାଦି ଆରି କଣ୍ଡାଜଡ଼ୁଲ୍ଲେନେ ବେବଆର୍ବାନ୍ ଦର୍ତନିନେ ଅଁବାଗ୍ ମୁଇଁବାଗ୍ ବାସାଣ୍ଡେଇଁକେ ବିନାସ୍ ତିଁନେ ନସାଃ ଆମେଇଁକେ ଅଦିକାର୍ ବିକେ ।

^୮ ତେନ୍ଇତିଂ ମେଣ୍ଡାତୁର୍ତ୍ତ୍ୟାରେ ମାଲ୍ ସିଲ୍ ପାକ୍ତିକେ ବାରି ନିଁ ଲେକେ ମୁଇଁ ବେଦି । ଇସପରନେ ସାମୁଆଁ ବାସଙ୍ଗ୍ରେ ସାକି ବିଃନ୍ନିଆ ବିସ୍ବାସ୍ ଲେଃଗ୍ଲେ ସାଃ ଗୁଏ ଲେଃଆର୍ଲେ ରେମୁଆଁଇଁନେ ଆମ୍ପାଇଁ ଆତେନ୍ ବେଦି ଆଲ୍ ମ୍ଲ ଲେଃଆର୍ଗେ । ^{୧୦} ମେଁଇଁ ଜବର୍ ସର୍ରେ ଖାସାର୍ରେ ବାସଂତିଆର୍ଗେ, “କ୍ଲିଗ୍ତା ବାବେ ପବିତ୍ର ଆରି ସତ୍ ମାପୁ ଇସପର୍ ! ଦର୍ତନିନ୍ନିଆ ଜାଣ୍ଡେଇଁ ଆନେକେ ବାଗୁଏ ବଆର୍ଗେ, ଆମେଇଁକେ ବିଚାର୍ ତିଁରେ କସ୍ଟ ବିନେସାଃ ଆରି ଉଃଡ଼ି କାଲ୍ ନାରାଃତଙ୍ଗାର୍ଏ ?” ^{୧୧} ମେଁଇଁନେ ବିତ୍ରେବାନ୍ ସାପାରେକେ ମୁଇଁ ଲାଃକା ତୁଲୁଏ ସକା ବିକେ । ବାରି ମେଁଇଁନେ ସାଙ୍ଗାଡ଼ି ବୟାଁ ଆରି ସେବାଣ୍ଡେ ଚିକ୍ ସଂକ୍ୟାରେ ଚିନାବାନା ମାତିଁ ଜାକ ଆମେଇଁକେ ଆରି ଉଃଡ଼ି ବେଲା ଉର୍ନେ ନସାଃ ବାସଙ୍ଗକେ ।

^{୧୨} ତେନ୍ଇତିଂ ନିଁ ଲେକେ ମେଣ୍ଡାତୁର୍ତ୍ତ୍ୟାରେ ତୁର୍ ଲମ୍ବର୍ ସିଲ୍ ପାକ୍ତିକେ; ଅଃତେନ୍ ବେଲା ଜବର୍ ତୁବଃ ଜୁର୍ ତିଁକେ । ମ୍ନି ଏଡେଃ ବାନାନେ ତଗ୍ରିଆଃ ରକମ୍ ତାକିଗ୍ ତିଁକେ ଆରି ଆକେ କ୍ଲିଗ୍ତା ମିଆଁ ବାନା ତିଁଖେଗେ । ^{୧୩} ଜବର୍ ଖେଡ଼ିଆଃନେ ମାଡ଼ରେ ଲିଞ୍ଜା ସ୍ଲାବାନ୍ ତୁଆ ରୁଚୁ ସର୍ରେ ଜଡେ ଲଃନେ ସୁଗୁଆ ଚାଙ୍ଗୁଆଇଁ କିତଂବାନ୍ ଦର୍ତନି ଆଡ଼ାଡ଼ା ପଏଚର୍ ଲଃଆର୍କେ । ^{୧୪} ମୁଇଁ କାଗଜ୍

☆ ୭:୧୨ ୭:୧୨ ପ୍ରକାସିତ ୧୧:୧୩; ୧୭:୧୮; ମାଡ଼ିଉ ୨୪:୨୯; ମାର୍କ ୧୩:୨୪,୨୫; ଲୁକ୍ ୨୧:୨୫.

ଝେକେ ସୁଗୁଆ କିତଂଇନି ଝେଚେ ବୁଝଡ଼ି ଝେଗେ । କଣ୍ଡା ଆରି କେଣ୍ଡିଆଃଇନିଇଂ ଆକେଆନ୍ତେ ତିଂଆରକେ । ୧୫ ଆତେନ୍ ବେଲା ଦରତନିନେ ସାପାରେ ଇଃସାଙ୍ଗ ସାସନ୍‌ଶ୍ଟେ ଶ୍ଟୁଲ୍ଲା ସେନାନେତାଇଂ ସାଉକାର୍ ଆରି ବପୁକ୍ନେ ଗତି ରେମୁଆଁ ଶ୍ଟୁଲ୍ଲା ସାଦାରନ୍ ରେମୁଆଁ ସାପାରେ ଗୁମ୍ଫାଇଂନ୍ନିଆ ଆରି କଣ୍ଡାନେ ବ୍ରି ଆଲ ଝେଚେ ବୁଝଡ଼ିଆରକେ । ୧୬ ମେଇଂ କଣ୍ଡା ଆରି ବ୍ରି କଣ୍ଡୁଇଂକେ ଝାଚେ ବାସଂତିଂଆଗେ “ନେ ଆଡ଼ାତ୍ରା ଲଃପା, ସିଂଆସନନ୍ନିଆ କକ୍ନେ ରେମୁଆଁ ଆତେନ୍ ରେମୁଆଁନେ ମ୍ଲୁଆଃବାନ୍ ଆରି ଉଂମେଣ୍ଡାନେ ଗିସେବାନ୍ ଆନେକେ ବୁଝଡ଼ି ବ । ୧୭ ମେଇଂନେ ଗିସେନେ ବୟଙ୍ଗାର ଦିନା ପେଙ୍ଗଟା ଲେଃକେ । ଜାଣ୍ଡେ ଆତେନ୍ ତାଃଝାଁ ଯାଏ ?”



୧୪୪,୦୦୦ ଇସ୍ରାଏଲ୍‌ଶ୍ଟେ

୧ ଆକେନ୍ ଇଡ଼ିଂ ନିଂ କେକେ ଦରତନିନେ ଅଁ କନ୍‌ନ୍ନିଆ ଅଁ ଶ୍ଟୁଆ କିତଂଦୁଡ଼ ଦୁଆଁ ଲେଃଆରକେ ବାରି ଦରତନିନେ ଅଁ ଦିଗ୍‌ବାନ୍ ଝେଡ଼ିଆଃ ଝେଃନେକେ ତାଃଝାଁ ବକେ । ତେନ୍‌ସାଃ ଦରତନି କେଣ୍ଡିଆଃ ଶ୍ଟୁଲ୍ଲା ମେଃଡିଗ୍ ସ୍ଲୁଃ ପାଃଡୁ ଆଡ଼ାତ୍ରା ଇଡୁଡ଼ା ତିଗ୍ ଝେଡ଼ିଆଃ ଝେଃ ଆଡ଼ିଂଗେ ଶ୍ଟୁ । ୨ ବାରି ନିଂ କେକେ ଆରି ମୁଇଂ କିତଂଦୁଡ଼ କାଲାଆଃ ମ୍ଲୁଶ୍ଟେ ଇସ୍‌ପର୍‌ନେ ସିଲ୍ ତୁଂଝେଚେ ତାର୍‌ସି ପାକାବାନ୍ ପାଙ୍ଗତିଂକେ । ଆକେନ୍ ଦୁଡ଼ ଦରତନି ଆରି କେଣ୍ଡିଆଃକେ ବିନାସ୍ ତିଂନେ ନ୍‌ସାଃ ଇସ୍‌ପର୍ ମୁଃଡ଼ି ଅଁ ଦୁଡ଼କେ ଅଦିକାର୍ ବିଃବଗେ ଆମେଇଂକେ ଜବର୍ ଝାସାର୍‌ଚେ ବାସଙ୍ଗକେ ୩ “ନେଁ ଉଡ଼ିବେଲା ଜାକ ଇସ୍‌ପର୍‌ନେ ସେବକଇଂନେ କାପାଲେ ସିଲ୍ ନେବଗ୍ ଶ୍ଟୁ ଅଃତେନ୍ ବେଲା ଜାକ ଦରତନି କେଣ୍ଡିଆଃ ଶ୍ଟୁଲ୍ଲା ସ୍ଲୁଃଇଂନେ ମେଃଡିଗ୍ କେଡି ଆଡ଼ିଂଗେ ।” ୪ ଜାଣ୍ଡେନେ କାପାଲେ ଇସ୍‌ପର୍‌ନେ ସିଲ୍ ବଗ୍‌ଆରକେ, ମେଇଂନେ ସଂକ୍ୟା ୧୪୪,୦୦୦ ତାଗ୍‌ଚେ ନିଂ ଡକେ । ମେଇଂ ଆଲ ଗ୍ଲୁଆର୍ ଇସ୍ରାଏଲ୍‌ଶ୍ଟେ ଗମ୍ବାର୍ ବଂସନେ ରେମୁଆଁ । ୫ ଜିଉଦା କୁଲ୍‌ବାନ୍ ଗମ୍ବାର୍ ଅଜାର୍ ରୁବେନ୍ କୁଲ୍‌ବାନ୍ ଗମ୍ବାର୍ ଅଜାର୍ ଗାଦ୍ କୁଲ୍‌ବାନ୍ ଗମ୍ବାର୍ ଅଜାର୍ ୬ ଆଗେର୍ କୁଲ୍‌ବାନ୍ ଗମ୍ବାର୍ ଅଜାର୍ ନପ୍ତାଲୀ କୁଲ୍‌ବାନ୍ ଗମ୍ବାର୍ ଅଜାର୍ ମନଃଶି କୁଲ୍‌ବାନ୍ ଗମ୍ବାର୍ ଅଜାର୍

୭ ଶିମିୟୋନ୍ କୁଲ୍‌ବାନ୍ ଗମ୍ବାର ଅଜାରୁ ଲେବୀ କୁଲ୍‌ବାନ୍ ଗମ୍ବାର ଅଜାରୁ ଇଷାଖାନେ କୁଲ୍‌ବାନ୍ ଗମ୍ବାର ଅଜାରୁ । ଉତ୍ତୁଲ୍‌ବାନ୍ କୁଲ୍‌ବାନ୍ ଗମ୍ବାର ଅଜାରୁ, ଯୋସେଫ୍ କୁଲ୍‌ବାନ୍ ଗମ୍ବାର ଅଜାରୁ, ବେଞ୍ଜାମିନ କୁଲ୍‌ବାନ୍ ଗମ୍ବାର ଅଜାରୁ । ସର୍ତ୍ତେ କୁଲ୍‌ବାନ୍ ଗମ୍ବାର ଅଜାରୁ ଇସାବରେ ସାପା ୧୪୪,୦୦୦ ଶ୍ରେ: ଜିଉଦା, ରୁବେନ୍, ଗାଦ୍, ଆଶେର, ନପ୍ତାଲୀ, ମନଶଶି, ଶିମିୟୋନ୍, ଲେବୀ, ଇଷାଖାର, ସବୁଲ୍‌ବାନ୍, ଯୋସେଫ୍, ବିନ୍ୟାମୀନ୍ ।

ଜବର୍ ରେମୁଆଁ

୯ ଆକେନ୍ ଇଡ଼ିଂ ନିଂ ଇଲ୍ଲାଂ କେକେ ମୁଇଂ ମାଲେ ରେମୁଆଁ ତୁଆଁ ଲେଃଆରକେ; ମେଁନେ ସଂକ୍ୟା ଅସଂକ୍ୟା । ମେଇଂ ସର୍ତ୍ତେ ଜାତି, ବଂସ, ରାଷ୍ଟ୍ର ଆରି ବାସାବାସିଇଂନେ ବିତ୍ତେବାନ୍ ପାଙ୍ଗଲେଃଆରକେ । ମେଇଂ ତୁଲ୍‌ବା ସକା ସଃତେ ଆରି ତ୍ରିନ୍ନିଆ କଜରି କେନ୍ଦା ସାଃତେ ସିଂଆସନ ଆରି ଉଂମେଣ୍ଡାନେ ତାଗ୍ରା ତୁଆଁ ଲେଃଆରକେ । ୧୦ ମେଁଇଂ ଜବର୍ ଖାସାର୍ତେ ବାସଂତିଆରକେ “ମୁଇଂ ସିଂଆସନନ୍ନିଆ କକ୍ଲେ ଇସପର୍ ଆରି ଉଂମେଣ୍ଡା ନେଃନେ ଆମ୍ବୁଣ୍ଡେ ।” ୧୧ ସିଂଆସନକେ ବୟସ୍ତ ନେତାଲକେ ଆରି ଅଁ ଜିବ୍‌ଇଂକେ ଗେରେତେ କିତଂଦୁଡ଼ଇଂ ତୁଆଁ ଲେଃଆରକେ । ମେଁଇଂ ସିଂଆସନ ତାଗ୍ରା ବ୍ରିଂ ଆରକେ ଆରି ଇସପର୍ନେ ଆରାଦନା ତିଂରେ ୧୨ ବାସଙ୍ଗଆରକେ, “ଆମେନ୍ ! ପ୍ରସଂସା, ଗଉରବ୍, ଗ୍ୟାନ୍, ଦନ୍ୟବାଦ୍, ସନ୍‌ମାନ୍, ଅଦିକାର ଆରି ବପୁ ଜୁଗ୍ ଜୁଗ୍ ଇସପର୍ନେ ତିଂଲେ, ଆମେନ୍ !”

୧୩ ବୟସ୍ତଇଂନେ ବିତ୍ତେବାନ୍ ମୁଇଂତା ଆନିଂକେ ସେଲ୍ୟାଃକ୍‌କେ “ତୁଲ୍‌ବା ସକା ସଃକ୍ଲେ ଆତେନ୍ ରେମୁଆଁଇଂ ଜାଣ୍ଡେ ? ମେଁଇଂ ଆଣ୍ଡିବାନ୍ ପାଙ୍ଗଲେଃଆରକେ ?”

୧୪ ନିଂ ଉତ୍ତର ମ୍ବିକେ “ମାପରୁ ! ନିଂ ନ୍ନାମ୍ୟାକେ ଶ୍ଟୁ । ନାଁ ମ୍ୟାନାଲେଃକେ ।” ମେଁ ଆନିଂ ବାସଙ୍ଗକେ “ଆକେନ୍ ରେମୁଆଁଇଂ ବୟସ୍କାର୍ କଷ୍ଟ ସମ୍ଭାଲେତେ ପାଙ୍ଗଲେଃଆରକେ । ମେଁଇଂ ଉଂମେଣ୍ଡାନେ ମ୍ବିଆନ୍ନିଆ ନିଜର୍ ନିଜର୍ ସ୍ବପୁଆଃ ଶ୍ରେଃଡ଼ିଆତେ ତୁଲ୍‌ବା ଆଡ଼ିବଆରକେ । ୧୫ ତେନ୍‌ସାଃ ମେଁଇଂ ଇସପର୍ନେ ମନ୍ଦିର୍ନିଆ ମେଁନେ ସିଂଆସନ ତାଗ୍ରା ତୁଆଁତେ ଞ୍ଜିର୍ ଲମ୍‌ଡିଗ୍

ମୈନେ ଅସ୍ଵାମ୍ଭର ସାମ୍ଭ ତିଜ୍ଞାମ୍ଭାତ୍ତିକେ । ସିଂଆସନନ୍ନିଆ କକ୍ଠେ ରେମୁଆଁ ଆମେଇଂକେ ଲେଃନେ ଟାନ୍ ବିଆରଏ । ୧୭ ମୈଇଂ ବାରି ଅଃନାତିଗ୍ କିଡେସଃ କି ଉଗ୍ତ୍ୟାଃ ଆତିଂଆର୍ ଶ୍ଵୁ ନ୍ନାଃସେଜ୍ କି ବିନ୍ ମୋଃତିଗ୍ ଗରମ୍ ଆମେଇଂକେ ଆଗିଃ ଆୟା ଶ୍ଵୁ । ୧୭ ତାଗ୍ଲା ସିଂଆସନ କଲେଃକ୍ଠେ ଉଂମେଶ୍ଵା ମୈଇଂନେ ଉଂମେଶ୍ଵା ତିଂଏ । ମୈ ଜିବନ୍ ରକମ୍ନେ ଜର୍ନାତିଆଃ ତାଗ୍ଲା ଆମେଇଂକେ ଗାଲି ଆଃସୁଏ ତୁଂଝେଏ ବାରି ଇସ୍ପର୍ ମୈଇଂନେ ମୁଆଃବାନ୍ ସର୍ତେ ତେଃମୁଆଁଃ ତୁଃବିଏ ।”

୮

ଗୁଲ୍ଲିଗ୍ ସିଲ୍

୧ ମେଶ୍ଵାତୁର୍ତ୍ୟାରେ ଗୁଲ୍ଲିଗ୍ ସିଲ୍ ପାକ୍ତିକ୍ଠେ ବେଲା କିତଂନିଆ ତିଂଲେଃଏ ତେପାଗଣ୍ଟା ଜାକ ସର୍ତେ ବୁଂ ବିଃକେ । ୨ ତେନ୍ଇଡିଂ ଇସ୍ପର୍ନେ ତାଗ୍ଲା ତୁଆଁ ଲେଃକ୍ଠେ ଗୁଲ୍ଲିଗ୍ ଦୁଡକେ ନିଂ କେକେ; ଆମେଇଂକେ ଗୁଲ୍ଲିଗ୍ ପିଃ ବିକେ ।

୩ ଆରି ମୁଇଂ କିତଂଦୁଡ ମୁଇଂ ସୁନା ଦୁପ୍ ତୁଂଝେତେ ବେଦି ତାଗ୍ଲା ତୁଆଁକେ । ସିଂଆସନ ତାଗ୍ଲା ଲେଃକ୍ଠେ ସୁନା ବେଦି ଆଡାତ୍ରା ଇସ୍ପର୍ ବକ୍ଠଇଂନେ ପାରତନା ରକମ୍ ଦୁପ୍ ଏତେ ଆମିସୁତେ ପୁଜା ତିଂନେ ନ୍ସାଃ ଆମେକେ ମାଲେ ବାବ୍ରେ ଦୁପ୍ ବିକେ । ୪ ଆତେନ୍ କିତଂଦୁଡନେ କ୍ତିନିଆ ତୁଆତିଂକ୍ଠେ ଦୁପ୍ନେ ମାଃସ ଏତେ ଇସ୍ପର୍ ବକ୍ଠଇଂନେ ପାରତନା ମିସୁଝେତେ ଆଡାତ୍ରା ତେଃକେ । ୫ *ତେନ୍ଇଡିଂ ଦୁଡ ଦୁପ୍ନିଆ ବେଦିନେ ସୁଆ ତାଃନତେ ଆତେନ୍ ଦରତନି ଆଡାତ୍ରା ଜଗ୍ଲାଗ ବିକେ । ଆକେନ୍ ନ୍ସାଃ ଗଡ୍ଗଡି ନ୍ନାଂକେ, ବିଜ୍ଠି ଇରିଆଃତୁଗ୍କେ ଆରି ତୁବଃ ଲୁଡ୍ଗ୍ ଝେକେ ।

ପିଃ ପିଃନେ

୬ ତେନ୍ଇଡିଂ ଆଡାତ୍ରାନେ ଗୁଲ୍ଲିଗ୍ କିତଂଦୁଡ ପିଃ ପିଃନେ ଆମେ ଆରକେ ।

☆ ୮:୫ ୮:୫ ପ୍ରକାସିତ ୧୧:୧୯; ୧୭:୧୮.

୭ ମୁଲ୍ଲନେ ଦୁଡ଼ ପ୍ରିଃ ପିଃକ୍ଲେ ବେଲା ଆରେଣ୍ଡିଆଃ ସୁଆ ଆରି ମ୍ମଫାଁ ଦରତନି ଆଡ଼ାଡ଼ା ଲଃକେ । ତେସାଃ ସାପା ସ୍ମାଃପାଡ଼ ବୁଆଣ୍ଡେନେ ରେଃମୁଆଁ ଏତେ ଦରତନିନେ ଞିବାଗ୍‌ବାନ୍ ମୁଲ୍ଲଂବାଗ୍ ଗିଃ ଝେଗେ ।

୮ ତେନ୍‌ଇଡ଼ିଂ ମ୍ମାର୍ ଦୁଡ଼ ମେଁନେ ପ୍ରିଃ ପିଃକ୍ଲେ ବେଲା କଣ୍ଡା ରକମ୍ ମୁଲ୍ଲଂ ବୁଆକ୍ଲେ ସୁଆ କେଣ୍ଡିଆଃନିଆ ଲଃ ଝେକେ ଆରି କେଣ୍ଡିଆଃନେ ଞିବାଗ୍‌ବାନ୍ ମୁଲ୍ଲଂବାଗ୍ ମ୍ମଫାଁନିଆ ମିସୁଝେକେ ୯ କେଣ୍ଡିଆଃ ଜିବ୍‌ଇଂନେ ବାନ୍ ଞିବାଗ୍‌ବାନ୍ ମୁଲ୍ଲଂବାଗ୍ ଗୁଏଆରଗେ ବାରି କେଣ୍ଡିଆଃନିଆ ଲେଃକ୍ଲେ ଜାଆଜ୍‌ଇଂନେ ଞିବାଗ୍‌ବାନ୍ ମୁଲ୍ଲଂବାଗ୍ ନସ୍‌ଡ଼ିଂଝେଗେ ।

୧୦ ତେନ୍‌ଇଡ଼ିଂ ଞି ଦୁଡ଼ ମେଁନେ ପ୍ରିଃ ପିଃକ୍ଲେ । ସାଙ୍ଗେ ସାଙ୍ଗେ କିତଂବାନ୍ ସୁଆ ସୁଗୁଆ ମୁଲ୍ଲଂ ମ୍ମାଃ ବୁଆକ୍ଲେ ଚାଙ୍ଗୁଆ ସାପା ଲଣ୍ଡିଆଃ ଆରି ଜରନାଡ଼ିଆଇଂନେ ଞିବାଗ୍‌ବାନ୍ ମୁଲ୍ଲଂବାଗ୍ ଆଡ଼ାଡ଼ା ସ୍ପେଚର୍ ଲଃକେ । ୧୧ ତେନ୍ ଚାଙ୍ଗୁଆନେ ମ୍ମି “ତିକ୍ତା ।” ତେସାଃ ଉଗ୍‌ତ୍ୟାଃ ଶ୍ରିଆଃନେ ମୁଲ୍ଲଂ ଞିବାଗ୍ ବିସେଃ ଝେଗେ ବାରି ଆତେନ୍ ଶ୍ରିଆଃ ଉଗ୍‌ଚେ ମାଲେ ରେମୁଆଁ ଗୁଏଃଆରକେ ।

୧୨ ତେନ୍‌ଇଡ଼ିଂ ଅଁ ଦୁଡ଼ ମେଁନେ ପ୍ରିଃ ପିଃକ୍ଲେ ବେଲା ସ୍ମିନେ ଞିବାଗ୍‌ବାନ୍ ମୁଲ୍ଲଂବାଗ୍ ଆକେନେ ଞିବାଗ୍‌ବାନ୍ ମୁଲ୍ଲଂବାଗ୍ ଆରି ଚାଙ୍ଗୁଆଇଂନେ ଞିବାଗ୍‌ବାନ୍ ମୁଲ୍ଲଂବାଗ୍ ବିନସ୍‌ ଡ଼ିଂକେ । ତେସାଃ ତାକ୍‌ଗ୍‌ନେ ଞିବାଗ୍‌ବାନ୍ ମୁଲ୍ଲଂବାଗ୍ ତାରକିଗ୍ ଗଣ୍ଡାଝେକେ । ତେସାଃ ସ୍ମିନେ ଞିବାଗ୍‌ବାନ୍ ମୁଲ୍ଲଂବାଗ୍ ବାରି ମିଡିଗ୍‌ନେ ଞିବାଗ୍‌ବାନ୍ ମୁଲ୍ଲଂବାଗ୍ ତାକ୍‌ଗ୍ ଗଣ୍ଡାଝେକେ ।

୧୩ ତେନ୍‌ଇଡ଼ିଂ ନିଂ ଇଲାଂ କ୍ଲେକେ, କିତଂନେ ଜବର୍ ଆଡ଼ାଡ଼ା ମୁଲ୍ଲଂ ରାବନ୍ ପିଗ୍ ଖାଲେ ଖାଲେ ଜବର୍ ଖାସାରଚେ ବାସନ୍‌ଡ଼ିଂକେ, “ଆୟ୍ ! କି ବୟ୍‌ଜାର୍ ! ବିନ୍ ଞି ଦୁଡ଼ ପ୍ରିଃ ପିଃକ୍ଲେ ବେଲା ଦରତନିଶ୍ରେନେ ଅବସ୍ତା ଉଡ଼ି ବୟ୍‌ଜାର୍ ଆଡ଼ିଂଣ୍ଡୁ !”

୯

୧ ତେନ୍‌ଇଡ଼ିଂ ମାଲ୍ ଦୁଡ଼ ପ୍ରିଃ ପିଃକ୍ଲେ ବାରି ନିଂ କ୍ଲେକେ ସାଙ୍ଗେ ସାଙ୍ଗେ କିତଂବାନ୍ ମୁଲ୍ଲଂ ଚାଙ୍ଗୁଆ ସ୍ପେଚର୍‌ଚେ ଦରତନି ଆଡ଼ାଡ଼ା ଲଃକେ । ଆମେକେ ପାତାଲ୍‌ପୁରନେ କୁଚିକାଡ଼ି ବିଃବଗେ ।

୨ ମୋଁ ପାଙ୍ଗରେ ପାତାଲପୁରନେ ଗାଲି ରଞ୍ଜିତ୍ତେ ବେଲା ମୁଇଁ ବାଟିବାନ୍ ତାର୍ତିଂକ୍ଳେ ମାଃସ ରକମ୍ ପାତାଲ୍ କୁଣ୍ଡବାନ୍ କୁବାଂ ମାଃସ ତାର୍ତିକେ ଆରି ଆତେନ୍ ମାଃସ ନସାଃ ସ୍ତ୍ରି ଆରି ଆକେଁ ତାଂକିଗ୍ ଝେକେ । ୩ ବାରି ଆତେନ୍ ମାଃସବାନ୍ ପଙ୍ଗପାଳଇଁ ତାର୍ତିକେ ଦର୍ତ୍ତନିନ୍ନିଆ ବ୍ୟାପେଝେଗେ । ମୋଁଇଁ ଛୁଆରେଗ୍ ରକମ୍ ବୟାଙ୍ଗାର୍ ଲେଃଆରଗେ । ୪ ଦରତନିନେ ଚେଃମୁଆଁ ପ୍ଲାଃ ଶୁଲ୍ଲା ମେଃଡିଗ୍ ଲାଗାବୁଟାନେ କେଡି ମାଡିଂରେ ଜାଣେନେ କାପାଲେ ଇସ୍ପରନେ ତାବୁ ଚିନା ଆଲେଃଗେ, ମୁଇଁ ଆମେଇଁକେ କସ୍ ବିଃ ନସାଃ ଆତେନ୍ ଗ୍ରାଙ୍ଗଡିଆଃଇଁ ଆଦେସ୍ ବାଲେଃଆରଗେ । ୫ ବାରି ଆମେଇଁକେ ମାବାଗୁଏରେ ମାଲ୍ ଆକେଁ ଜାକ ମୁଇଁ ଆଃସିଆଃଜା ତିନେସା ପଙ୍ଗପାଳଇଁ ଅଦିକାର୍ ବାଲେଃଆରଗେ । ଆତେନ୍ ଆଃସିଆଃଜା ଛୁଆରେଗ୍ନେ ଆଃକେଁ ରକମ୍ କସ୍ ଲେଃଗେ । ୬ ଆତେନ୍ ବେଲା ବିତ୍ତେ ଆଃସିଆଃଜାକ୍ଳେ ରେମୁଆଁଇଁ ମରନ୍କେ ତୁର୍ ଆରକେ ମାତର୍ ଆବାଆରକେ ଶୁ । ମୋଁଇଁ ଗୁଏନେ ଇକଟା ତିଆରକେ, ମାତର୍ ମରନ୍ ମୋଁଇଁନେ ତାଗ୍ରାବାନ୍ ଲାଗ୍ତଆରକେ ।

୭ ପଙ୍ଗପାଳଇଁ ଜୁଜ୍ ନସାଃ ନିମାଣ୍ଡା ଆରେକ୍ଳେ ଗୋଡ଼ା ସୁଗୁଆ ନା ତିଂଗେ । ମୋଁଇଁନେ ବାଆଃନିଆ ସୁନା ମୁକୁର୍ ରକମ୍ ତିଡା ଲେଃଗେ । ମୋଁଇଁନେ ସାମୁଆଁ ରେମୁଆଁନେ ସାମୁଆଁ ସୁଗୁଆ ନା ତିଂଗେ । ୮ ଉଗ୍ବଃ ସେଲାମ୍ବୁ ରେମୁଆଁଇଁନେ ଉଗ୍ବଃ ସୁଗୁଆ ଆରି ମୋଁଇଁନେ ସ୍ତ୍ରିଇଁ ସିଂଅ ସ୍ତ୍ରି ସୁଗୁଆ ଲେଃଗେ । ୯ ମୋଁଇଁନେ ଗ୍ରିନିଆ ଲୁଆ ସାଜ ସୁଗୁଆ ମେଃଡିଗ୍ ସାମାନ୍ ତିଡା ବଆରଗେ ବାରି ଗୁଲୁଏ ଗୋଡ଼ା ବାନ୍ ଗୁଃଡିଂକ୍ଳେ ରଡନେ ସବ୍ଦ ସୁଗୁଆ ମୋଁଇଁନେ ତେନାଇଁନେବାନ୍ ସବ୍ଦ ତାର୍ତିଂଗେ । ୧୦ ଛୁଆରେଗ୍ ସୁଗୁଆ ମୋଁଇଁନେ ପ୍ଲାଃ ଲେଃଗେ । ଆତେନ୍ ପ୍ଲାଃନିଆ ମାଲ୍ ଆକେଁ ଜାକ ରେମୁଆଁକେ ଚିନା ଆଡିନେ ନସାଃ ମୋଁଇଁ ବପୁ ବାଲେଃଆରଗେ । ୧୧ ମୋଁଇଁନେ ଆଡାତ୍ରା ମୁଇଁ ଇଃସାଙ୍ଗ୍ ସାସନ୍ ତିଙ୍ଗିଂକେ । ମୋଁ ପାତାଲପୁରନେ ଦାଇତ୍ତରେ ଲେଃକ୍ଳେ ମୁଇଁ ଦେବ୍ଦୁଡ୍ । ଏବୁ଼ ବ୍ଲାସାରେ ମୋଁନେ ମ୍ରି ଆବାଦନ୍; ଗ୍ରିକ୍ ବ୍ଲାସାରେ ଆତେନ୍ ମ୍ରି ତିଂଡିକ୍ଳେ ଆପଲ୍ଲିୟୋନ୍ ଅର୍ତାଡ୍ ବାଗୁଏଣ୍ଡେ ।

୧୨ କେଲାପା ପରତୁମ୍ କଷ୍ଟ ତା ଖେଲେଃକେ । ଆକେନ୍ ଇଡ଼ିଂ ଆରି ମ୍ବାକ୍ସିଗ୍ ମ୍ବା ବିପଦ୍ ଲିଗ୍ ତୁଙ୍ଗ୍ପାଙ୍ଗ୍ ।

୧୩ ତେନ୍‌ଇଡ଼ିଂ ତୁର୍ ଦୁଡ଼୍ ମୈନେ ପ୍ଲିଃ ପିଃକ୍ଲେ ଦାପ୍‌ଡେ ଇସ୍‌ପରନେ ତାଗ୍ରା ଆରେକ୍ଲେ ସୁନା ବେଦିନେ ଅକ୍ଲିଗ୍ ତିରଂବାନ୍ ନିଂ ମୁଇଂ ଅସ୍‌ମାର୍ ଡକେ । ୧୪ ଆତେନ୍ ସର୍ ତୁର୍ ଦୁଡ଼କେ ଆଦେସ୍ ବିକେ “ମୁଫ୍‌ଟିସ୍ ମ୍ବାଲ୍‌ଶ୍ରିଆ ତାଗ୍ରା ବନ୍ଦି ତିଂଲେଃକ୍ଲେ ଅଶ୍ଟୁଆ ଦୁଡ଼କେ ଆଡ୍ରା ବିଃ ।” ୧୫ ତେସାଃ ଆକେନ୍ ଆଶ୍ରିଶ୍ରିଗ୍ ମୁଆଁ ଆକେ ସ୍ଲି ଆରି ଡଶ୍‌ନ୍ନିଆ ସାପା ରେମୁଆଁ ଜାତିନେ ଞିବାଗ୍‌ବାନ୍ ମୁଇଂବାଗ୍ ରେମୁଆଁଇଂକେ ବାଗୁଏ ନ୍‌ସାଃ ତିଆର୍ ତିଂରେ ଲେଃକ୍ଲେ ଆତେନ୍ ଅଶ୍ଟୁଆ ଦୁଡ଼ଇଂକେ ଆଡ୍ରା ବିଃଆରକେ । ୧୬ ବାରି ନିଂ କେକେ ମୁଇଂ ମ୍ବା ଗୋଡ୍ରା ଆଡ୍ରାଡ୍ରା ତେଃକ୍ଲେ ସନ୍‌ୟଇଂ । ମୈଇଂନେ ସଂକ୍ୟା ୨୦ କଟି ତାଗ୍‌ରେ ଆନିଂକେ ଆମ୍ୟାଃ ବିକେ । ୧୭ ନିଂ କେକେ ମୈଇଂନେ ସାଜ ସୁଆ ସୁଗୁଆ ମ୍‌ମ୍‌ମ୍‌ମ୍‌ ବାନ୍ ନିଲକାନ୍ତ ବାଆଃ ରକମ୍ ନିଲି ଆରି ଗନ୍‌ଗୁଲା ରକମ୍ ପିଡ଼ବାନା ଲେଃକ୍ଲେ । ଗୋଡ୍ରାଇଂନେ ସିଂଅ ରକମ୍ ବାଆଃ ଲେଃକ୍ଲେ; ୧୮ ବାରି ମୈଇଂନେ ତୁମ୍‌ଆବାନ୍ ସୁଆ ମାଃସ୍ ଆରି ଗନ୍‌ଗୁଲା ସୁଗୁଆ ଞିକ୍ଲିଗ୍ ମୁଡ଼ି ତାରକେ । ଆକେନ୍ ମୁଡ଼ି ଇଂନେ କସ୍‌ରେ ରେମୁଆଁ ଜାତିନେ ଞିବାଗ୍‌ବାନ୍ ମୁଇଂବାଗ୍ ଗୁଏଃଆରକେ । ୧୯ ଗୋଡ୍ରାଇଂନେ ବପୁ ମୈଇଂନେ ସାମ୍‌ଆଃ ଆରି ପ୍ଲାଃନ୍ନିଆ ଲେଃକ୍ଲେ । ମୈଇଂନେ ପ୍ଲାଃ ବାଆଃ ମିସୁକ୍ଲେ ବୁବଃ ସୁଗୁଆ ବାରି ଆଡ଼ଅରିଆ ମୈଇଂ ରେମୁଆଁଇଂକେ ଚିନାବାନା ଆଃଡିଂଆରଡିଂଗେ ।

୨୦ ମୁଡ଼ି ଇଂନ୍ନିଆ ବିନସ୍‌ ତିଂ ଆଲେଃକ୍ଲେ ବାକି ରେମୁଆଁ ଜାତିନେ ତେଲାଡିଗ୍ ମେଃଡିଗ୍ ବଦ୍‌ଲେ ଆଡିଂକେ ଶ୍ଟୁ । ମୈଇଂ ସିସେ ଆଃ ପୁଜାବାନ୍ ବିନେ ଆଡିଂଆରକେ । କିକେନେ ଅନେ ଆରି ଅଲେଙ୍ଗ୍ ଆଡିଂକ୍ଲେ ବପୁ ସୁନା ରୁପା ପିଡଲ୍ ଶ୍ଟୁଲା ସୁଆ ବିନ୍ନିଆ ଆଃରେକ୍ଲେ ମୁଡ଼ି ପୁଜା ଆଆଡ୍ରା ଆରକେ । ୨୧ ମୈଇଂ ମନ୍ ମାରାବଦ୍‌ଲେରେ ରେମୁଆଁ ବାଗୁଏ, ପାଙ୍ଗନ୍‌ୟାଡେଗ୍, ଅଡାରେଗ୍ ଆରି ଡଙ୍ଗା କାମ୍‌ନ୍ନିଆ ଲିଗ୍ ଲେଃକ୍ଲେଆରକେ ।

କିତଂ ଦୁତ୍ ଆରି ତାଆଁ ସାସ୍ତର

୧ ତେନ୍‌ଇଡ଼ିଂ ନିଂ ଲେକେ ଆରି ମୁଇଂ ମ୍ବାବପୁକ୍ଲେ ଦୁତ୍ କିତଂବାନ୍ ଜାର୍‌ରେ ପାଙ୍ଗ୍‌ଡ଼ିଂକେ । ମେଁ ତ୍ରିଗ୍‌ତ୍ୟାଃନିଆ ମିସୁ ଲେଃରେ ବାରି ଇନ୍ଦ୍ରଦନ୍ତ ମେଁନେ ବାଆଃକେ ଗେରେ ଲେଃରେ । ମେଁନେ ସାମୁଆଁ ମି ସୁଗୁଆ ବାରି ଞ୍ଚ ମାକ୍‌ଲିଗ୍ ସୁଆ ଦରମ୍ ତେଲି ସୁଗୁଆ ନ୍ଦା ତିଂଗେ । ୨ ମେଁନେ ତ୍ରିଅରିଆ ମୁଇଂ ତାଆଁ ସାସ୍ତର ଲେଃରେ । ମେଁ ମେଁନେ ଞ୍ଚଡ଼ିବ କେଣ୍ଡିଆଃ ଆଡାଡା ଆରି ବେସ୍ୟାତ ଦରତନି ଆଡାଡା ବଗେ । ୩ ସିଂଅଁ ଅଃକେ ସୁଗୁଆ ହୁଙ୍ଗାର୍ ତିଂରେ ମେଁ ଖାକେ ଚିକ୍ ତେଡ଼ରକମ୍ ହୁଙ୍ଗାର୍ ତିଂରେ ଗୁକ୍‌ଲିଗ୍ ତ୍ରିଗ୍‌ତିଆଃ ଆକେନ୍ ଖାକେ ଉତର ବିକେ । ୪ ମେଁଇଂ ମେଃନେ ବାଲିରବାତା ଆରକେ ଆତେନ୍ ନିଂ ଗୁଆରନେ ଖେଣ୍ଡିଂଗେ ମାତର କିତଂବାନ୍ ମୁଇଂ ସାମୁଆଁ ଡ଼କେ । ଆତେନ୍ ସାମୁଆଁ ଆନିଂକେ ବାସଙ୍ଗ୍‌କେ: “ତ୍ରିଗ୍‌ତିଆଃ ଗଡ଼ଗଡ଼ିନିଆ ମେଃନେ ଅଁନାଡ଼ିଂକେ ଆତେନ୍ ବୁଃଡ଼ିବ; ଆଗୁଆରଗେ ।”

୫ ତେନ୍‌ଇଡ଼ିଂ ମୁଃଡ଼ି ଦୁତ୍‌କେ କେଣ୍ଡିଆଃ ଆରି ଦରତନି ଆଡାଡା ତୁଆଁ ଲେଃକ୍ଲେ ନିଂ ଲେକେ ମେଁ ମେଁନେ ବେସ୍ୟାତି କିତଂ ପାକା ଲିଙ୍ଗ୍‌କେ । ୬ ବାରି କେଣ୍ଡିଆଃ ଦରତନି କିତଂ ଆରି ଆକ୍ଲେଇଂନେ ସାପା ବିସ୍ୟନେ ଆଃରେଣ୍ଡେ କାଲାଆଃ ମ୍ବାଣ୍ଡେ ଇସ୍‌ପରନେ ମିରେ ପରମାନ୍ ତିଂରେ ବାସଙ୍ଗ୍‌କେ “ଆରି କାଲ୍ ଆତଙ୍ଗାର୍ ଶ୍ଟୁ । ୭ ଉଡ଼ିବେଲା ଗୁ ଦୁତ୍ ପିଃ ପିଃଆରୁଏ ଇସ୍‌ପର ମେଁନେ ସେବା ତିଂଣ୍ଡେ ବାବବାଦିନେ ତାଗ୍ରା ମୁଃଡ଼ି ବୁଃଡ଼ିକ୍ଲେ ସାମୁଆଁ ବାସଙ୍ଗ୍ ବଆରଗେ ଆତେନ୍ ଆଃତା ଆରୁଏ ।”

୮ ତେନ୍‌ଇଡ଼ିଂ କିତଂନେ ଆତେନ୍ ସର୍ ଆନିଂ ବାରି ବାସଙ୍ଗ୍‌କେ “ଖେଲା କେଣ୍ଡିଆଃ ଆରି ଦରତନି ଆଡାଡା ତୁଆଁ ଲେଃକ୍ଲେ ଦୁତ୍‌ନେ ତ୍ରିବାନ୍ ରଃଡାକ୍ଲେ ସାସ୍ତର ସାଲିଆ ।”

୯ ନିଂ ଦୁତ୍‌ନେ ତାଗ୍ରା ଖେଚେ ଆତେନ୍ ସାସ୍ତରକେ ନ୍‌ସାଲ୍ୟାଃକେ । ମେଁ ଆନିଂ ବାସଙ୍ଗ୍‌କେ “ତୁଂଖେ ଚଂପା । ନାଁନେ ସୁଲୁଏ ନ୍‌ସାଃ ଆକେନ୍ ବିସେଃ ମାତର ନାଁନେ ତୁମୁଆଃନିଆ ଆକେନ୍ ଞ୍ଚୁଙ୍ଗ୍ ରକମ୍ ମେ୍ ଲାଗେଏ ।”

୧୦ ନିଂ ଆତେନ୍ ତାଆଁ ସାସ୍ତର ଦୁତ୍‌ନେ ତ୍ରିବାନ୍ ତୁଂଖେଚେ ଞ୍ଚକେ । ଆତେନ୍ ନିଂ ତୁମୁଆଃବାନ୍ ଞ୍ଚୁଙ୍ଗ୍ ରକମ୍ ମେ୍ ଲାଗେକେ

ମାତର କ୍ଳାନ୍ତ ବିଃକ୍ଳେ ବେଲା ସୁଲୁଏ ବିଦ୍ରେ ବିସେଃ ତିଂଝେଗେ ।
୧୧ ତେନ୍‌ଇଡ଼ିଂ ଜାଣ୍ଡେଃ ଆନିଂ ବାସଂକେ “ଗୁଲୁଏ ଦେସ୍ ଜାତି ବାସାଣ୍ଡେ
ଆରି ଇଃସାଙ୍ଗଂକେନେ ବିସଏରେ ଇସପରନେ ସାମୁଆଁ ନାଁ ଝେଚେ
ବାରମୁଇଂତର ବାସଙ୍ଗି ।”

୧୧

ମ୍ବାୟା ସାକି

୧ ତେନ୍‌ଇଡ଼ିଂ ଜାଣ୍ଡେ ମୁଇଂତା ମାପେନେ ତୁତୁ ସୁଗୁଆ ତାଆଁ ତୁତୁ
ଆନିଂକେ ବିଚେ ବାସଙ୍ଗକେ, “ଝେଲା ଇସପରନେ ମନ୍ଦିର ଆରି
ବେଦି ମାପେ ବାରି ମନ୍ଦିରନ୍ନିଆ ପାରତନା ତିଂଣ୍ଡେନେ ସଂକ୍ୟା ଏଜା ।
୨ ✱ମାତର ମନ୍ଦିରନେ ବାଏରେ ଲେଃକ୍ଳେ ଲ୍ଲଃଡ଼ିଆଃକେ ଆମାପେଗେ
। ଡାଗ୍‌ଲା ଆତେନ୍ ବିନ୍ ଜାତିଇଂକେ ଦାନ୍ ତିଂବଆରକେ । ମେଁଇଂ
୪୨ ଆକେ ଜାକ ଆକେନ୍ ପବିତ୍ର ଇନିକେ ଞ୍ଚିଆଲ ଆତିଂଚେ ବଏ
। ୩ ବାସ୍ତା ସକା ସଃଲେଃକ୍ଳେ ନିଂନେ ମ୍ବାୟା ସାକିଇଂକେ ନିଂ ମ୍ବେସ
। ମେଁଇଂ ଆତେନ୍ ୧,୨୭୦ ଦିନ୍ ଜାକ ଇସପରନେ ସାମୁଆଁ ବାସଙ୍ଗ
ଆରଏ ।”

୪ ଦରତନିନେ ଆତେନ୍ ମ୍ବାର ସାକି ମାପୁରୁନେ ଡାଗ୍ରା ତୁଆଁ
ଲେଃଆରକ୍ଳେ ମ୍ବାକ୍ଲିଗ୍ ଜିତ ସ୍ଲା ଆରି ମ୍ବାକ୍ଲିଗ୍ କୁପିସ ସୁଗୁଆ । ୫ ଜଦି
ଜାଣ୍ଡେ ମେଁଇଂନେ କେଡି ତିଂନେସା ଚେସ୍‌ଟା ତିଂଏ ତେଲା ମେଁଇଂନେ
ତୁମ୍ବୁଆବାନ୍ ସୁଆ ତାରଚେ ସତୁକେ ଦଂସ ତିଂଏ । ତେକ୍‌ରକମ୍
ଜା ତିଗ୍ ମେଁଇଂନେ କେଡି ତିଂନେସା ତାରଏ, ମେଁ ବିନାସ୍ ତିଂଏ ।
୬ ଇସପରନେ ସାମୁଆଁ ବାସଙ୍ଗନେ ବେଲା କିତଂକେ ବନ୍ଦ୍ ଆତିଂଚେ
କିକେନେ ବନ୍ଦ୍ ତିଂନେ ଅଦିକାର୍ ଆମେଇଂକେ ବିବକେ । ଶ୍ରିଆ
ଜାରନେଇଂକେ ମ୍‌ମ୍‌ଫାରେ ଆତିଂନେସା ଆରି ନିଜର ଇକ୍‌ଚାରେ
ଦର୍ତ୍ତନିନ୍ନିଆ ବାରିବାରି ମୁଡ଼ି ଆତିଂନେସା ମେଁଇଂନେ ଅଦିକାର୍
ଲେଃକେ ।

୭ ✱ମେଁଇଂ ସାମୁଆଁ ବାସଙ୍ଗ ଆଡାକ୍ଳେ ଇଡ଼ିଙ୍ଗ୍ ପାତାଲ୍‌ପୁରବାନ୍
ମୁଇଂ ପସୁ ତଡ଼ିଆ ପାଙ୍ଗରେ ମେଁଇଂନେ ବିରଦ୍‌ରେ ଜୁଡ଼ି ତିଂଏ । ୮ ମେଁ
ଆମେଇଂକେ ଆଃଆରେଚେ ବାଗୁଏଃଏ ବାରି ମୁଃଡ଼ି ମ୍ବାଇନିନ୍ନିଆ

ଲକ୍ଷ୍ୟାଙ୍ଗ ଗାଲିନ୍ନିଆ ମାପରୁ କୁରୁସ୍ ଅରିଆ ଗୁଏଃଲେଃଗେ ଆଡ଼ଅରିଆ ମେଁଇଂନେ ମଡ଼ା ଲଃ ଲେଃଏ । ଆଡେନ୍ ସହରକେ ସଦୋମ ଶୁଲ୍ଲା ମିସର୍ ଡାଗ୍ରେ ବାସଙ୍ଗ ଯାଆର୍ଏ ।^୯ ସାପା ଦେସ୍ ରେମୁଆଁ ବାସାଣ୍ଡେ ଆରି ଜାତିନେ ରେମୁଆଁଇଂ ଜିର୍ସି ତେଃପିଆ ଜାକ ଆଡେନ୍ ମଡ଼ାଇଂକେ କେଆର୍ଏ ବାରି ଆଡେନଇଂକେ ଆତି ବିନେ ନସା ଆଆନ୍ତାର୍ଆର୍ ଶୁ ।^{୧୦} ଆକେନ୍ ମାୟାନେ ଗୁଏକ୍ନେସା ଦରତନିନେ ରେମୁଆଁଇଂ ମ୍ଲେଡିଆ ତିଂଆର୍ଏ, ସାର୍ଦା ତିଂରେ ମେଇଂମେଇଂ ଡାଗ୍ରା ପୁରୁସକାର ବେଆର୍ଏ; ଡାଗଲ୍ଲା ଆଡେନ୍ ବାବବାଦିଇଂନେ ନସା ଦରତନି ବାସାଣ୍ଡେ ମାଲେ ଅଇରାନ୍ ତିଂଆର୍ଡିଂଗେ ।^{୧୧} ମାତର୍ ଜିର୍ସି ତେଃପିଆ ଇଡିଂ ଇସ୍ପର୍ବାନ୍ ଜିବନ୍ ଖେଡିଆଃ ପାଙ୍ଗ୍ରେ ମେଁଇଂନେ ଗାଗ୍ଡେନ୍ନିଆ ଗାକେ ବାରି ମେଁଇଂ ତଡିଆଃ ତୁଆଁ ଆର୍କେ । ଜାଣ୍ଡେଇଂ ଆକେନ୍ ଗର୍ନା କେଆର୍କେ ମେଁଇଂ ବୁଟ୍ ଆର୍କେ ।^{୧୨} ବାରି ଆଡେନ୍ ମାୟା ବାବବାଦି ଆମେଇଂକେ କିତଂବାନ୍ ଜବର୍ ଖାସାର୍ରେ ଆକେନ୍ ସାମୁଆଁ ବାସଙ୍ଗତିଂଗ୍ଲେ ମୁଇଂ ସାମୁଆଁ ଅଂଆକ୍: “ଆକ୍ଅରିଆ ପାଙ୍ଗ୍ଲା !” ମେଁଇଂନେ ସତୁଇଂ ତେଃକେନେବେଲା ମେଁଇଂ ତ୍ରିଗ୍ଡିଆଃ ଆଃଡିରେ କିତଂପାକା ତେଃଖେଆର୍କେ ।^{୧୩} ଶ୍ରିକ୍ ଆଡେନ୍ ବେଲା ଜବର୍ ତୁବଃ ଲୁଡୁଗ୍କେ ଇନିନେ ଗୁଆବାଗ୍ବାନ୍ ମୁଇଂବାଗ୍ ଦଂସ ବାକେ ବାରି ବୁମିକମ୍ ୭,୦୦୦ ରେମୁଆଁ ଗୁଏଆର୍କେ । ମ୍ଲୁ ଖେଲେଃଆର୍କ୍ଲେ ରେମୁଆଁଇଂ ବୁଟ୍ରେ କିତଂ ଇସ୍ପର୍ନେ ସାପାପାକା ବ୍ୟାପେକ୍ଲେ ବିସଏନେ ମଇମା ତିଂଆର୍କେ ।

^{୧୪} ଦୁତିୟ କସ୍ଟ ଡାଖେଗେ; ମାତର୍ ତୁତ୍ତୟ କସ୍ଟ ଗିଆଃ ପାଙ୍ଗ୍ଡିଂକେ ।

ଗୁଲ୍ଲିଗ୍ ପ୍ଲିଃ

^{୧୫} ତେନଇଡିଂ ଗୁ ଦୁତ୍ ପ୍ଲିଃ ପିଃକେ ବାରି କିତଂନ୍ନିଆ ମାଲେ ସବ୍ଦ ଏଡେ ଆକେନ୍ ସାମୁଆଁ ନ୍ନାକେ ! “ନେ ମାପରୁ ଆରି ମେଁନେ ମସାହ ଦରତନି ଆଡାଡ୍ରା ସାସନ୍ ତିଂନେ ଅଦିକାର୍ ଏକେ ନିଜର୍ ତ୍ରିନ୍ନିଆ ତୁଂଖେ ବଆର୍କେ । ମେଁ ଏଃବାନ୍ ଜୁଗ୍ ଜୁଗ୍ ସାସନ୍ ତିଂଏ ।”

☆ ୧୧:୧୩ ୧୧:୧୩ ପ୍ରକାଶିତ ୭:୧୨; ୧୭:୧୮.

୧୭ ଆକେନ୍ ଇଡ଼ିଂ ଇସ୍ପରନେ ଡାଗ୍ରା ନିଜର୍ ନିଜର୍ ସିଂଆସନନ୍ନିଆ କଲେଃକ୍ସେ ୨୪ ରୁଆ ବୟସ୍ ନେତା ସାର୍ଲଟେ ଇସ୍ପରନେ ପାରତନା ତିଂରେ, ୧୭ ବାସଂଆରକେ,

“ଏ ସାପାଟୁ ବପୁନେ ମାପରୁ ଇସ୍ପର ପେ ଅଃସେ ଆରି ଏଃକେ ! ନେଁ ଆନାଁକେ ଦନ୍ୟବାଦ୍ ବିନେଡ଼ିଂକେ;

ଡାଗ୍ରା ନାଁନେ ମ୍ଲାବପୁରେ ରାଜିନେ ଲିଗିଙ୍ଗ୍ ସାଃ ନାଲେଃକେ ।

୧୮ ବିଜାତିଇଂ ରିସା ତିଂ ଲେଃଆରକେ;

ଡାଗ୍ରା ନାଁନେ ରିସାଡ଼ିଙ୍ଗ୍ନେ ବେଲା ପେଂଟା ଲେଃକେ,

ଗୁଏକେଶ୍ଟେ ଏଃକେ ବିଚାରିତ ତିଂଆରଏ ।

ନାଁନେ ସେବକ ବାବବାଦିଇଂ ଆରି ଜାଣେଇଂ ଆନାକେ ବୁଟମେଗ୍ ତିଂଆରକେ,

ମ୍ଲା ଶୁଲ୍ଲା ଡାଆଁ ସାପାରେ ଇନାମ୍ ବାଆରଏ

ବାରି ଜାଣେଇଂ ଦରତନିକେ ଦଂସ ତିଂଆରଏ ମେଁଇଂ ଶ୍ରିଗ୍ ଦଂସ ବାଆରଏ ।”

୧୯ ✨କିତଂନ୍ନିଆ ଲେଃକ୍ସେ ଇସ୍ପରନେ ମନ୍ଦିର୍ ଗାଲି ରଃକେ ଆରି ମନ୍ଦିର୍ନିଆ ନିଅମ୍ ସିନ୍ଦୁକ ଲେଃକ୍ସେ ନାକେ । ତେନ୍ଇଡ଼ିଂ ବିଜ୍ଜି ବଗ୍କେ ଗଡ଼ଗଡ଼ି ବୁମିକମ୍ ଆରି ମାଲେ ଆରେଣ୍ଡିଆଃ ଗୁରକେ ।

୧୨

ସେଲାମ୍ପୁଃ ଆରି ବୁବଃ

୧ ଇଡ଼ିଂ କିତଂନ୍ନିଆ ମୁଇଂ ତିରକମ୍ ଚିନ୍ ନାକେ । ମୁଇଂ ସେଲାମ୍ପୁଃ ଆକେ ଆଡାଡା ତୁଆଁ ଲେଃଗେ ଆରି ସିନେ ଡାକି ଗ୍ ସାଃଲେଃଗେ । ମେଁନେ ବାଆଃନିଆ ଗମ୍ବାର ଚାଙ୍ଗୁଆ ତଗ୍ବକ୍ସେ ମୁଇଂ ମୁକୁଟ୍ ଲେଃଗେ । ୨ ମେଁ ଗାଗଡ଼େ ଲେଃଗେ ଆରି ଶ୍ରିଆକୁମାନେ କଷ୍ଟରେ ଅଃ ତିଂଗେ ।

୩ କିତଂନ୍ନିଆ ଆରି ମୁଇଂ ତିରକମ୍ ଚିନ୍ ନାକେ । ମ୍ମିଆଁ ବାନାନେ ବୁବଃ ସୁଗୁଆ ମୁଇଂ ମ୍ଲା ଜିବ୍ ମେଁନେ ଗୁଲ୍ଲିଗ୍ ବାଆଃ ଗୁଆଲ୍ଲିଗ୍ ତିରଂ ଆରି ସାପା ବାଆଃନିଆ ମୁଇଂ ମୁକୁଟ୍ ଲେଃଗେ । ୪ ମେଁ ମେଁନେ ପ୍ଲାନ୍ନିଆ କିତଂବାନ୍ ଞିବାଗ୍ବାନ୍ ମୁଇଂବାଗ୍ ଚାଙ୍ଗୁଆ ଗୁଃଡୁଂପାଙ୍ଗ୍ଟେ ଦରତନି

✨ ୧୧:୧୯ ୧୧:୧୯ ପ୍ରକାଶିତ୍ ୮:୫; ୧୭:୧୮; ପ୍ରକାଶିତ୍ ୧୭:୨୧.

ବିତ୍ତରେ ଆଶ୍ରମାକେ । ଗଡ଼େଅ ଜନମ୍ ତିଂକ୍ଲେ ଦାପ୍ତେ ଆମେକେ ଚଂ
ବିନେ ଆସାରେ ବୁବଃ ଆତେନ୍ ସେଲ୍ଲାମ୍ବୁ ଡାଗ୍ରା ପାଙ୍ଗ୍ରେ ତୁଆଁକେ
। ^୫ ତେନ୍ ବେଲା ସେଲ୍ଲାମ୍ବୁ ମୁଇଂ ଗଡ଼େଅକେ ଜନମ୍ ବିକେ ।
ମାତର୍ ଲୁଆ ତୁତୁ ଏତେ ସର୍ତ୍ତେ ଜାତି ଆଡ଼ାଡ଼ା ସାସନ୍ ତିଂନେ
ନ୍ସା ଆରେକ୍ଲେ ଆତେନ୍ ଗଡ଼େଅକେ ରାଃରେ ଇସ୍ପର୍ତ୍ତେ ସିଂଆସନ
ଡାଗ୍ରା ତୁଂଖେକେ । ^୬ ବାରି ଆତେନ୍ ସେଲ୍ଲାମ୍ବୁ ରେମୁଆଁ ଆବାସାକ୍ଲେ
ଚାନ୍ପାକା ଲାଗ୍ତକେ । ଆଡ଼ଅରିଆ ୧,୨୨୦ ଦିନ୍ ଜାକ ମେଁ ଲେଃନେ
ନ୍ସା ଇସ୍ପର୍ତ୍ତ ଆମେରେ ବିଃବଗେ ।

^୭ *ତେନ୍ଇଡ଼ିଂ କିତଂନିଆ ଜୁଜ୍ ଆରାମ୍ ତିଂଖେଗେ ।
ମିଖାଏଲ ଆରି ମେଁନେ ଦୁଡ଼ଇଂ ଆତେନ୍ ମ୍ବା ବୁବଃ ଆରି ମେଁନେ
ପ୍ଲାଖେଣ୍ଡେଇଂନେ ଏତେ ଜୁଜ୍ ତିଂଆରକେ । † ଜୁଦ୍ନିଆ ବୁବଃ
ଆରି ମେଁନେ ପ୍ଲାଖେଣ୍ଡେଇଂ ଆରେ ଆରକେ ଆରି ମେଁଇଂ ଆରି
କିତଂନିଆ ଚାନ୍ ଆବାଆରକେ ଶ୍ଟୁ । ^୯ *ଆତେନ୍ ବୁବଃ ତିଂତିଂକେ
ଲ୍ଲିଗ୍ ଦର୍ତ୍ତନିକେ କସ୍ତୁ ତିଂବକ୍ଲେ ଜବର୍ତ୍ତପୁକ୍ଲେ ବାଞ୍ଜିର୍ ବୁବଃ
ସଏତାନ୍; ମେଁନେ ଦୁଡ଼ଇଂ ଏତେ କିତଂବାନ୍ ତାର୍ତ୍ତେ ଦର୍ତ୍ତନି
ତୁବଃନିଆ ପାଙ୍ଗ୍ରେ ଲଃକେ ।

^{୧୦} ତେନ୍ଇଡ଼ିଂ ନିଂ କିତଂନିଆ ଜବର୍ ସକ୍ତରେ ବାସଙ୍ଗ୍ଲେ ମୁଇଂ
ସାମୁଆଁ ଡ଼କେ: “ଏଃକେ ଇସ୍ପର୍ତ୍ତେ ପରିତ୍ରାନ୍ ପିଙ୍ଗ୍ଟା ଲେଃକେ ।
ମେଁନେ ଇଃସାଙ୍ଗ୍ ବପୁ କାଲାଆଃ ଆରି ମେଁନେ ମସାହାକେ ଅଦିକାର୍
ବିବକେ ମୁଡ଼ି ନାଲେଣ୍ଡେ ସ୍ତ୍ରି ମିଡିଗ୍ ଇସ୍ପର୍ତ୍ତେ ଡାଗ୍ରା ତୁଆଁଚେ
ନେଃ ବୟାଁ ଆରି ତନାଇଂନେ ବିରଦ୍ରେ ନାଲେ ସାମୁଆଁ ବାସଙ୍ଗ୍
ତିଂଗେ ଆମେକେ ଏଃକେ କିତଂବାନ୍ ନୁଆଁ ବକେ । ^{୧୧} ଉଂମେଣ୍ଡାମେ
ମ୍ବାମାନେ ବପୁରେ ଆରି ମେଁଇଂ ବାସଙ୍ଗ୍ ତିଂକ୍ଲେ ସଡ଼ ନ୍ସା ଆମ୍ବାପୁଜା
ତିଂନେ ତିଆର୍ ତିଂଲେଃକ୍ଲେସା ନେନେ ବୟାଁ ଆରି ତନାଇଂ ଜିତେ
ଲେଃଆରକେ । ^{୧୨} ତେନ୍ସା କିତଂ ଆରି କିତଂନିଆ ବାସା ଲେଃକେଣ୍ଡେ
ସାପାରେ ସାର୍ଦା ତିଂପା । ମାତର୍ ହାୟ ! ଦର୍ତ୍ତନିନେ ଶ୍ରିଆଃପାଃଡ଼ିଆ
ସର୍ତ୍ତେ ! ପେନେ କସ୍ତୁ କି ବୟାଁକାର୍ ! ଏଃକେ ସଏତାନ୍ ପେ
ଡାଗ୍ରା ଆରି ମେଁ ମାଲେ ରିସା ତିଂଲେଃକେ ଡାଗ୍ଲା ମେଁ ମ୍ୟାଲେଃକେ

ମୈନେ କାଲି ତା ତିଂକେ ।”

୧୩ ଦର୍ତ୍ତନିନ୍ନିଆ ଗା ଲେଃକେ କେଚେ ବୁବଃ ଆତେନ୍ ଗଡ଼େଅନେ ଇୟାଂଡେକେ ପ୍ଲାଃ ପ୍ଲାଃ ନୁଆଁକେ । ୧୪ ବୁବଃବାନ୍ ରକ୍ୟା ବା ନସା ସେଲ୍ୟାମ୍ବୁ ରେମୁଆଁକେ ମ୍ବାକ୍ଲିଗ୍ ରାବନ୍ ପିଗନେ ଡେନା ବିଃବଗେ । ତେନ୍ ଏତେ ମୈ ଜାଡିଗ୍ ଆବାସାକ୍ଲେ ଟାନ୍ନିଆ ଖାଲେ ଝେଚେ ଆଡ଼ଅରିଆ ଞ୍ଜିମୁଆଁ ତେଃପିଆଃ ଜାକ ନିରାପଦ୍ରେ ଲେଃନେ ଯାକେ । ୧୫ ତେନଇଡ଼ିଂ ସେଲ୍ୟାମ୍ବୁକେ ଶ୍ରିଆନ୍ନିଆ ଆଡୁଞ୍ଚତ୍ୟା ତୁଂଖେ ନସା ବୁବଃ ନିଜର୍ ତୁମୁଆବାନ୍ ମୈ ପ୍ଲାଃ ପ୍ଲାଃ ମୁଇଂ ବୁରାଶ୍ରିଆ ସୁଗୁଆ ଲୁଆର୍ ବିଃକେ । ୧୬ ମାତର୍ ଆମେକେ ଆମ୍ବୁନେ ନସା ଦର୍ତ୍ତନି ନିଜର୍ ତୁମୁଆଃ ଗାଃଟାଚେ ବୁବଃ ତୁମୁଆବାନ୍ ତାଡ଼ିଂକ୍ଲେ ସାପା ଶ୍ରିଆକେ ଉଗକେ । ୧୭ ତେନବେଲ୍ୟା ବୁବଃ ମାଲେ ଗିସେଚେ ମୈନେ ବଂସଣ୍ଡେ ଆରି ଜାଣ୍ଡେଇଂ ଇସ୍ପରନେ ସାମୁଆଁ ମାନେଃ ତିଂଆରକେ ଆରି ଜିସୁନେ ବିସୟରେ ସାକି ବିଃତିଂଆରକେ ମୈଇଂନେ ଏତେ ଜୁଜ୍ ତିଂନେ ତାରକେ । ୧୮ ସେଲ୍ୟାମ୍ବୁନେ ଆତେନ୍ ବଂସଣ୍ଡେଇଂକେ ବିରଦ୍ ତିଂନେ ନସା ମୈ ଝେଚେ କେଶ୍ରିଆଃନେ ବାଲି ଆଡ଼ାତ୍ରା ତୁଆଁକେ ।

୧୩

ମ୍ବାକ୍ଲିଗ୍ ପସୁ

୧ ☆ତେନଇଡ଼ିଂ ନିଂ କେକେ ମୁଇଂ ପସୁ କେଶ୍ରିଆଃ ବିତ୍ରେବାନ୍ ତଃଡ଼ିଆ ପାଞ୍ଚିଂକେ । ମୈନେ ଗୁଆକ୍ଲିଗ୍ ତିରଂ ଆରି ଗୁକ୍ଲିଗ୍ ବାଆଃ । ସର୍ତ୍ତେ ତିରଂନିଆ ମୁଇଂ ମୁଇଂ ମୁକୁଟ୍ ଲେଃଗେ ଆରି ସର୍ତ୍ତେ ବାଆଃନିଆ ମୁଇଂ ମୁଇଂ ଇସ୍ପର ନିନ୍ଦା ତିଂକ୍ଲେ ମ୍ବି ଗୁଆର୍ ଲେଃଗେ । ୨ ପସୁ ମୁଇଂ ଚିତାଞ୍ଚୁ ସୁଗୁଆ ନାତିଂଗେ । ମୈନେ ଞ୍ଜି ଗିବେ ଞ୍ଜି ସୁଗୁଆ ବାରି ତୁମୁଆଃ ସିଂଅ ତୁମୁଆଃ ସୁଗୁଆ । ସେନୁଗନେ ଆଃରେକ୍ଲେ ମର୍ମ୍ୟା ବାନାନେ ମ୍ବାଃ ବୁବଃ ଆକେନ୍ ପସୁକେ ନିଜର୍ ବପୁ ସିଂଆସନ ଆରି ମାଡାନେ ଅଦିକାର୍ ଅପେଃ ବିଃକେ । ୩ ପସୁନେ ମୁଇଂ ବାଆଃ ମାଲେ ଚିନା ବାଲେଃକ୍ଲେ ସୁଗୁଆ ମନେ ତିଞ୍ଚିଂଗେ । ମାତର୍ ଚିନାକ୍ଲେ ଟାନ୍ ନିମାଣ୍ଡା ତିଂଖେଲେଃଗେ ବାରି ଦର୍ତ୍ତନିଶ୍ରେ ସାପାରେ ଇରିଆଃତୁଗ୍

☆ ୧୩:୧ ୧୩:୧ ପ୍ରକାସିତ ୧୭:୩,୭-୧୨.

ତିଂରେ ପସୁନେ ପ୍ଲାଃ ଝେଆରକେ । ୪ ବାରି ସାପାରେ ପସୁକେ ଅଦିକାର୍ ତିଂବକ୍ନେ ବୁବଃନେ ପୁଜା ତିଂଆରକେ । ମେଁଇଂ ପସୁକେ ଶ୍ରିଗ୍ ପୁଜା ତିଂରେ ବାସଂଆରକେ “ଜାଣ୍ଡେ ଆକେନ୍ ପସୁନେ ସୁଗୁଆ ତିଂଏ ? ଜାଣ୍ଡେ ମେଁ ଏତେ ଜୁଦ୍ ତିଂୟାଏ ?”

* ପସୁ ଆମ୍ବାରେ ସାମୁଆଁ ବାସଙ୍ଗତିଂଗେ ଆରି ଇସ୍ପର୍ ନିନ୍ଦା ତିଂତିଂଗେ ତେଲାତିଗ୍ ୪୨ ଆକେଁ ଜାକ ସାସନ୍ ତିଂନେ ନସା ଆମେକେ ଆଦେସ୍ ମିଲେକେ । ୨ ଇସ୍ପର୍କେ ମେଁନେ ମ୍ନି ଆରି ମେଁନେ ବାସାନେ ଟାନ୍ ବାରି କିତଂଣ୍ଡେ ସାପାରେକେ ମେଁ ଅବିସାପ୍ ବିଃନସା ଆରାମ୍ତିଂକେ । ୩ ଇସ୍ପର୍କେ ରେମୁଆଁଇଂନେ ବିରଦ୍ରେ ଜୁଦ୍ ତିଂରେ ଆମେଇଂକେ ଆଃଆରେ ନସା ମେଁ ଆଦେସ୍ ବାକେ ଆରି ସାପା ରେମୁଆଁ ରାଜି ଆରି ବାସାଣ୍ଡେ ଆରି ଜାତି ଆଡ଼ାଡ଼ା ଆମେକେ ଅଦିକାର୍ ବିକେ । ୮ ଦର୍ତ୍ତନିନେ ତିଆର୍ ତିଂକ୍ନେ ସିସେବାନ୍ ଜାଣ୍ଡେଇଂନେ ମ୍ନି ବଃଲେଃକ୍ନେ ଉଂମେଣ୍ଡୁନେ ଜିବନ୍ ସାସ୍ତ୍ରନ୍ନିଆ ଗ୍ଲୁଆର୍ଲେଃଗେ ଆମେଇଂକେ ଆନ୍ତାର୍ତେ ଦର୍ତ୍ତନିନେ ବିନ୍ ସାପାରେ ଆତେନ୍ ପସୁନେ ପୁଜା ତିଂଆର୍ଏ ।

୯ “ଅଁନସା ନ୍ଲୁଗ୍ ଲେଃଲା, ଅଁ । ୧୦ ଇସ୍ପର୍କେ ବାସଙ୍ଗନେ ଅନୁସାରେ ଜା ବନ୍ଦି ତିଂନେ ଲେଃକେ ମେଁ ସତେଆ ବନ୍ଦି ତିଂଏ । ଜା ବିନ୍ଣେକେ କାଣ୍ଡା ଏତେ ବାଗୁଏଃଏ ମେଁ ନିଜେ କାଣ୍ଡା ଏତେ ଆଃ ଗୁଏଃଏ । ଇସ୍ପର୍କେ ରେମୁଆଁଇଂନେ ନସା ତାର୍ ଆରି ବିସ୍ବାସ୍ ତିଲାତିଗ୍ ଦର୍କାର୍ ।”

୧୧ ତେନ୍ଇତିଂ ନିଂ କେକେ ଆରି ମୁଇଂ ପସୁ ବୁବଃବାନ୍ ତଃଡ଼ିଆ ପାଙ୍ଗତିଂକେ । ଉଂମେଣ୍ଡୁଇଂନେ ତିରଂ ସୁଗୁଆ ମେଁନେ ମ୍ବାକ୍ଲିଗ୍ ତିରଂ ଲେଃଗେ ବାରି ମେଁ ସିସେନେ ବୁବଃ ସୁଗୁଆ ସାମୁଆଁ ବାସଙ୍ଗତିଂଗେ । ୧୨ ଆକେନ୍ ଦୁତିୟ୍ ପସୁ ପର୍ତ୍ତୁମ୍ ପସୁନେ ଲେଃନେ ବେଲା ମେଁନେ ଅଦିକାର୍ ବେବଆର୍ ତିଂରେ ପର୍ତ୍ତୁମ୍ ପସୁ ଜାନେ ତିନା ନିମାଣ୍ଡା ତିଂଲେଃଗେ ମେଁନେ ପୁଜା ତିଂନେ ନସା ଦର୍ତ୍ତନିନ୍ନିଆ ବାସାଣ୍ଡେ ସାପାରେକେ ବାଦ୍ୟ ତିଂକେ । ୧୩ ଦୁତିୟ୍ ପସୁ ମ୍ବା ଇରିଆଡ଼ୁଗ୍ କାମ୍ ସାପା ଆଃତାକେ । ସାପାରେନେ ତାଗ୍ରା କିତଂବାନ୍ ଦର୍ତ୍ତନି ଆଡ଼ାଡ଼ା ସୁଆ ଶ୍ରିଆଃ ଆଃଗୁରକେ । ୧୪ ବାରି ପର୍ତ୍ତୁମ୍ ପସୁନେ

ଲେଖନେ ବେଲା ତେକସୁଗୁଆ ଗୁଲୁଏ ଇରିଆତୁଗ୍ନେ କାମ୍‌ଇଙ୍ଗ୍ ତିଂରେ ଦର୍ତ୍ତନିନ୍ନିଆ ବାସାଣ୍ଡେ ସାପାରେକେ ଆଃକାବାକେ । କାଣ୍ଡା ଏତେ ଚିନା ତିଂରେ ନିମାଣ୍ଡା ତିଂଲେଖକ୍ ମୁଲ୍ ପସୁନେ ସନ୍‌ମାନ୍ ନସା ମେଁନେ ମୁଇଂ ମୁଉଁ ଆଃରେନେ ନସା ଦୁଡିୟ ପସୁ ରେମୁଆଁଇଂକେ ଆଦେସ୍ ବିକେ । ୧୫ ପରତୁମ୍ ପସୁନେ ମୁତ୍ ନିଆ ଜିବନ୍‌ଖେଡିଆ ବିରେ ଆମେକେ ଆମ୍‌ନେ ଅଦିକାର୍ ଦୁଡିୟ ପସୁ ମ୍ୟାଃଲେଖନେ । ତେନ୍‌ଇଡିଂ ମୁଉଁ ସାମୁଆଁ ବାସଙ୍ଗକେ ଆରି ଜାଣ୍ଡେଇଂ ମେଁନେ ପୁଜା ଆତିଆରକେ ଆମେଇଂକେ ବାଗୁଏଃ ନସା ଇକ୍‌ଚା ତିଂକେ । ୧୬ ମ୍ଲାଃଡାଆଁ ଗଡିରେ ଶୁଲ୍ଲା ନିଜର୍ ବିଡିରେ ଲେଖକ୍ ସାଉକାର୍ ଅରକିଡ୍ ସାରାସାରି ବେଲା ସାପାରେନେ ବେଃସ୍ୟା ଜିନ୍ନିଆ ଶୁଲ୍ଲା କାପାଲେ ମୁଇଂ ଚିନା ଆତିଂନସା ମେଁ ରେମୁଆଁଇଂକେ ବାଦ୍ୟ ତିଂକେ । ୧୭ ପସୁନେ ମି ଶୁଲ୍ଲା ଆତେନ୍ ମିନେ ଚିନା ମୁଇଂ ସଂକ୍ୟା ଆଃତିଂ ଆବକ୍ ଜାଣ୍ଡେ ବିଆର୍ ସହାଃ ତିଂ ଆୟାଆର୍ ଶୁ ଡାଗ୍‌ରେ ପସୁ ଆଦେସ୍ ବିକେ ।

୧୮ ଆକେନ୍ ସଂକ୍ୟାନେ ବିସଏରେ ବୁଜେ ନସା ଗ୍ୟାନ୍‌ଶ୍ଟେ ଦରକାର୍ । ବୁଦିମାନ୍ ରେମୁଆଁଇଂ ଆତେନ୍ ବୁଜେ ଯାଆର୍ଏ । ଆତେନ୍ ମୁଇଂ ରେମୁଆଁନେ ମିକେ ବାସଙ୍ଗଆର୍ଏ । ଆତେନ୍ ସଂକ୍ୟା ତିଂତିଂକେ ୭୭୭ ।

୧୪

ମେଣ୍ଡାତୁର୍ତ୍ତ୍ୟାରେ ବାରି ମେଁନେ ପ୍ଲାଖେଣ୍ଡେ

୧୯ ତେନ୍‌ଇଡିଂ ନିଂ କେକେ ଉଂମେଣ୍ଡା ସିୟୋନ କଣ୍ଡା ଆଡାଡା ତୁଆଁ ଲେଖକେ । ମେଁ ଏତେ ୧୪୪,୦୦୦ ରୁଆ ରେମୁଆଁ ଲେଖଆରଗେ । ମେଁଇଂନେ କାପାଲେ ଉଂମେଣ୍ଡା ଆରି ମେଁନେ ଆବାଡେନେ ମି ଗ୍ଲୁଆର୍ ଲେଖନେ । ୨ ତେନ୍‌ଇଡିଂ ନିଂ ଡକେ ବୁରାଣ୍ଡିଆଃ ଆରି ଗଡ୍‌ଗଡ୍ ସୁଗୁଆ କିତଂବାନ୍ ମୁଇଂ ସକ୍ ପାଙ୍ଗକେ । ବଗ୍‌ଡେଙ୍ଗ୍‌ରେଇଂ ବଗ୍‌ତିଂକ୍ ବିନା ସବ୍‌ଦ୍ ସୁଗୁଆ ଶ୍ରିଗ୍ ଆତେନ୍ ନ୍ଲାଂତିଂଗେ । ୩ ବାରି ଦର୍ତ୍ତନିବାନ୍ ଚାକର୍ ଆତେନ୍ ୧୪୪,୦୦୦ କିତଂ ସିଂଆସନ ଅଁକ୍ଲିଗ୍ ଜିବ୍ ଆରି ମଣ୍ଡଲିନେ ବୟସ୍ ନେତାଇଂନେ ତାଗ୍ରା ତୁଆଁକେ । ମେଁଇଂ ମି ଅସ୍‌ମାର୍

☆ ୧୪:୧ ୧୪:୧ ପ୍ରକାସିତ୍ ୭:୩.

ସାର ତିଂଆରଗେ । ଆମେଇଂକେ ଆନ୍ତାରରେ ବିନ୍ ଜାଣ୍ଟେ ଆତେନ୍ ଅସମାର ସାରନେ ଯା ଆତିଂଆରଗେ । କ୍ଲିଗ୍ତାନେ ରେମୁଆଁ ଜାତି ବିତ୍ତେବାନ୍ ମୁଇଂ ଆତେନ୍‌ଶ୍ଟେ ଉଦାର ବାଲେଃଆରଗେ । ୪ ମେଁଇଂ ସେଲାମ୍‌ସୁଇଂ ଏତେ ନିଜେ ନିଜକେ ଅଡ଼ାରେଗ୍ ତିଂ ଆବଆରଗେ ଶ୍ଟୁ ଡାଗ୍‌ଲା ମେଁଇଂ ପବିତ୍ର । ମେଁଇଂ କାଲାଆଃ ଉଂମେଶ୍ଟାନେ ପ୍ଲା ଝେଡିଂଆରଗେ । ମେଁଇଂ ରେମୁଆଁଇଂନେ ବିତ୍ତେବାନ୍ ପରତୁମ୍ ଉଦାର ବାଚେ ଇସପର୍ ଆରି ଉଂମେଶ୍ଟାନେ ଡାଗ୍ ଡୁସ ଲେଃଆରକେ । ୫ ମେଁଇଂ ଅଃନାଡିଗ୍ ନାଲେ ବାସଙ୍‌ନେ ନା ଆଲେଆରଗେ ମେଁଇଂନେ ଦସ୍ ଶ୍ଟୁ ।

ଞ୍ଜିରୁଆ କିତଂ ଦୁଡ଼

୬ ତେନ୍‌ଇଡିଂ ନିଂ ବାରି ଲେକେ ଆରି ମୁଇଂ କିତଂଦୁଡ଼ କିତଂନ୍ନିଆ ଜବର୍ ତିଆର୍ ଝାଲେଃ ଝାଲେଃ ଦରତନିନେ ସରତେ ଜାତି ରେମୁଆଁ ବାସାଣ୍ଟେ ଆରି ଦେସନେ ରେମୁଆଁଇଂ ଡାଗ୍ ଇସପର୍ନେ ଆତେନ୍ ମାଡାନେ ନିମାଣ୍ଟାସାମୁଆଁ ବାସଙ୍‌ଡିଂକେ । ୭ ମେଁ ମାଲେ ଝାସାରରେ ବାସଙ୍‌ଡିଂଗେ, “ଇସପର୍କେ ବୁଟପା ମେଁନେ ଗୋରବନେ ପ୍ରସଂସା ତିଂପା, ଡାଗ୍‌ଲା ରେମୁଆଁନେ ବିଚାର ବେଲା ପେଙ୍‌ଗାଡିଂକେ । କିତଂ ଦର୍ତନି କେଣ୍ଡିଆଃ ଆରି ସରତେ ଶ୍ଟିଆଃଇଂନେ ଆରେଶ୍ଟେକେ ପୁଜା ତିଂପା ।”

୮ ✨ଆତେନ୍ ପରତୁମ୍ ଦୁଡ଼ନେ ପ୍ଲାଃ ପ୍ଲାଃ ଆରି ମୁଇଂ ଦୁଡ଼ ପାଙ୍‌ଗେ ବାସଙ୍‌କେ “ଆତେନ୍ ବିନସ୍ ତିଂଲେଃକେ । ମ୍ବାଃ ବାବିଲୋନ୍‌ନେ ସାପା ଜାତି ଗୁଣ୍ଡଗୁଣ୍ଡା ତିଂଲେଃକେ । ମେଁ ମେଁନେ ଦଦ୍ୟା କାମ୍ ରକମନେ ସୁରା ଆଉଗ୍‌ରେ ସାପାରେକେ ଆଃବୁସା ବଗେ ।”

୯ ଆକେନ୍ ଦୁଡ଼ନେ ଇଡିଂ ଆରି ମୁଇଂ ଦୁଡ଼ ପାଙ୍‌ଗେ ଜବର୍ ଝାସାରରେ ବାସଙ୍‌କେ ମୁଲେକେ “ଜା ଜଦି ପସୁ ଆରି ମେଁନେ ମୁଉଁ କେ ପୁଜା ତିଂଏ ଆରି ନିଜର୍ କାପାଲ୍ ଶ୍ଟୁଲ୍ ଡିନ୍ନିଆ ମେଁନେ ତିନା ଗୁଆର୍ ବଏ ୧୦ ମେଁ ଇସପର୍ନେ ଗିସେ ରକମନେ ଲୁଇନ୍ନିଆ କିଗ୍ ଲେଃକ୍ଲେ ମେଁନେ ମାଲେ ଗିସେକ୍ଲେ ସୁରା ଉଗ୍‌ଆରଏ । ଜାଣ୍ଟେଇଂ ଆକେନ୍ କାମ୍ ତିଂଆରଏ ମେଁଇଂ ସାପାରେ ଉଂମେଶ୍ଟା

✨ ୧୪:୮ ୧୪:୮ ପ୍ରକାଶିତ ୧୮:୨.

ଆରି ପବିତ୍ର କିତଂ ଦୁହଇଁନେ ଡାଗ୍ରା ସୁଆ ଆରି ଗନ୍ଦଗୁଲାନିଆ ଡଣ୍ଡ ବାଆରଏ । ୧୧ ଆତେନ୍ କସୁନେ ମାଃସ ଜୁଗ୍ ଜୁଗ୍ ମାଃସ ଲେଃଏ । ଜାଣ୍ଡେଇଁ ପସୁ ଆରି ମେଁ ମୁର୍ତ୍ତିନେ ପୁଜା ତିଂଆରଏ ଶୁକ୍ଳା ମେଁନେ ମିନେ ଚିନା ଗୁଆର ବାଆରଏ, ମେଁଇଁ ସ୍ତ୍ରୀ ମିତିଗ୍ କାଲାଆଃ ଅସାନ୍ତି ବା ଲେଃଆରଏ ।”

୧୨ ଜାଣ୍ଡେଇଁ ଇସପରନେ ସାମୁଆଁ ମାନେଃ ଆରଏ ଆରି ଜିସୁନେ ଆଡାଡ୍ରା ବିସ୍ବାସ୍ ତିଂଆରଏ ଇସପରନେ ଆତେନ୍ ରେମୁଆଁଇଁନେ ପାକା ସମ୍ବାଲେ ଲେଃନେ ତିଲାଡିଗ୍ ଦରକାର୍ ।

୧୩ ତେନ୍ଇଡିଂ ନିଂ ଡକେ କିତଂବାନ୍ ମୁଇଁ ସାମୁଆଁ ନ୍ନାକେ; “ଆକେନ୍ ସାମୁଆଁ ଗୁଆର: ଜାଣ୍ଡେଇଁ ଏକେବାନ୍ ମାପରୁନେ ଜତନ୍ ତିଂରେ ଗୁଏଃଆରଏ ମେଁଇଁ ଦନ୍ୟ ।” ବାରି ନିଂ ଡକେ ପରମାମ୍ବା ବାସଙ୍ଗତିଂକେ “ଆକେନ୍ ସତେଆଃ ଗଟେଏ । ଜବର୍ କସୁକାମ୍ ଏତେ ସେବାନେ ତୁତୁ ରକମ୍ ମେଇଁ ସୁସ୍ତା ବାଆରଏ ।”

କିଆଉଁଆଃ ୱେଃ

୧୪ ତେନ୍ଇଡିଂ ନିଂ କେକେ ଇତୁଡା ତୁଲୁଏ ତ୍ରିଗ୍ଡିଆ ଆରି ମେଁ ଆଡାଡ୍ରା କଲେଃକେ ମାପରୁ ଡଂଡେ ରକମ୍ ମୁଇଁଡା; ମେଁନେ ବାଆଃନିଆ ସୁନା ମୁକୁର୍ ଆରି ତ୍ରିନିଆ ମୁଇଁ ଗଜ୍ୟା ନସଗ୍ ଲେଃଗେ । ୧୫ ମୁଇଁଡା ଦୁହ୍ ମନ୍ଦିରବାନ୍ ତାର୍ରେ ତ୍ରିଗ୍ଡିଆଃ ଡାକ୍ଲେ ରେମୁଆଁକେ ଜବର୍ ୱାସାର୍ରେ ବାସଙ୍ଗକେ, “ନାଁନେ ନସଗ୍ ସାଃରେ କିଆଉଁଆଃ ୱେଃ । ଦର୍ତନିନେ କିଆଉଁଆଃ ୱେଃ ନସା ଚିକ୍ ବେଲା ପେଙ୍ଗରାଲେଃକେ ।” ୧୬ ଆକେନ୍ ଅଁରେ ତ୍ରିଗ୍ଡିଆଃ ଡାକ୍ଲେ ରେମୁଆଁ ମେଁନେ ନସଗ୍ ଆଚାଲେକେ ଆରି ଦର୍ତନିନେ କିଆଉଁଆଃ ସାପା ଗୁଆଃରେ ରାଃସିଙ୍ଗକେ ।

୧୭ ତେନ୍ଇଡିଂ ନିଂ କେକେ, ଆରି ମୁଇଁ ଦୁହ୍ କିତଂନେ ମନ୍ଦିରବାନ୍ ପାଙ୍ଗତିଂକେ; ମେଁନେ ତ୍ରିନିଆ ଶ୍ରିଗ୍ ମୁଇଁ ତିଗ୍ଲେ ନସଗ୍ ଲେଃଗେ ।

୧୮ ତେନ୍ଇଡିଂ ବେଦନେ ସୁଆ ଦାଇଡରେ ଲେଃକ୍ଲେ ମୁଇଁ ଦୁହ୍ ନସଗ୍ ସାଲେଃକ୍ଲେ ଦୁଡିୟ ଦୁହ୍କେ ୱାସାର୍ରେ ବାସଙ୍ଗକେ “ନସଗ୍ ସାଚେ ଦର୍ତନିନେ ଅଙ୍ଗୁର୍ ତ୍ରିଗ୍ଡିବାନ୍ ଅଙ୍ଗୁର୍ ସାପା ଗୁଆ ବିଃପା; ତେନ୍ଇଁ ରେ ୱେଲେଃକେ ।” ୧୯ ତେନ୍ସା ଦୁହ୍ ଦର୍ତନି ଆଡାଡ୍ରା ମେଁନେ ନସଗ୍ ସାଚେ ଅଙ୍ଗୁର୍ ସ୍ଲାଙ୍ଗବାନ୍ ଅଙ୍ଗୁର୍ ଗୁଆଃ

ଜଗନ୍ନାଥଆରକେ ବାରି ଆତେନ୍‌ଇଁ ଇସ୍‌ପରନେ ମ୍ବାଃ ଗିସେନେ ଅଞ୍ଜୁରପେସେନେ କୁଣ୍ଡୁନ୍ନିଆ ଛାଗ୍ ବିକେ । ୨୦ ✱ଇନି ବାଏରେ ଲେଃକେ ଆତେନ୍ କୁଣ୍ଡୁନ୍ନିଆ ଅଞ୍ଜୁରଇଁ ପେସେଆରକେ ଆରି ଆଡ୍‌ବାନ୍ ମିଆଁ ତାର୍‌ଚେ ଗୋଡ଼ାଇଁନେ ଲାଗାମ୍ ଜାକ ଡେଃଚେ ୩୦୦ କିଲମିଟର୍ ମ୍ବାଃ ଆରି ତିଁଲେଃଏ ୨ ମିଟର୍ ତିଆର୍ ଜାକ ମ୍‌ମ୍‌ମାନେ ବୁରାଣ୍ଡିଆ ଜରିଆକେ ।

୧୫

ସାରାସାରି ମୁତ୍

୧ ତେନ୍‌ଇଡିଁ ନିଁ କିତନ୍ନିଆ ଆରି ମୁଇଁ ମ୍ବାଃ ଇରିଆଡୁଗ୍ ରକମ୍‌ନେ ତିନ୍ ଛେକେ । ଗୁ ରୁଆ କିତନ୍‌ଦୁଡ୍ ସାପାରେ ମୁଇଁ ମୁଇଁ ମୁତ୍ ସାଃଚେ ତାରକେ । ଆକେନ୍ ମୁତ୍‌ଇଁ ଲେଃଗେ ଇସ୍‌ପରନେ ରିସାନେ ସଡ୍ ନାଏ ।

୨ ତେନ୍‌ଇଡିଁ ନିଁ ଛେକେ ସୁଆମିସୁକ୍ କାଞ୍ଚନେ କେଣ୍ଡିଆ ସୁଗୁଆ ମୁଇଁ ତିନ୍ । ଆତେନ୍ କେଣ୍ଡିଆ ଆଃଡ଼ା ତୁଆଁ ଲେଃଆରଗେ ଜିତେକେଣ୍ଡେ, ଆକ୍‌ମେଇଁ ପସୁ, ପସୁନେ ମୁତ୍ ଆରି ସିସେନେ ସଂକ୍ୟା ଏତେ ତିନାକ୍ ଆତେନ୍ ଦଦ୍ୟା ଆମ୍ ଆଡ଼ାଡ଼ା ଜିତେ ବଆରଗେ । ମେଇଁ ଇସ୍‌ପରନେ ବିନା ସାଃଚେ ଆତେନ୍ କାଞ୍ଚ ରକମ୍ କେଣ୍ଡିଆଃ ଆଃଡ଼ାଃ ତୁଆଁ ଲେଃଆରକେ । ୩ ମେଁଇଁ ଇସ୍‌ପର ବିବକ୍ ବିନା ବଗ୍‌ଚେ ଇସ୍‌ପରନେ ସେବକ ମୋଶାନେ ଅସ୍‌ମାର୍ ଆରି ଉଁମେଣ୍ଡାଇଁନେ ଅସ୍‌ମାର୍ ସାର୍ ତିଁଆରଗେ,
“ଏ ସାପାଚୁ ବପୁନେ ମାପରୁ ଇସ୍‌ପର !

ନାଁନେ କାମ୍ ସାପା ଉଡି ମ୍ବାଃ ଆରି ବଏଙ୍କାର୍ ସର୍‌ଚେ ଜାତିନେ ଇଃସାଙ୍ଗ୍‌ଇଁନେ ଇଃସାଙ୍ଗ୍ !

ନାଁନେ କାମ୍‌ଇଁ ଉଡି ନ୍ୟାୟ୍ ଆରି ସଡ୍ !

୪ ମାପରୁ ! ଜାଣ୍ଡେ ଜେ ଆନାକେ ଆବ୍‌ଟଣ୍ଡୁ ?

ନାଁନେ ନିମାଣ୍ଡା ସାମୁଆଁ ବାସଙ୍‌ନେସା ଜାଣ୍ଡେ ଜେ ନାଲେ ସାମୁଆଁ ବାସଙ୍‌ଏ ?

ମୁଇଁ ନାଁ ଆଃ ପବିତ୍ର ସରତେ ଜାତି ପାଙ୍ଗ୍‌ରେ ନାଁନେ ପୁଜା
ତିଆରୁଏ ।

ଡାଗଲା ନାଁନେ ନ୍ୟାୟ ବିଃନେ କାମ୍ ସାପା କେଲେଃଆରକେ ।”

* ଆକେନ୍ ଇଡ଼ିଂ କିତଂଗାଲି ରଃଡ଼ିଂକ୍ଲେ ନିଂ କେକେ । ଆଡ଼ଅରିଆ
ଇସ୍‌ପର୍ ଲେଃନେ ସୁଗୁଆ କୁଡ଼ିଆ ଲେଃଗେ । ୬ ଗୁଲ୍ଲିଗ୍ ମୁଡ଼ି
ସାଲେଃକ୍ଲେ ଗୁଲ୍ଲିଗ୍ ଦୁଡ଼ି କିତଂ ମନ୍ଦିର୍ ବିତ୍ରେବାନ୍ ତାରତେ
ପାଙ୍ଗ୍‌ଆରକେ; ମେଁଇଁ ନିମାଣ୍ଡା ତୁଲୁଏ ସକା ସଃ ଲେଃଆରଗେ
ଆରି ଗ୍ରି ଟାନ୍‌ନିଆ ସୁନା ପୁଟକା ଗାଗ୍ ବଆରଗେ । ୭ ସିସେନେ ଅଁକ୍ଲିଗ୍
ଜିବ୍ ବିତ୍ରେବାନ୍ ମୁଇଁ କାଲାଆଃ ମୁକ୍ଲେ ଇସ୍‌ପର୍‌ନେ ରିସାନ୍ନିଆ
ନ୍‌କ୍ଲେ ଗୁଲ୍ଲିଗ୍ ସୁନା କ୍ଲୁଇ ଆତେନ୍ ଗୁଲ୍ଲିଗ୍ ଦୁଡ଼ିକେ ବିକେ । ଜାଣ୍ଡେ
ଜୁଗ୍ ଜୁଗ୍ ନ୍ୟା ମୁକ୍ଲେ ଲେଃକେ । ୮ ଇସ୍‌ପର୍‌ନେ ଗୋରବ୍ ଆରି
ବପୁବାନ୍ ତଡ଼ିଆଡ଼ିଂକ୍ଲେ ମାଃସରେ ମନ୍ଦିର୍ ନ୍ ଖେଗେ ଗୁଲ୍ଲିଗ୍ ଦୁଡ଼ି
ସାଃତେ ପାଙ୍ଗ୍‌କ୍ଲେ ଗୁଲ୍ଲିଗ୍ ମୁଡ଼ି ନେ ସାରାସାରି ମାଗଟେ ଜାକ
ଆକେନ୍ ମନ୍ଦିର୍ ବିତ୍ରେ ଆରି ଜାଣ୍ଡେ ଗାନେ ଆୟାଆରକେ ଶୁ ।

୧୭

ଇସ୍‌ପର୍‌ନେ ଗିସେଃବାନ୍ ନ୍‌କ୍ଲେ ଗୁଲ୍ଲିଗ୍ କ୍ଲୁଇ

୧ ଆକେନ୍ ଇଡ଼ିଂ ନିଂ ଡ଼କେ ମନ୍ଦିର୍‌ବାନ୍ ଜାଣ୍ଡେ ମୁଇଁତା ଖାସାରତେ
ଆତେନ୍ ଗୁଲ୍ଲିଗ୍ ଦୁଡ଼ିକେ ବାସଙ୍ଗ୍‌ଡ଼ିଂକେ “ଖେଲାପା ଗୁଲ୍ଲିଗ୍
କ୍ଲୁଇନ୍ନିଆ ଲେଃକ୍ଲେ ଇସ୍‌ପର୍‌ନେ ରିସା ଦର୍‌ତନି ଆଡ଼ାଡ଼ା କିଗ୍ ବିଃପା
।”

୨ ଆକେନ୍ ଅଁତେ ପର୍‌ତୁମ୍ ଦୁଡ଼ି ଖେତେ ମେଁନେ କ୍ଲୁଇନ୍ନିଆ
ମେଃନେ ଲେଃଗେ ଦର୍‌ତନି ଆଡ଼ାଡ଼ା କିଗ୍ ବିକେ । ସାଙ୍ଗେ ସାଙ୍ଗେ
ଜାଜା ପସୁନେ ଚିନା ତିଂ ବଆରକେ ଆରି ମେଁନେ ମୁଡ଼ିକେ
ପୁଜା ତିଂବଆରଗେ ମେଁଇଁନେ ଗାଗ୍‌ଡ଼େନ୍ନିଆ ଜବର୍ କସ୍ ରକମ୍‌ନେ
କୁସୁଇଁ ତାରଖେକେ ।

୩ ତେନ୍‌ଇଡ଼ିଂ ଦୁତିୟ ଦୁଡ଼ି ମେଁନେ କ୍ଲୁଇକେ କେଣ୍ଡିଆଃ ଆଡ଼ାଡ଼ା
ଜଗ୍‌ଜାଗ୍ ବିକେ । କେଣ୍ଡିଆଃ ଶ୍ରିଆଃ ଗୁଏଃକ୍ଲେ ରେମୁଆଁନେ ମର୍‌ମା
ସୁଗୁଆ ତିଂଖେଗେ ଆରି କେଣ୍ଡିଆଃନେ ସରତେ ଜିବ୍‌ଇଁ ଗୁଏଃ
ଖେଆରଗେ ।

୪ ତେନ୍‌ଇଡ଼ିଂ ତୁତ୍ ଯୁ ଦୁତ୍‌ନେ ନୁକିନ୍ନିଆ ଫେଠନେ ଲେଠଗେ ଆତେନ୍‌ ଫେଁ ଲଣ୍ଡିଆଠ ଆରି ଜରୁନାଡ଼ିଆଇଂ ଆଡ଼ାଡ଼ା କିଗ୍‌ବିକେ ବାରି ଆତେନ୍‌ ସାପାନେ ଶ୍ରିଆଠ ମ୍‌ମ୍ୟା ତିଂଝେଗେ । ୫ ଅଠତେନ୍‌ ବେଲା ନିଂ ଡ଼କେ ଶ୍ରିଆଠନେ ଦାଇଡ଼ରେ ଲେଠକ୍‌କେ ଦୁତ୍ ବାସଙ୍‌ଡ଼ିଂକେ: “ନାଁ ପବିତ୍ର ନାଁ ଏଠକେ ଆରି ଅଠସେ; ନାଁ ନିମାଣ୍ଡା ବିଚାର୍ ତିଂନାବକେ । ୬ ଫେଁଇଂ ସାଦୁଇଂନେ ଆରି ବାବବାଦିଇଂକେ ବାଗୁଏଠ ବଆରଗେ, ଆତେନ୍‌ ପେ ଆମେଇଂକେ ଆଠଉଗ୍ ପେବକେ । ଫେଁଇଂନେ ତିଂବକ୍‌କେ ପାପନେ ତୁତ୍ ଫେଁଇଂ ବା ଲେଠଆରକେ ।” ୭ ତେନ୍‌ଇଡ଼ିଂ ନିଂ ବେଦିବାନ୍ ମୁଇଂ ସାମୁଆଁ ଡ଼କେ “ସାପାଟୁ ବପୁନେ ମାପୁର ଇସପର୍ ! ନାଁନେ ବିଚାର୍ ସଡ଼ ଆରି ନିମାଣ୍ଡା ।”

୮ ତେନ୍‌ଇଡ଼ିଂ ଅଁ ଦୁତ୍ ଫେଁନେ ନୁକିନ୍ନିଆ ଲେଠକ୍‌କେ ଜିନିସକେ ସ୍ତ୍ରି ଆଡ଼ାଡ଼ା କିଗ୍‌ବିକେ । ତେନ୍‌ସା ନ୍ନାଠସେଙ୍ଗ୍ ଜବର୍ ତିଂଚେ ରେମୁଆଁଇଂକେ ଆଠଗି ବିକେ । ୯ ଆକ୍‌ଅରିଆ ଫେଁଇଂ ରିସା ତିଂଚେ କସଟ୍ ଆଡ଼ାଡ଼ା ଅଦିକାର୍ ଲେଠକ୍‌କେ ଇସପର୍‌କେ ଅବିସାପ୍ ବିଠଆରକେ; ମାତର୍ ମନ୍ ଆଠବଲ୍‌ଚେ ଫେଁନେ ମଇମା ଅସ୍‌ମାର୍ ଆସାର୍ ଆରକେ ଶ୍ରି ।

୧୦ ତେନ୍‌ଇଡ଼ିଂ ମାଲ୍ ଦୁତ୍ ଫେଁନେ ନୁକିକେ ପସୁନେ ସିଂଆସନ ଆଡ଼ାଡ଼ା କିଗ୍ ବିକେ । ପସୁନେ ରାଜ୍ୟ ଆଡ଼ାଡ଼ା ତାଂକିଗ୍ ତିଂଝେକେ ବାରି ରେମୁଆଁଇଂ କସ୍‌ରେ ଫେଁଇଂନେ କ୍ଲିଆ ଆଠ ଆରକେ । ୧୧ ଫେଁଇଂନେ ଗାଗ୍‌ଡେନେ ଚିନାବାନାଇଂ ନସା ଆରି ଦୁକ୍ କସ୍ ନସା କିତଂଇନି ଲେଠକ୍‌କେ ଇସପର୍‌କେ ଅବିସାପ୍ ବିଠଆରକେ । ମାତର୍ ନିଜର୍ ଦଦ୍ୟା ଗାଲିବାନ୍ ଆଣ୍ଡେ ଆପାଙ୍‌ଆରକେ ଶ୍ରି ।

୧୨ ତେନ୍‌ଇଡ଼ିଂ ତୁର୍ ଦୁତ୍ ମ୍ନା ମୁଠ୍‌ଫ୍ରେଟିସ୍ ଆଡ଼ାଡ଼ା ଫେଁନେ ନୁକିନେ କ୍ଲିଗ୍‌ଡା କିଗ୍‌ବିକେ । ସାଙ୍ଗେ ସାଙ୍ଗେ ଲଣ୍ଡିଆଠ ନସୁଆର୍ ଝେକେ ଆରି ତାର୍‌ସ୍ତ୍ରି ଗାଲିବାନ୍ ସତ୍ତୁ ଇଠସାଙ୍‌କ୍‌ନେ ପାଙ୍‌ନେ ନସା ଗାଲି ରଠଝେଗେ । ୧୩ ତେନ୍‌ଇଡ଼ିଂ ନିଂ ଗିଡ଼ିଠ ରକମନେ ଞ୍ଜିକ୍ଲିଗ୍ ପ୍ରେତଆମ୍ କେକେ । ଆତେନ୍‌ଇଂ ସିସେନେ ବୁବଠ ପସୁ ଆରି ବଣ୍ଡ ବାବବାଦିଇଂନେ ତୁମ୍‌ଆବାନ୍ ତାର୍ ତିଂଆରଗେ । ୧୪ ଆତେନ୍‌ ପାପ୍ ଆମ୍‌ଇଂ ଇରିଆଡୁଗ୍‌ନେ କାମ୍ ପୁରନ୍ ତିଂ ଯାଆର୍ୟ । ଫେଁଇଂ ସାପାଟୁ

ବପୁନେ ମାପରୁ ଇସ୍‌ପରନେ ବେଲା ଜୁଜ୍ ତିନେ ନସା ଦରତନିନେ ଇଃସାଙ୍ଗିଙ୍ଗକେ ମୁଇଂକ୍ରୁ ଆତିନେସା ତାର୍ ଝେଆରକେ ।

୧୫ ☆“ଅଁପା ! ନିଂ ତଙ୍ଗାରେ ରକମ୍ ମାଂଏ । ମୁଡ଼ି ରେମୁଆଁ ଉର୍ ଲେଃଟେ ତଙ୍ଗାରେବାନ୍ ନିଜର୍ ପାଟାଲପୁଟାଲ ବୁଃଡ଼ି ବଏ ଆତେନ୍ ରେମୁଆଁ ନିମାଣ୍ଡା । ନାଂଲା ତିଂଟେ ଅଲେଙ୍ଗିତାଲିଆନେ ନସା ଆମେକେ ଗିଆସଃ ବାନେସା ଆପଡ଼େ ଶ୍ରୁ”

୧୬ ଅପବିତ୍ର ଆମ୍ବାଇଂ ଆତେନ୍ ବେଲା ଦରତନିନେ ଇଃସାଙ୍ଗିଙ୍ଗକେ ମୁଡ଼ି ଜୁଜ୍ ଟାନ୍‌ନିଆ ମୁଇଂକ୍ରୁ ଆତିବଗେ ଏବ୍ରୀ ସାମୁଆଁରେ ମେଁନେ ମ୍ନି ହମ୍ ଗିଙ୍ଗୋନ୍ ।

୧୭ ତେନ୍‌ଇତିଂ ଗୁ ଦୁଡ଼ ମେଁନେ ନୁକିନେ ଜିନିସକେ ଝେଡ଼ିଆଃନିଆ କିଗ୍ ବିକେ । ତେନ୍‌ସା ମନ୍ଦିରନ୍ନିଆ ଲେଃକ୍ଲେ ସିଂଆଁସନବାନ୍ ଜବର୍ ଝାସାରଟେ ମୁଇଂ ସାମୁଆଁ ନ୍ନାକେ, “କାମ୍ ତା ଲେଃକେ ।”

୧୮ ☆ମାରିଆଃତୁଗ୍ ବିଜଲି ବଗକେ ଗଡ଼ଗଡ଼ି ଆରି ମୁଇଂ ମ୍ନାବୁମିକମ୍ ତିଂକେ । ଦରତନିନ୍ନିଆ ରେମୁଆଁ ତିଆର୍ ତିଂକ୍ଲେ ଆରାମବାନ୍ ତେକ୍‌ରକମ୍ ବୁମିକମ୍ ଅଃନା ତିଂ ଆଲେଃଟେ; ଆକେନ୍ ଲେଃଟେ ସାପାଟୁ ବଏଙ୍ଗାର ବୁମିକମ୍ । ୧୯ ମ୍ନାଇନି ଝି ବାଗରେ ବାଗ୍ ତିଂକେ ଦରତନିନେ ସରତେ ଇନି ଦଂସ ତିଂଝେଟେ । ଇସ୍‌ପର୍ ମ୍ନାଇନି ବାବିଲୋନ୍‌କେ ଆବଃ ଆଲେଃଟେ । ମେଁ ମେଁନେ ଉଗ୍‌ନେ ମୁତାବାନ୍ ମେଁନେ ଜବର୍ ରିସା ରକମ୍ ସୁରା ଆମେକେ ଆଃଉଗ୍ ଆରକେ । ୨୦ ☆କେଣ୍ଡିଆଃ ବିତ୍ରେନେ ଇନି ସାପା ବୁଃଡ଼ି ଝେଆରଗେ କଣ୍ଡାଇଂ ସାପା ବୁଃଡ଼ି ଝେଆରଗେ । ୨୧ ☆ଃଂ କିଜି ଅଜନ୍‌ନେ ମ୍ନାଃ ଆରେଣ୍ଡିଆଇଂ କିତଂବାନ୍ ରେମୁଆଁଇଂନେ ଆଡ଼ାତ୍ରା ଲଃକେ ରେମୁଆଁଇଂ ଆକେନ୍ ଜବର୍ କସ୍ ନସା ଇସ୍‌ପରକେ ଅବିସାପ୍ ବିଃଆରକେ ।

୧୭

ଉଡ଼ାତିଂକ୍ଲେ ବେସ୍ୟା

☆ ୧୭:୧୫ ୧୭:୧୫ ମାତିଉ ୨୪:୪୩,୪୪; ଲୁକ୍ ୧୨:୩୯,୪୦; ପ୍ରକାସିତ୍ ୩:୩। ☆ ୧୭:୧୮ ୧୭:୧୮ ପ୍ରକାସିତ୍ ୮:୫; ୧୧:୧୩,୧୯। ☆ ୧୭:୨୦ ୧୭:୨୦ ପ୍ରକାସିତ୍ ୬:୧୪। ☆ ୧୭:୨୧ ୧୭:୨୧ ପ୍ରକାସିତ୍ ୧୧:୧୯।

୧ ତେନ୍‌ଇଡ଼ିଂ ଗୁଲ୍ଲିଗ୍ ଜୁଇ ସାଃକ୍ଲେ ଗୁଲ୍ଲିଗ୍ ଦୁଡ଼ ବିଡ୍ରେବାନ୍ ମୁଇଂଡା ନିଂ ଡାଗ୍ରା ପାଙ୍ଗ୍‌ତେ ବାସଙ୍ଗ୍‌କେ, “ପାଙ୍ଗ୍‌ଲା ! ମୁଇଂଟୁ ମାଲେ ଲଣ୍ଡିଆଃ ଡାଗ୍ରା ଆଃରେକ୍ଲେ ବେସ୍ୟା ରକମ୍‌ନେ ଆଡେନ୍ ମ୍ଲାଇନି ଡିରକମ୍ ସାସ୍‌ତି ବାଏ ଆଡେନ୍ ଶ୍ରୀଃସୁଏଃଏ । ୨ ଦରଡନିନେ ଇଃସାଙ୍ଗ୍‌ଇଂ ଆଡେନ୍ ବେସ୍ୟା ଏଡେ ଦଦ୍ୟା କାମ୍ ଡିଂବକେ ବାରି ଦରଡନିନେ ରେମୁଆଁଇଂ ମେଁନେ ଦଦ୍ୟା କାମ୍ ରକମ୍ ସୁରା ଉଗ୍‌ତେ ବୁସାଃ ଲେଃଆରକେ ।”

୩ ✨ଅଃଡେନ୍ ବେଲା ପବିତ୍ର ଆମ୍ବା ନିଂଅରିଆ ଗାକେ ଆରି ଆଡେନ୍ ଦୁଡ଼ ଆନିଂ ମୁଇଂ କଣ୍ଡାପାକା ୱା ଡୁଂଝେକେ । ଆଡ଼ଅରିଆ ନିଂ କ୍ଲେକେ ମୁଇଂ ସେଲାମ୍‌ସୁ ରେମୁଆଁ ମୁଇଂ ଚିକ୍ଲେ ବାନାନେ ପସୁ ଆଡ଼ାଡ୍ରା କଲେଃକେ । ପସୁନେ ସର୍ତେ ଗାଗ୍‌ଡେନ୍ନିଆ ଇସପର୍ ନିନ୍ଦା ରକମ୍‌ନେ ମ୍ଲିଇଂ ଗ୍ଲୁଆର୍ ଲେଃକେ ଆରି ମେଁନେ ଗୁଲ୍ଲିଗ୍ ବାଆଃ ଆରି ଗୁଆକ୍ଲିଗ୍ ଡିରଂ ଲେଃକେ । ୪ ସେଲାମ୍‌ସୁଃ ରେମୁଆଁ କଃଡେଆଁବାନା ଆରି ଚିକ୍ଲେ ବାନାନେ ସକା ସଃଲେଃକେ ଆରି ସୁନା ରୁପା ମାଲେ ଡାବୁନେ ମଣିମାଣିକ୍ୟ ଆରି ମୁକ୍ତାନ୍ନିଆ ନ୍ ଲେଃକେ । ମେଁନେ ଦଦ୍ୟା କାମ୍‌ନେ ରୁରୁ ସୁଗୁଆ ଦଦ୍ୟା ଆରି ଅପବିତ୍ର ବିସଏ ନ୍‌କ୍ଲେ ମୁଇଂ ସୁନା ଜୁଇ ମେଁ ସାଲେଃକେ । ୫ ମେଁନେ କାପାଲେ ମୁଇଂ ଇରିଆଡୁଗ୍ ରକମ୍‌ନେ ମ୍ଲି ଗୁଆର୍ ଲେଃକେ: “ମ୍ଲ ବାବିଲୋନ୍ ଦରଡନିନେ ସର୍ତେ ବେସ୍ୟା ଆରି ଦଦ୍ୟା କାମ୍ ଡିଂନେ ରେମୁଆଁଇଂନେ ଇନ୍ଦାଂ ।” ୬ ନିଂ ଆରି କ୍ଲେକେ ଆଡେନ୍ ସେଲାମ୍‌ସୁ ରେମୁଆଁ ସାଦୁଇଂନେ ଆରି ଜିସୁନେ ଡାଗ୍ରା ବିସବାସ୍ ଲେଃକେ ଗୁଏଃ ଲେଃକ୍ଲେ ରେମୁଆଁଇଂନେ ମ୍‌ମ୍‌ମ୍‌ ଉଗ୍‌ତେ ବୁସାଃ ଲେଃକେ । ଆମେକେ କେତେ ନିଂ ଇରିଆଡୁଗ୍‌ତେ କାନାବାନା ଡିଂଢ଼ଝେକେ । ୭ ଦୁଡ଼ ବାସଙ୍ଗ୍‌କେ, “ମେଃନସା ଇରିଆଡୁଗ୍ ନାଡିଂକେ ?” ଆଡେନ୍ ସେଲାମ୍‌ସୁଃ ରେମୁଆଁ ବାରି ଗୁଲ୍ଲିଗ୍ ବାଆଃ ଆରି ଗୁଆ ଡିରଂ ଲେଃକ୍ଲେ ଆମେକେ ଡୁଙ୍ଗ୍‌ନେ ପସୁନେ ବୁଡିକ୍ଲେ ସାମୁଆଁ ନିଂ ଆନାକେ ବାସଙ୍ଗ୍‌ଣ୍ଡିଂକେ, ଅଁ ! ୮ ✨ପସୁ ମେଃସୁଆ ମ୍ଲ_ଲେଃକେ; ଏକେ ଆରି ମ୍ଲ_ ଆଲେଃକେ ମାଡର୍ ଗିଆଃ ପାଡାଲ୍‌ପୁରବାନ୍ ଡଃଡିଆ ପାଙ୍ଗ୍‌ଏ

☆ ୧୭:୩ ୧୭:୩ ପ୍ରକାଶିତ୍ ୧୩:୧. ☆ ୧୭:୮ ୧୭:୮ ପ୍ରକାଶିତ୍ ୧୧:୭.

ବାରି ଆର୍ମୁଇଁତର ବିନସ୍ତୁ ତିଏ । ଦର୍ତ୍ତନି ଆଃରେନେ ସିସେବାନ୍ ଜାଣ୍ଡେଇଁନେ ମ୍ନି ଜିବନ୍ ଉଲିଆନ୍ନିଆ ଗୁଆର୍ ଆଲେଃକେ ଦର୍ତ୍ତନିନ୍ନିଆ ବାସାନେ ରେମୁଆଁ ସାପାରେ ପସୁକେ କେଚେ ଇରିଆତୁର୍ ଆର୍ଏ । ମେଁ ମେଃସୁଆ ମ୍ନି ଲେଃଗେ ଏକେ ଆରି ଶ୍ଟୁ ମ୍ନାତର ବାରି ମୁଇଁତର ମେଁ ନ୍ନାଏ ।

^୯ “ଆକେନ୍ ସାପା ବିସଏ ବୁଜେ ନ୍ସା ଗିଆନ୍ ଦରକାର । ପସୁନେ ଗୁଲ୍ଲିର୍ ବାଆଃ ସତ୍ତ୍ଵେ ଗୁଲ୍ଲିର୍ କଣ୍ଡା ଜାନେ ଆଡ଼ାତ୍ରା ସେଲାମ୍ବୁ ରେମୁଆଁ କଲେଃକେ । ଆତେନ୍ ଡ଼େ ତିର୍ ଗୁଲ୍ଲିର୍ ଇଃସାଙ୍ଗ୍ ସୁଗୁଆ । ^{୧୦} ମେଁଇଁନେ ବିତ୍ତେବାନ୍ ମାଲ୍ ରୁଆ ଗୁଏଃ ଲେଃଆରକେ । ମୁଇଁତା ଏକେ ସାସନ୍ ତିଁତିଁକେ ବିନ୍‌ଶ୍ଟେ ଏକେ ଜାକ ଆପାଙ୍ଗ୍‌କେ ଶ୍ଟୁ । ମେଁ ପାଙ୍ଗ୍‌ଚେ ମୁଇଁ ଇତ୍ତୁଡ଼ା ବେଲା ଜାକ ସାସନ୍ ତିଏ ^{୧୧} ବାରି ମୁଡ଼ି ପସୁ ମେଃସୁଆ ମ୍ନି ଲେଃଗେ ମାତର ଏକେ ଆରି ଶ୍ଟୁ ମ୍ନେଁ ତିଁତିଁକେ ମ୍ନା ଇଃସାଙ୍ଗ୍; ଆତେନ୍ ଗୁ ଇଃସାଙ୍ଗ୍‌ନେ ବିତ୍ତେବାନ୍ ମୁଇଁତା ଆରି ମେଁ ଶ୍ଟିର୍ ଗିଆଃ ବିନାସ୍ ତିଏ ।”

^{୧୨} “ନାଁ କେନାଲେଃକେ ଗୁଆଲ୍ଲିର୍ ତିର୍ ଗୁଆଲ୍ଲିର୍ ଇଃସାଙ୍ଗ୍‌ନେ ରକମ୍ ମେଁଇଁ ଏଃ ଜାକ ସାସନ୍ ଆତିଆରକେ । ମାତର ପସୁ ଏତେ ସାସନ୍ ତିଁନେ ନ୍ସା ମୁଇଁ ଗଣ୍ଡା ନ୍ସା ଆମେଇଁକେ ଅଦିକାର ବିଏ । ^{୧୩} ଆକେନ୍ ଗୁଆ ଇଃସାଙ୍ଗ୍‌ନେ ଉଦେସ୍ ମୁଇଁ । ମେଁଇଁ ନିଜର୍ ସାପା ବପୁ ଆରି ଅଦିକାର ପସୁକେ ଅପେଃ ବିଆର୍ଏ । ^{୧୪} ମେଁଇଁ ଉମେଣ୍ଡାନେ ବିରଦ୍‌ରେ ଜୁଦ୍ ତିଆର୍ଏ; ମାତର ଉମେଣ୍ଡା ମେଁଇଁନେ ଖାକ୍ ସିକ୍‌କେ ଖେକ୍‌କେ ଆରି ବିସ୍‌ବାସ୍ ରେମୁଆଁଇଁନେ ସାଇଜ୍ୟରେ ଆମେଇଁକେ ବାଗୁଏଃଏ । ତାଗ୍‌ଲା ମେଁ ମାପୁଇଁନେ ମାପୁ ଆରି ଇଃସାଙ୍ଗ୍‌ନେ ଇଃସାଙ୍ଗ୍ ।”

^{୧୫} ଦୁଡ୍ ଆନିକେ ଆରି ବାସାକେ “ନାଁ ମୁଡ଼ି ଶ୍ଟିଆଃଇଁ ନାକେକେ ଜାନେ ଆଡ଼ାତ୍ରା ଆତେନ୍ ବେସା କଲେଃକେ ଆତେନ୍ ତିଁତିଁକେ; ବିନ୍‌ବିନ୍ ରାଜି, ଜାତି, ରେମୁଆଁ ଆରି ବ୍ଲାସାଣ୍ଡେଇଁ ମୁଇଁଅରିଆ ତିଆର୍ଏ । ^{୧୬} ନାଁ କେନାଲେଃକେ ଗୁଲ୍ଲିର୍ ତିର୍ ଆରି ଆତେନ୍ ପସୁ ବେସାକେ ଗୁରନା ତିଆର୍ଏ; ମେଁଇଁ ମେଁବାନ୍ ମେଁନେ ସାପା ରାଃ ତୁତ୍‌ଚେ ଆମେକେ ଆନାଲ୍‌ଚେ ଆନ୍ତାର ବିଆର୍ଏ । ମେଁଇଁ

ମୈନେ ଚିଲି ଚଂରେ ଆମେକେ ସୁଆନ୍ନିଆ ଛାଗ୍‌ରେ ବାଗୁଏ୪ ବି୪ଏ ।
 ୧୭ ଡାଗ୍‌ଲା ଇସ୍‌ପର୍ ନିଜର୍ ଇକ୍‌ତା ପୁରନ୍ ତିଂନେ ନ୍‌ସା ଆମେଇଂକେ
 ଆକେନ୍ ଆଦେସ୍ ବିବକେ । ମୈଇଂ ମୁଇଂମତ ତିଂରେ ସ୍ଲୋ ଆର୍ଏ
 ବାରି ଇସ୍‌ପର୍‌ନେ ସାମୁଆଁ ସତ୍ ମାମିସୁନେ ଜାକ ରାଜ୍ୟନେ ସାସନ୍
 ଲିଗିଙ୍ଗ୍ ଆଡେନ୍ ପସୁ ତ୍ରିନ୍ନିଆ ଆଡ୍‌ର ବିଆର୍ଏ ।”

୧୮ “ନାଁ ମୁଡ୍ଡି ସେଲାମ୍‌ସୁ ରେମୁଆଁକେ ନାକେକେ ମୈ ତିଂତିଂକେ
 ଦରତନିନେ ଇ୪ସାଙ୍ଗ୍‌ଇଂନେ ଆଡ୍‌ାତ୍ରା ସାସନ୍ ତିଂମ୍ୟାକ୍‌ନେ ଆଡେନ୍ ମ୍ଲା
 ଇନି ।”

୧୮

ବାବିଲନ୍‌ନେ ଦଂସ

୧ ତେନ୍‌ଇତିଂ ନିଂ ଆରି ମୁଇଂ ଦୁଡ୍‌କେ କିତଂବାନ୍ ଜାର୍‌ରେ
 ପାଙ୍ଗ୍‌ନେ କେକେ । ମୈନେ ଜବର୍ ଅଦିକାର୍ ଲେ୪ଗେ ଆରି ମୈନେ
 ମଇମାରେ କ୍ଲିଗ୍ ଦରତନିକେ ତାକ୍‌ର୍ ଆଡ୍‌ିଙ୍ଗ୍‌ତିଂଗେ । ୨ *ମୈ
 ଜବର୍ ୱାସାର୍‌ରେ ବାସଙ୍ଗ୍‌କେ, “ମୈନେ ବିନାସ୍ ତିଂଲେ୪କେ । ମ୍ଲା
 ବାବିଲୋନ୍ ଗୁଣ୍ଡୁଗୁଣ୍ଡା ତିଂଲେ୪କେ ! ଆଡେନ୍ ଏ୪କେ ରୁଡ୍ ଆରି
 ଅପବିତ୍ର ଆମ୍‌ାଈନେ ଲେ୪ନେ ଟାନ୍ ତିଂଲେ୪କେ । ସାପା ରକମ୍
 ଅପବିତ୍ର ଆରି ଗିନ୍ ପ୍ଲିଗ୍ ଆଡ୍‌ଅରିଆ ଉଂଚ୍ୟା ଗାଗ୍‌ରେ ଲେ୪ଆର୍‌କେ
 । ୩ ଡାଗ୍‌ଲା ମୈ କ୍ଲିଗ୍ ରେମୁଆଁ ଜାତିକେ ମୈନେ ଜବର୍ ଅଡ୍‌ାରେଗ୍
 ରକମ୍ ସୁରା ଆଉଗ୍‌ବକେ, ଦରତନିନେ ଇ୪ସାଙ୍ଗ୍‌ଇଂକେ ମୈ ଏଡେ
 ଅଡ୍‌ାରେଗ୍ ପାପ୍‌ନ୍ନିଆ ଆଲିଗ୍ ବକେ, ଦରତନିନେ ବେପାରିଇଂ
 ମୈନେ ସାର୍‌ଦା ନ୍‌ସା ସାଡକାର୍ ତିଂଲେ୪ଆର୍‌କେ ।”

୪ ଆକେନ୍ ଇତିଂ ନିଂ କିତଂବାନ୍ ବିନ୍ ମୁଇଂ ସାମୁଆଁ ଡକେ,
 “ନିଂନେ ରେମୁଆଁଇଂ ସାପାରେ ତାର୍‌ରେ ପାଙ୍ଗ୍‌ଲାପା ! ଆଡ୍
 ଡାଗ୍‌ାବାନ୍ ତାର୍‌ରେ ପାଙ୍ଗ୍‌ଲାପା !

ପେଇଂ ମୈନେ ପାପ୍‌ନ୍ନିଆ ଆରି ଲିଗ୍‌ରେ ଆଲେ୪ଗେପା; ମୈ
 ମୁଡ୍ଡି କସ୍‌ଟ ବାଏ

ଆଡ୍‌ଅରିଆନେ ମିସୁଣ୍ଡେ ଆଡ୍‌ିଙ୍ଗେପା !

* ମୈନେ ପାପ୍‌ଇଂ ରିସିଙ୍ଗ୍‌ରେ କିତଂପାକା ତେ୪ଲେ୪କେ ।

ମୈନେ ପାପ୍ କାମ୍‌ଇଂ ସାପା ଇସ୍‌ପର୍ ମନେ ବକେ ।

୬ ମୈ ତିରକମ୍ ପେନେ ଆଡ଼ାଡ଼ା ବେବଆର୍ ତିଂବକେ, ପେଇଂ ମୈନେ
ଆଡ଼ାଡ଼ା ଚିକ୍ ତେଡ଼ରକମ୍ ବେବଆର୍ ତିଂପା ।

ମୈ ମୋଝନେ ତିଂବକେ, ଆମେକେ ମୈନେ ଘାଋଗୁନ୍ କାମ୍
ବିଝପା ।

ଆପେକେ ଆଉଗ୍‌ନେ ନସା ମୈ ମୁଡ଼ି ଉଗ୍‌ନେ ଆଝରେ ବଗେ,
ମୈନେ ଘାଋଗୁନ୍ କରୁ ଶ୍ରିଆଝ ମୈନେ ଉଗ୍‌ନେ କୁଇନ୍ନିଆ
ଆଝନ୍‌ବିପା ।

୭ ମୈ ନିଜକେ ଉଡ଼ି ପ୍ରସଂସା ତିଞ୍ଡିଞ୍ଡେ ଆରି ସାରଦାନ୍ନିଆ ଲଗ୍
ଲେଝଗେ,

ଆତେନ୍ ଇସାବ୍‌ରେ ଆମେକେ ଦୁକ୍‌କସ୍‌ ବିଝପା ।

ଡାଗ୍‌ଲା ମୈ ନିଜରନେ ଆମ୍‌ଗେ ବାସଙ୍‌ଡିଂକେ,

‘ନିଂ ଆକ୍‌ଅରିଆ ରାନି ସୁଗୁଆ କଲ୍‌ଲେଝକେ !

ନିଂ ଗୁଏସାଂକୁଏ ଶ୍ରି

ନିଂନେ ଅଝନାଡ଼ିଗ୍ ଦୁକ୍‌ ଆଡ଼ିଂ ଶ୍ରି !’

୮ ମୈନେ ଆକେନ୍ ସାପା ପାପ୍ ନସା

ରଗ୍, ଅଝନେ, ମୁଡ଼ି ମୋଝସୁଆ ଆମେକେ ମୁଇଂ ତରକେ
ଆଡ଼ିନାଏ ।

ବାରି ମୈ ସୁଆନ୍ନିଆ କ୍ଲିଗ୍‌ଡା ଗିଝ ଝେଏ ।

ଡାଗ୍‌ଲା ମୈନେ ଜା ବିଚାର୍ ତିଞ୍ଡିଂକେ ଆତେନ୍ ମାପୁ
ଇସ୍‌ପର୍ ମ୍‌ଗା ବପୁଣ୍ଡେ ।”

୯ ଦରତନିନେ ମୁଡ଼ି ଇଝସାଙ୍ଗ୍ ମ୍‌ଗାଝସାଙ୍ଗ୍‌ଇଂ ମୈ ଏତେ
ଅଡ଼ାରେଗ୍ ଆରି ପାପ୍ କାମ୍‌ଇଂ ତିଂବଆର୍‌ଗେ ମୈଇଂ ମୈନେ ଗିଝ
ତିଂକ୍ଲେ ଗାଗ୍‌ଡେବାନ୍ ତଝଡ଼ିଆଡ଼ିଂକ୍ଲେ ମାଝସ କେଚେ ଅଝ ଆର୍‌ଏ ।

୧୦ ମୈନେ ଦୁକ୍‌କସ୍‌ନ୍ନିଆ ମିସୁ ନସା ବୁଟଚେ ମୈଇଂ ମୈବାନ୍ ଜାବର୍
ସ୍‌ମ୍‌ ତୁଆଁଚେ ଲେଝଆର୍‌ଏ ବାରି ଆୟ୍ ଆୟ୍ ତିଂଚେ ବାସଙ୍‌ଆର୍‌ଏ,
“କି ବୟ୍‌ଜାର୍ ! କି ବୟ୍‌ଜାର୍ ! ନାଁ ମୋଝନେ ଆତେନ୍ ସକ୍ରିସାଲି
ମ୍‌ଗାଝନି ବାବିଲୋନ୍ ! ମାତର୍ ମୁଇଂ ଗଣ୍ଟା ବିତ୍ରେ ତେକ୍‌ରକମ୍ ସାସ୍ତି
ବା ନାଝେଗେ !”

୧୧ ବାରି ଦରତନିନେ ବେପାରିଇଂ ମୈ ନସା ଅଝ ଆର୍‌ଏ ଡାଗ୍‌ଲା
ଆରି ଜାଣ୍ଡେ ମୈଇଂ ସ ତିଂଆର୍‌କ୍ଲେ ଜିନିସ୍ ଆବେହାର୍ ଶ୍ରି ।

୧୭ ମେଁଇଁନେ ସୁନା, ରୁପା, ମଣି, ମୁକ୍ତା ମେଁଇଁନେ ତୁଲୁଏ କାର୍ପାସ୍ ସକା, କାଲା, ଚିରାଃ ବାନା, ପଢ଼ସକା ଆରି ସିନ୍ଦୁର୍ ବାନା ସକା; ସାପା ରକମ୍ ଦଦ୍ୟା ସୁଆ; ଆଡି ବ୍ରି ଆରି ମୁଲ୍ୟବାନ୍ ସୁଆ ଏତେ ଆରେକ୍ତେ ଜିନିସ୍; ପିତଲ୍ ଲୁଆ ଆରି ମର୍ମର ବ୍ରି ଏତେ ଆରେକ୍ତେ ଜିନିସ୍ ୧୩ ଦାରୁଚିନି ଆରି ବିନ୍‌ବିନ୍ ମସଲା ଜିନିସ୍; ଦୁପ୍ ନିମାଣ୍ଡା ମଃକ୍ତେ ଲିଗ୍‌ନେ ଜିନିସ୍ କୁମ୍ବୁରୁ ସାଗ୍ରା ଝୁ ମଇଦା ଗହମ୍ ଅରେଃ ମେଣ୍ଡା ଗୋଡ଼ା ରଡ଼ ଡେକ୍‌ରକମ୍ କି ଗଡିରେ ଶୁଲ୍ଲା ଆମ୍ବାମିସୁକ୍ତେ ରେମୁଆଁଇଁକେ ଶ୍ରିଗ୍ ବେହାର୍ ନସା ଜାଣ୍ଡିଗ୍ ବେହାର୍‌ଶ୍ରେ ଆଡାର୍‌ଆର୍ ଶୁ ୧୪ ବେପାରିଇଁ ଆମେକେ ବାସଙ୍ଗ୍‌ଆର୍‌ଏ: “ନାଁନେ ଇକ୍‌ତା ସାପା ନିମାଣ୍ଡା ଜିନିସ୍ ବୁଝଡ଼ି ଝେଲେଃକେ ବାରି ନାଁନେ ଦନ୍ ସମ୍ପତିନେ ଜିଗ୍‌ଜାଗ୍ ଆରି ଶୁ ୧୫ ନାଁ ଆଡେନ୍‌ଇଁକେ ଆରି ଅଃନାଡିଗ୍ ଆଣ୍ଡେ ନାବା ଶୁ ୧୬ ମୁଡ଼ି ବେପାରିଇଁ ଆଡେନ୍ ଇନିନ୍‌ନିଆ ବେପାର୍ ଡିଂଚେ ସାଉକାର୍ ଡିଂଲେଃଆର୍‌ଗେ ମେଁଇଁ ମେଁନେ ଦୁକ୍‌ବାନ୍ନିଆ ମିସୁନେ ବୁଟଚେ ଜାବର୍ ସ୍ଲୁ ତୁଆଁଚେ ଲେଃଆର୍‌ଏ । ମେଁଇଁ ଅଃଚେ ୧୭ ବାସଙ୍ଗ୍‌ଆର୍‌ଏ, “ହାଏ ! ମ୍ବାଇନିନେ ଅବସ୍ତା ଏକେ ଉଡ଼ି ବୟ୍‌ଜାର୍ ଉଡ଼ି କସ୍ ! ମେଁ ତୁଲୁଏ ସକା, କାଲା, ଚିରାଃ ଆରି ସିନ୍ଦୁର୍ ବାନା ସକା ସଲେଃଗେଣ୍ଡେ ସୁଗୁଆ ଲେଃଗେ ବାରି ସୁନା ମଣି ଆରି ମୁକ୍ତାନ୍ନିଆ ତଗଃ ଲେଃଗେ । ୧୮ ମାତର୍ ମୁଇଁ ଗଣ୍ଡା ବିଡ୍ରେ ମେଁ ଆକେନ୍ ସାପା ସମ୍ପତି ଆନ୍ତାର୍‌କେ !” ଜାଆଜ୍‌ଇଁନେ ସାଉକାର୍ ଝେଣ୍ଡେ ଆଚାଲେଣ୍ଡେ ଆରି କେଣ୍ଡିଆନ୍ନିଆନେ ବେପାରିଇଁ ଜାବର୍ ସ୍ଲୁ ତୁଆଁଆର୍‌କେ ୧୯ ଆରି ଗଃ ଡିଂକ୍ତେ କେଚେ ଜବର୍ ଝାସାର୍‌ଚେ ବାସଙ୍ଗ୍‌କେ “ଆକେନ୍ ମ୍ବାଇନି ସୁଗୁଆ ଆରି ମୁଡ଼ିଡିଗ୍ ଇନି ଆଲେଃଗେ ।” ୨୦ ମେଁଇଁ ବାଆଃ ଆଡାଡା ବାଲି ଜ୍ଲାଗ୍‌ଚେ ଅଃଚେ ବାସଙ୍ଗ୍‌ଆର୍‌କେ “ଉଡ଼ି ବୟ୍‌ଜାର୍ ! ଇନିନେ ଆକେନ୍ ଉଡ଼ି ବୟ୍‌ଜାର୍ କସ୍ ! କେଣ୍ଡିଆନ୍ନିଆ ଝେଆର୍‌ଡିଂକ୍ତେ ଜାଆଜ୍‌ଇଁ ମେଁନେ ଦନ୍‌ନିଆ ମ୍ବା ଲେଃଆର୍‌ଗେ ! ମାତର୍ ମୁଇଁଗଣ୍ଡା ବିଡ୍ରେ ମେଁ ଦଂସ ଡିଂଲେଃକେ !”

୨୦ ଏ କିତଂ ରେମୁଆଁ ! ମେଁ ଦଂସ ବା ଲେଃକେସା ମ୍ବେଡ଼୍ୟାପା । ଏ ସାଦୁରେଇଁ; ବେକ୍ତେ ସିସ୍ ଆରି ବାବବାଦିଇଁ ! ସାର୍ଦା ଡିଂପା ଡାଗ୍‌ଲା ପେନେ ଆଡାଡା ମେଁ ମେଃନେ ଡିଂବଗେ ଆଡେନ୍‌ସା ଇସ୍‌ପର୍

ଆମେକେ ସାସ୍ତି ବିବକେ ।

୨୧ ତେନ୍‌ଇଡ଼ିଂ ମୁଇଂ ଜବର୍ ବପୁକ୍ତେ ଦୁଡ଼ ପ୍ରେଡ଼ିର୍ ରକମ୍‌ନେ ମୁଇଂ ମ୍ବା ବ୍ରି ତୁଂଝେଚେ କେଣ୍ଡିଆନ୍ନିଆ ଜଗ୍‌କ୍ଲାଗ୍‌କେ ଆରି ବାସଙ୍ଗକେ “ମ୍ବାଇନି ବାବିଲୋନ୍ ତେକ୍‌ରକମ୍ ବାବ୍‌ରେ ଜଗ୍‌କ୍ଲାଗ୍‌ଏ ବାରି ଆମେକେ ଆରି ଜାଣ୍ଡେ ଅଃନାଡ଼ିଗ୍ କିକେ ଆୟାଆର୍ ଶୁ । ୨୨ ମେଃ ବିନା ମେଃ ଅସ୍‌ମାର୍ ବାଉଁସି ଶୁଲ୍ଲା ଦ୍ଵି ସବ୍‌ଦ ଅଃନାଡ଼ିଗ୍ ଆରି ନାଁନେ ବିତ୍ରେ ଆନ୍ନାଂ ଶୁ । ମୁଃଡ଼ି ସ୍ଵେରେ ଶୁଲ୍ଲା ଆଃରେଣ୍ଡେ ନାଁନେ ବିତ୍ରେ ଆରି ଆନ୍ନାଆର୍ ଶୁ; କି ପ୍ରେଡ଼ିର୍ ଉଃନେ ସବ୍‌ଦ ଆନ୍ନାଂ ଶୁ । ୨୩ ନାଁ ବିତ୍ରେ ଆରି ଅଃନାଡ଼ିଗ୍ କୁପିସ ଆତାକ୍‌ଗ୍ ଶୁ; ଶୁଲ୍ଲା ଜିରେ ସେଲାଇଂନେ ବାଲିର୍‌ବାତା ଆନ୍ନାଂ ଶୁ । ତାଗ୍‌ଲା ନାଁନେ ବେପାରିଇଂ ଦର୍ତ୍ତନିନ୍ନିଆ ଜବର୍ ବପୁ ତିଂଚେ ଲେଃଆର୍‌ଗେ ନାଁନେ ଜାଦୁବିଦ୍ୟାବାନ୍ ନାଁ ଦର୍ତ୍ତନିନେ ସାପା ଜାତିକେ ନାଲେଚେ ନାବଗେ ।”

୨୪ ବାରି ଆକେନ୍ ଇନିନ୍ନିଆ ଦର୍ତ୍ତନିନେ ଗୁଲେରୁଆ ବାବବାଦି ଆରି ସାଦୁଇଂନେ ମରନ୍ ତିଂଲେଃଗେ । ଆକେନ୍ ସାପା ପାପ୍ ନସା ମେଁ ସମାନ୍ ତଣ୍ଡ ବାଲେଃକେ ।

୧୯

କିତଂନ୍ନିଆ ସାର୍‌ଦା

୧ ଆକେନ୍ ଇଡ଼ିଂ ନିଂ ମେଃନେ ଡ଼କେ ଆତେନ୍ କିତଂନେ ମୁଇଂ ଜବର୍ ରେମୁଆଁଇଂନେ କିରମର ରକମ୍ ମନେ ତିଙ୍ଗ୍‌ଡ଼ିଂଗେ । ମେଁଇଂ ବାସଙ୍ଗତିଂଆର୍‌ଗେ “ଇସ୍‌ପର୍‌ନେ ଅସ୍‌ମାର୍ ସାର୍‌ପା । ନେଃନେ ଇସ୍‌ପର୍ ପରିଡ୍ରାନ୍, ଗୌରବ୍ ଆରି ବପୁନେ ଅଦିକାରି । ୨ ମେଁନେ ବିଚାର୍ ସଡ଼ ଆରି ନ୍ୟାୟ୍ । ଦଦ୍ୟା କାମ୍ ବାନ୍ ଦର୍ତ୍ତନିକେ ନସ୍ତୁ ତିଂମ୍ୟାକ୍ତେ ବେସ୍ୟା ଆଡ଼ାତ୍ରା ମେଁ ସମାନ୍ ତଣ୍ଡ ବିବକେ । ଇସ୍‌ପର୍‌ନେ ସେବକଇଂକେ ବାଗୁଏ ବକ୍ତେସା ଆମେକେ ମେଁ ସାସ୍ତି ବିବକେ ।” ୩ ନିଂ ଡ଼କେ ମେଁଇଂ ଆରି ଜବର୍ ଖାସାର୍‌ଚେ ବାସଙ୍ଗତିଂଆର୍‌କେ “ଇସ୍‌ପର୍‌ନେ ଅସ୍‌ମାର୍ ସାର୍‌ପା । ଆତେନ୍ ମ୍ବାଇନିକେ ଦଂସ ତିଂଚେ ବିଃମ୍ୟାକ୍ତେ ସୁଆନେ ମାଃସ କାଲାଆଃ ଆଡ଼ାତ୍ରା ତଃଡ଼ିଆଲେଃଏ ।” ୪ ସିଂଆଁସନିନ୍ନିଆ କକ୍ତେ ଇସ୍‌ପର୍‌ନେ ତାଗ୍‌ଲା ୨୪ ରୁଆ ବୟସ୍ ନେତା ଆରି ଆତେନ୍ ଅରୁଆ ଜିବ୍ ମୁକ୍‌ଚିଚେ ଇସ୍‌ପର୍‌କେ ପୁଜା ତିଂଆର୍‌କେ

। ମୋଁଇଁ ବାସଙ୍ଗଆରକେ “ଆମେନ୍ ! ଇସ୍ପରନେ ଅସ୍ମାର୍ ସାର୍ପା
।”

ତୁର୍ତ୍ତ୍ୟାମିଃରେଇଁନେ ବିହେ ବଜି

* ତେନ୍ଇଡ଼ିଁ ସିଂଆସନବାନ୍ ମୁଇଁ ସାମୁଆଁ ନ୍ନାଂକେ । “ଇସ୍ପରନେ ଅସ୍ମାର୍ ସାର୍ପା । କି ମ୍ନା କି ତାଆଁ ଇସ୍ପରନେ ସେବାଣ୍ଡେ ଆରି ପାରତନା ତିଂଣ୍ଡେ ସାପାରେ ମୋଁନେ ଅସ୍ମାର୍ ସାର୍ପା ।”
୨ ଆତେନ୍ ବେଲା ନିଂ ଡକେ କେଣ୍ଡିଆଃ ସବ୍ଦ ଆରି ଗଡ଼ଗଡ଼ି ଏତେ ରେମୁଆଁଇଁନେ କିରମର ସବ୍ଦ ତୁଙ୍ଗତ୍ୟା ପାଙ୍ଗତିଂକେ । ରେମୁଆଁଇଁ ଆରି ଅସ୍ମାର୍ ସାର୍ପା ବାସଙ୍ଗତିଂଆରକେ, “ଇସ୍ପରନେ ଅସ୍ମାର୍ ସାର୍ପା ତାଗ୍ଲା ନେନେ ସାପାଟୁ ବପୁନେ ମାପୁରୁ ଇସ୍ପର ମୋଁ ଆଃ ମୁଇଁ ନେଃନେ ଇଃସାଙ୍ଗ । ୩ ଏଲାପା ସାର୍ଦା ଆରି ମ୍ନେଡ଼ିଆ ନେତିଂପା, ମୋଁନେ ଗୋଁରବ୍ନେ ଅସ୍ମାର୍ ନେଃସାର୍ପା । ଉଂମେଣ୍ଡା ନେ ବିହେ ବେଲା ପେଂଚା ଲେଃକେ ମୋଁଇଁନେ ସେଲା ଆତେନ୍ସା ନିଜ୍ଜକେ ଆଃମୋଁ ବକେ । ୮ ମୋଁ ବିଃକ୍ଲେ ନ୍ସା ମୋଁ ତୁଲୁଏ ଆରି ତାଣ୍ଡିଆଃକ୍ଲେ ତୁଲୁଏ ସକା ବାଲେଃଆରକେ ।” ସାଦୁଇଁନେ ନିମାଣ୍ଡା କାମ୍ ତିଂତିଂକେ ଆତେନ୍ ତୁଲୁଏ ସକା ।

୯ *ତେନ୍ଇଡ଼ିଁ କିତଂଦୁଡ଼ ଆନିଂକେ ବାସଂକେ “ଗୁଆର୍ ବ ଜାଣ୍ଡେଇଁ ଉଂମେଣ୍ଡା ନେ ବିହେ ବଜିତ୍ତୁ ଡ଼଼ାନ୍ ମୋଁଇଁ ନିମାଣ୍ଡା ରେମୁଆଁ ।” ମୋଁ ଆରି ଶ୍ରିଗ୍ ବାସଂକେ “ଆକେନ୍ ଇସ୍ପରନେ ସାମୁଆଁ - ତିଲାତିଗ୍ ସଡ଼ ।”

୧୦ ଆତେନ୍ ଦୁଡ଼କେ ପୁଜା ତିଂନେ ନ୍ସା ନିଂ ମୋଁନେ ୟ ଆଲ ଲଃଉଁଝେକେ । ମାତର ମୋଁ ଆନିଂକେ ବାସଙ୍ଗକେ “ତେଡ଼ରକମ୍ ଆଡ଼ିଙ୍ଗେ । ନାଁନେ ସୁଗୁଆ ଆରି ନାଁନେ ବୟାଁଇଁ ସୁଗୁଆ ନିଂ ଜିସୁନେ ମୁଇଁ ଦାସ ମାତର । ପେଇଁନେ ସୁଗୁଆ ନିଂ ଶ୍ରିଗ୍ ଜିସୁ ଆଃସୁଏ ବକ୍ଲେ ସଡ଼କେ ଗ୍ରାଅନ୍ ତିଂମ୍ବକେ । ମୁଇଁ ଇସ୍ପରନେ ପୁଜା ତିଂ । ମୁଇଁ ଜିସୁ ଆଃସୁଏ ବକ୍ଲେ ସଡ଼ ବାବଦିଂକେ ଆଦେସ୍ ବିଏ ।”

ତୁଲୁଏ ଗୋଡ଼ା ଆଡ଼ାତ୍ରା ତେଃକ୍ଲେ ରେମୁଆଁ

୧୧ ତେନ୍‌ଇଡ଼ି ନିଂ ଝେକେ, କିତଂ ଗାଲି ରଃଡ଼ା ଆରି ଆଡ଼ଅରିଆ ମୁଇଙ୍ଗ୍ ତୁଲୁଏ ବାନା ଗୋଡ଼ା । ଆଡ଼ତେ କକେଣ୍ଡେ ବିସବାସ୍ ଆରି ସଡ଼ ମ୍ପିରେ ସ୍ମାମୁଆଁ । ମେଁନେ ବିଚାର୍ ନ୍ୟାୟ୍ ଆରି ମେଁ ଦରମ୍ ଜୁଦନ୍ନିଆ ଝେଲେଃକେ । ୧୨ ମେଁନେ ମୁଆଃ ସୁଆ କଣ୍ଡୁସୁଗୁଆ ଆରି ମେଁନେ ବାଆଃନ୍ନିଆ ଗୁଲୁଏ ମୁକୁଟ୍ ଲେଃଗେ । ମେଁନେ ଆଡ଼ାଡ଼ା ମୁଇଙ୍ଗ୍ ମ୍ପି ଗ୍ଲୁଆର୍ ଝେଲେଃଗେ ମାତର୍ ଆତେନ୍ ମେଃନେ ଆମେ ଆଡ଼ାଚ୍ଚେ ଆରି ଜାତିଗ୍ ଆମ୍ୟାଆର୍ ଶୁ । ୧୩ ମେଁ ସଃଲେଃକେ ସ୍ମପୁଆଃ ମିଆଁ ଲୁବଂ ଲେଃଗେ । ମେଁନେ ମ୍ପି “ଇସପର୍‌ନେ ସାମୁଆଁ” ଡାଗ୍‌ଚେ ସ୍ମାମୁଆଃ । ୧୪ କିତଂନେ ସନ୍‌ୟଇଂ ନିମାଣ୍ଡାନ୍ ତୁଲୁଏ ସ୍ମପୁଆଃ ସଃଚେ ତୁଲୁଏ ଗଡ଼ାଇଂ ଆଡ଼ାଡ଼ା ଡେଃଚେ ଆମେକେ କକେଆର୍ ତିଙ୍ଗେ । ୧୫ ☆ମେଁନେ ତୁମୁଆବାନ୍ ମୁଇଙ୍ଗ୍ ତିଗ୍‌କେ କାଣ୍ଡା ତାର୍ ଲେଃଗେ । ଆତେନ୍ ଏତେ ମେଁ ଦରତନିନେ ସର୍ତ୍ତେ ଜାତିକେ ଆଃଆରେଏ । ବାରି ଆମେଇଂକେ ଲୁଆ ତୁଡୁନ୍ନିଆ ସାସନ୍ ତିଂଆରଏ ବାରି ସାପାଟୁ ବପୁନେ ମାପୁର ଇସପର୍‌ନେ ମାଲେ ରିସାକ୍‌ନେ ସୁଗୁଆ ଅଙ୍ଗୁରକେ ମେଁ ଡଃନେ କୁଣ୍ଡୁନ୍ନିଆ ନିଜେ ଡଃଚେ ଅଙ୍ଗୁର ରସ୍ ଆଡ଼ାଚ୍‌ଏ । ୧୬ ମେଁନେ ମ୍ପି ସକା ଆଡ଼ାଡ଼ା ଆରି ବୁଲୁନ୍ନିଆ ଗ୍ଲୁଆର୍ ତିଂଲେଃଗେ “ଇଃସାଙ୍ଗ୍‌ନେ ଇଃସାଙ୍ଗ୍ ଆରି ମାପୁଇଂନେ ମାପୁ ।”

୧୨ ତେନ୍‌ଇଡ଼ି ନିଂ ଝେକେ ଆରି ମୁଇଙ୍ଗ୍ କିତଂଦୁଡ଼ ସ୍ମି ଆଡ଼ାଡ଼ା ତୁଆଁ ଲେଃକେ । କିତଂନ୍ନିଆ ଝାଲେଡ଼ିଂକେ ସର୍ତ୍ତେ ପ୍ଲିଗଇଂକେ ମେଁ ଝାସାର୍‌ଚେ ବାସଂକେ “ଏଃଲାପା ଇସପର୍‌ନେ ମ୍ପା ବଜିନ୍ନିଆ କୁଡେଃ ନସା ରିସିଂପା । ୧୮ ଇଃସାଙ୍ଗ୍, ପ୍ରଜା, ସନ୍‌ୟ, ସେନାପତି, ଗୋଡ଼ା, ଗୋଡ଼ା ଡେଃଣ୍ଡେ, ଗତିରେ, ନିଜର୍ ବିଡ଼ରେ ଲେଃକେ ରେମୁଆଁଇଂ, ମ୍ପା ଶୁଲୁା ଡାଆଁ ସାପାରେନେ ଚିଲି ପାଙ୍ଗ୍‌ଚେ ଚଂପା ।”

୧୯ ତେନ୍‌ଇଡ଼ି ନିଂ ଝେକେ ଆତେନ୍ ଗୋଡ଼ା ଡେଃଣ୍ଡେ ଆରି ମେଁନେ ସନ୍‌ୟଇଂ ବିରଦ୍‌ରେ ଜୁଜ୍ ତିଂନେ ନସା ଆତେନ୍ ପସୁ ଆରି ଦରତନିନେ ସର୍ତ୍ତେ ଇଃସାଙ୍ଗ୍ ଆରି ମେଁଇଂନେ ସନ୍‌ୟଇଂ ମୁଇଂ ଡାଗ୍‌ରା ରିସିଂ ଆରକେ । ୨୦ ☆ଆତେନ୍ ଜୁଦନ୍ନିଆ ପସୁ ଆରି ମେଁ ଡାଗ୍‌ରା ଇରିଆଡୁଗ୍‌ନେ କାମ୍ ତିଂମ୍ୟାକେ ଆତେନ୍ ତିସାରି ଦାରା ପଡ଼େଚେ

ବନ୍ଧି ତିଂକେ । ଜାଣେନେ ଅରିଆ ପସୁ ଚିନା ଲେଖଗେ ଆରି ଜାଣେଇଂ
 ମେଁନେ ମୁଞ୍ଚି କେ ପୁଜା ତିଂଆରୁଡିଙ୍ଗେ ପସୁ ମେଁନେ ଇରିଆତୁଗ
 କାମ୍ ବାନ୍ ଆମେଇଂକେ ବାଃଟ ତିଂଗେ । ପସୁ ଆରି ଆତେନ୍
 ବଣ୍ଡ ବାବବାଦି ଗନ୍ଧଗୁଲା ତୁଆଡିଂକ୍ଲେ ସୁଆ କୁଣ୍ଡୁନିଆ ଜିବନ୍‌ଜିବନ୍
 ଗାଞ୍ଜେକେ । ୨୧ ବାରି ମେଁଇଂନେ ସନ୍‌ୟଇଂ ଗୋଡ଼ା ତେଃଃଶ୍ଟେନେ
 ତୁମୁଆବାନ୍ ତାରକ୍ଲେ କାଣ୍ଡା ବାନ୍ ଗୁଏଆରକେ; କିତଂନେ ପ୍ଲିଗଂଇଂ
 ମନ୍‌ଇକ୍‌ଚା ମେଁଇଂନେ ଚିଲି ଚଂଞ୍ଜେଆରକେ ।

୨୦

୧୦୦୦ ମୁଆଁନେ ସାସନ୍

୧ ତେନ୍‌ଇଡିଂ ନିଂ ଆରି ମୁଇଙ୍ଗ୍ ଦୁଡ଼କେ କିତଂବାନ୍ ଜାରଚେ
 ପାଙ୍ଗ୍‌ତିଂକ୍ଲେ ଲେକେ । ମେଁନେ ତ୍ରିନିଆ ପାତାଲ୍‌ପୁରନେ କୁଚିକାଡି
 ଆରି ମୁଇଙ୍ଗ୍ ଅଜନ୍‌ନେ ସିକ୍‌ଲି ଲେଖଗେ । ୨ ମେଁ ଆତେନ୍
 ବାଞ୍ଜିର୍ ବୁବଃ ଆତେନ୍ ରାକ୍ୟାସ୍ ସଏତାନ୍‌କେ ସାଚେ ୧,୦୦୦ ମୁଆଁ
 ଜାକ ସିକ୍‌ଲିନିଆ ଗାଗ୍ ବିଃଆରକେ । ୩ ଆରି ପାତାଲ୍‌ପୁରନ୍‌ନିଆ
 ଜଗ୍‌ଲ୍‌ଗ୍‌ଚେ ମେଁନେ ଗାଲି ଆନ୍ତଃକେ ବାରି ଗାଲି ପାକା କୁଚି
 କ୍ଲାଗ୍‌କେ । ଅଜାର୍ ମୁଆଁ ମାବିତେନେ ଜାକ ମେଁ ଆରି ମୁଡି ଦେସ୍‌ନେ
 ରେମୁଆଁଇଂକେ ବାଃଟ ତିଂଆୟା ଶୁ । ଆତେନ୍ କାଲ୍ ତାଞ୍ଜେଲା
 ଆମେକେ ଉଡି ବେଲା ନ୍‌ସା ବାରି ମୁଇଂତର୍ ଆନ୍ତାର ବିଏ ।

୪ ତେନ୍‌ଇଡିଂ ନିଂ ଲେକେ ଉଡିକ୍ଲିଗ୍ ସିଂଆଁସନ୍ ଆରି ଆତେନ୍‌ତାନ୍
 କକ୍ଲେ ରେମୁଆଁଇଂକେ ବିଚାର୍ ତିଂନେ ଅଦିକାର୍ ବିଃବକେ । ଆରି
 ଶ୍ରିଗ୍ ନିଂ ଲେକେ ଉଡିକ୍ଲିଗ୍ ଗୁଏକ୍ଲେ ରେମୁଆଁନେ ଆମ୍ । ଜିସୁ ଆଃସୁଏ
 ବକ୍ଲେ ସଡ଼ ଆରି ଇସ୍‌ପରନେ ସାମୁଆଁ ବାସଙ୍ଗ୍ ବକ୍ଲେସା ଆତେନ୍
 ରେମୁଆଁଇଂ ଗୁଏଃନେ ତଣ୍ଡ ବାଲେଃଆରଗେ । ମେଁଇଂ ପସୁ ଶୁଲ୍ଲା
 ମେଁନେ ମୁଞ୍ଚି କେ ପୁଜା ତିଂ ଆବଆରଲା ଶୁଲ୍ଲା କାପାଲ୍ ଆରି ତ୍ରିନିଆ
 ପସୁନେ ଚିନା ଆଡିଂ ଆବ ଆରଗେ ଶୁ । କିସ୍‌ଗନେ ଏତେ ୧,୦୦୦
 ମୁଆଁ ସାସନ୍ ତିଂନେ ନ୍‌ସା ମେଁଇଂ ବାର୍‌ମୁଇଂତର୍ ମ୍, ଲେଃଆରଗେ
 । ୫ ଆତେନ୍ ୧,୦୦୦ ମୁଆଁ ମାତାନ୍‌ନେ ଜାକ ବିନ୍ ମୁଡି ଗୁଏକ୍ଲେ
 ରେମୁଆଁନେ ବାର୍‌ମୁଇଂତର୍ ତଃଡିଆ ଯା ଆଲେଆରଗେ । ଆକେନ୍

ପରତୁମ୍ ତଃଡ଼ିଆନେ ।^୬ ଗୁଏକ୍ଲେ ରେମୁଆଁଇଂନେ ଆକେନ୍ ପରତୁମ୍ ବାର୍ମୁଇଂତର୍ ତଃଡ଼ିଆନ୍ନିଆ ଜାଣ୍ଟେଇଂ ମିସୁଲେଃଆରକେ ମେଇଂ ଉଡ଼ି ନିମାଣ୍ଡା ରେମୁଆଁ । ମେଇଂ ଉଡ଼ି ସୁକ୍ ରେମୁଆଁ ! ଆମେଇଂକେ ଆରି ମାର୍ ତର୍ ଗୁଏଃନେ ଆଡ଼ିଂ ଶୁ । ମେଇଂ ଇସ୍ପରନେ ଆରି କିସ୍ଟନେ ପୁଜାରି ତିଂରେ କିସ୍ଟନେ ଏତେ ୧,୦୦୦ ମୁଆଁ ଜାକ ସାସନ୍ ତିଂଆରଏ ।

ସଏତାନନେ ସାରାସାରି ଆରାଜିତା

^୭ ୧,୦୦୦ ମୁଆଁ ନ୍ହକ୍ଲେ ଇଡ଼ିଙ୍ଗ୍ ସଏତାନକେ କଏଦ୍ ତୁଆବାନ୍ ଆନ୍ତାର ବିଏ ୮ ବାରି ଗୋଗ୍ ଆରି ମାଗୋଗ୍ ସୁଗୁଆ ଦରତନିନେ କ୍ଲିଗ୍ତା କେଣ୍ଡିଆନେ ବାଲିଇଂ ସୁଗୁଆ ବିଚେଚେ ଲେଃକ୍ଲେ ଜାତିଇଂନେ ଏଜା ମାୟାନେ ରେମୁଆଁକେ ସଏତାନ୍ ବାଃଟଚେ ଜୁଦ୍ ନସା ମୁଇଂନ୍ତୁ ଆଡ଼ିଂକେ ।^୯ ମେଇଂ ଦରତନିନେ ସରତେ ପାକା ଲିଗ୍ ତୁଂଝେଚେ ମାପୁରୁ ବକ୍ତ୍ ସାଦୁଇଂନେ ବାସା ଲେଃକ୍ଲେ ଜାଗା ସାପାକେ ଆରି ଇସ୍ପରନେ ନିଜର୍ ଇନିକେ ଗେରେ ବିଆରଏ । ମାତର୍ କିତ୍‌ବାନ୍ ସୁଆ ଲଃଟେ ଆମେଇଂକେ ଦଂସ ତିଂବିଏ^{୧୦} ବାରି ମୁଡ଼ି ଗନ୍ଦକନେ ସୁଆ ତୁଆଡ଼ିଂକ୍ଲେ କୁଣ୍ଡିଆ ପସୁ ଆରି ବଣ୍ଡ ବାବବାଦି ଗା ଲେଃଆରଗେ ଆବୁଟଣ୍ଡେ ସଏତାନକେ ଶ୍ରିଗ୍ ଆଡ଼ଅରିଆ ଜଗ୍‌କାଗ୍ । ଆଡ଼ଅରିଆ ମେଇଂ ସ୍ପିମିଡିଗ୍ ଜୁଗ୍ ଜୁଗ୍ ନସା କସ୍ ବାଆରଏ ।

ସାରାସାରି ବିଚାର୍

^{୧୧} ତେନ୍‌ଇଡ଼ିଂ ନିଂ କ୍ଲେକେ, ତୁଲୁଏ ବାନାନେ ମୁଇଂକ୍ ମ୍ଲା ସିଂଆସନ୍ ଆରି ଆଡ଼ ଆଡ଼ାଡ଼ା ମୁଇଂତା କଲେଃକେ । ମେଇଂ ତାଗ୍ରାବାନ୍ ଦରତନି ଆରି କିତ୍ ତ ଆରକେ ବାରି ମେଇଂ ଆରି ଆନୁଆରକେ ଶୁ ।^{୧୨} ତେନ୍‌ଇଡ଼ିଂ ନିଂ କ୍ଲେକେ କି ମ୍ଲା ତାଆଁ ଗୁଏକେଣ୍ଡେଇଂ ସାପାରେ ସିଂଆସନ୍ ତାଗ୍ରା ତୁଆଁ ଲେଃଆରଗେ । ଉଲିଆଇଂ ସାପା ତଃକେ; ଆତେନ୍‌ଇଂ ବିତ୍ରେ ଜିବନ୍ ଉଲିଆ ତେମ୍‌କ୍ଲେ ମୁଇଂକ୍ ଉଲିଆ ଲେଃଗେ । ଆତେନ୍ ଜିବନ୍ ଉଲିଆନ୍ନିଆ ରେମୁଆଁଇଂନେ ସ୍ଲେଗ୍ଗାର୍ ବିସଏରେ ମେଃନେ ସାପା ଗ୍ଲୁଆରଲେଃଗେ ଆତେନ୍ ଅନୁସାରେ ମେଇଂନେ ବିଚାର୍ ତିଂକେ ।^{୧୩} ଆତେନ୍ ବେଲା କେଣ୍ଡିଆଃ ବିଡ଼ରେ ଗୁଏଲେଃକ୍ଲେ ରେମୁଆଁଇଂ ତଃଡ଼ିଆ ପାଙ୍ଗ୍‌ଆରକେ । ନର୍କ୍ କୁଣ୍ଡିଆ ଲେଃକ୍ଲେ

ଗୁଏ ରେମୁଆଁଇଂ ଶ୍ରିଗ୍ ତାର୍ତ୍ତେ ପାଙ୍ଗୁଆରକେ । ମେଁଇଂ ସାପାରେ ନିଜର୍ ନିଜର୍ ସ୍ଲେ ଅନୁସାରେ ବିଚାରିତ ତିଂଆରକେ । ୧୪ ତେନ୍‌ଇତିଂ ଗୁଏଃନେ ଆରି ନର୍କନେ ଆତେନ୍ ସୁଆକୁଣ୍ଡିଆ ଜଗ୍‌ଲ୍ଲାର୍ ବିକେ । ଆକେନ୍ ସୁଆ କୁଣ୍ଡି ତିଂତିଂକେ ଦୁତିୟ ମରନ୍ । ୧୫ ଜାନେ ମି ଜିବନ୍ ସାସୁର୍‌ନ୍ନିଆ ଗୁଆର୍ ଆଲେଃନେ ମେଁଇଂ ଶ୍ରିଗ୍ ସାପାରେ ସୁଆ କୁଣ୍ଡିଆ ଗା ଆରକେ ।

୨୧

ମି କିତଂ ଆରି ମି ଦର୍ତ୍ତନି

୧ ✧ ସାରାସାରିବେଲା ନିଂ ମୁଇଙ୍ଗ୍ ମି କିତଂରାଜି ଆରି ମି ଦର୍ତ୍ତନି ଲେକେ । ବାଞ୍ଜିର୍ କିତଂ ବାଞ୍ଜିର୍ ଦର୍ତ୍ତନି ଆରି କେଣ୍ଡିଆଃ ବୁଃଡ଼ି ଝେଗେ । ୨ ବାରି ମୁଇଙ୍ଗ୍ ପବିତ୍ର ଜନି ମି ଯିରୁଶାଲାମ୍ ସେଲା ବେସ୍‌ରେ ଆର୍ମେତେ କିତଂବାନ୍ ଇସ୍‌ପର୍‌ନେ ତାଗ୍ରାବାନ୍ ଦର୍ତ୍ତନି ଆଡ଼ାତ୍ରା ଜାର୍‌ନେ ଲେକେ । ୩ ବାରି କିତଂ ସିଂଆସନବାନ୍ ମୁଇଙ୍ଗ୍ ସାମୁଆଁ ନ୍ନାଂକେ: “ଏକେ ଇସ୍‌ପର୍‌ନେ ବାସାନେ ରେମୁଆଁଇଂନେ ବିତ୍ତେ; ମେଁ ମେଁଇଂନେ ଏତେ ବାସାଏ ବାରି ମେଇଂ ମେଁନେ ନିଜର୍ ରେମୁଆଁ ତିଂଆରଏ । ଇସ୍‌ପର୍ ମେଁଇଂନେ ଏତେ ବାସାଏ ଆରି ମେଁଇଂନେ ଇସ୍‌ପର୍ ତିଂଆରଏ । ୪ ମେଁ ମେଁଇଂନେ ମମୁଆଁନେ ତେଃମୁଆଁ ସାପା ବୁଃବିଏ । ଗୁଏଃନେ ଦୁକ୍ ଅଃନେ ଶ୍ରିଲ୍ଲା ଦୁକା ଆରି ମେଃଡ଼ିଗ୍ ଆଲେଃ ଶ୍ରି ୟୁ ସର୍ତ୍ତେ ବାଞ୍ଜିର୍ ବିସଏ ବଃ ଝେଲେଃକେ ।”

୫ ସିଂଆସନନ୍ନିଆ କଲ୍ଲେ ରେମୁଆଁ ବାସାଂକେ “ଅଃଅଁ ନିଂ ସର୍ତ୍ତେ ସାମୁଆଁ ମି ଆଡ଼ିଂମ୍‌କେ ।” ବାରି ମେଁ ଆନିଂକେ ଆଦେସ୍ ବିକେ “ଆକେନ୍ ସାପା ସାମୁଆଁ ଗୁଆର୍ ବ ତାଗ୍‌ଲା ଆକେନ୍ ସଡ଼ ଆରି ବିସ୍‌ବାସ୍ ।” ୬ ଆରି ଶ୍ରିଗ୍ ମେଁ ବାସଙ୍ଗ୍‌କେ “କାମ୍ ତା ଲେଃକେ । ନିଂ ମୁଲ୍ ଆରି ସାରାସାରି ସିସେ ଆରି ଇଡ଼ିଙ୍ଗ୍ । ଆଜାକେ ଉଗ୍‌ଡ଼ିଆ ଡଏ ଜିବନ୍ ରକମ୍‌ନେ ଶ୍ରିଆଃ ଜର୍‌ନାଡ଼ିଆବାନ୍ ନିଂ ଆମେକେ ବିନା ତାବୁରେ ଉଗ୍‌ନେ ମିଃଏ । ୭ ଜାଣ୍ଡେଇଂ ଜିତେତେ ଲେଃଏ ନିଂ ଆମେକେ ଆକେନ୍ ପୁରୁସ୍‌କାର୍ ମିଏ, ନିଂ ମେଁନେ ଇସ୍‌ପର୍ ଶ୍ରିଏ ଆରି ମେଁ ନିଂନେ ଗଡ଼େଅ ତିଂଏ । ୮ ମାତର୍ ବୁଟ୍‌ଶ୍ଟ୍ରେ, ନାଲେଶ୍ଟ୍ରେ, ଦଦ୍ୟା

କାମ୍ ତିଂଣ୍ଡେ, ରେମୁଆଁ ବାଗୁଏଣ୍ଡେ, ଡଙ୍ଗାରେ, ମନ୍ତ୍ର ସାଦେଣ୍ଡେ, ମୁର୍ଦ୍ଦା ପୁଜା ତିଂଣ୍ଡେ, ଆରି ନାଲେଣ୍ଡେ କ୍ଲିଗ୍ ସାପାରେ ଦଦ୍ୟା କାମ୍ ତିଂଣ୍ଡେଇଂନେ ଆରେକ୍ସେ ଗାନ୍ ତିଂତିଂକେ ଗନ୍‌ଗୁଲା ସୁଆ ତୁଆତିଂକ୍ସେ କୁଣ୍ଡୁ ଆଡ଼ଅରିଆ ମେଁଇଂ ବ୍ନାରଗୁଏ ବାଆରଏ ।”

ମି ଜିରୁସାଲମ୍

୯ ଗୁଲ୍ଲିଗ୍ ସାରାସାରି କସ୍ତୁକ୍ସେ ଗୁଲ୍ଲୁଇ ସାଲେକ୍ସେ ଗୁଲ୍ଲିଗ୍ ଦୁଡ଼ନେ ବିତ୍ରେବାନ୍ ମୁଇଂତା ନିଂନେ ଡାଗ୍ରା ପାଙ୍ଗ୍ରେ ବାସଙ୍ଗ୍ରେ “ପାଙ୍ଗ୍ଲୀପା ଡଂମେଣ୍ଡାନ୍ ସେଲ୍ଲାମ୍‌ସୁ ମି ସେଲ୍ଲାକେ ପେକେଏ ।” ୧୦ ପବିତ୍ର ଆମ୍ ନିଂ ଆଡ଼ାଡ଼ା ପାଙ୍ଗ୍ରେ ବାରି ଦୁଡ଼ ଆନିଂ ମୁଇଙ୍ଗ୍ ମ୍ନା କଣ୍ଡା ଚିପେ ହୁଂଖେକେ । ଆଡ଼ବାନ୍ ନିଂ କ୍ସେକେ ଇସ୍‌ପରନେ ଡାଗ୍ରାବାନ୍ କିତଂବାନ୍ ଜାରଲେକ୍ସେ ନିଜର୍ ଗୌରବ୍ ତାରକିଗ୍ ପବିତ୍ର ଇନି ଯିରୁଶାଲମ୍ । ୧୧ ଆରି ଆଡେନ୍ ଇସ୍‌ପରନେ ଆସିର୍ବାଦରେ ତାକ୍ ଗ୍ ତିଂଗେ, ମେଁନେ ତାକ୍ ଗ୍ ଜବର୍ ମୁଲ୍ୟବାନ୍ ମଣି ଆରି ସିନେ ତାକ୍ ଗ୍ ନିମାଣ୍ଡାନ୍ ଦାରପନ୍ ରକମ୍ ନ୍ନା ତିଂଗେ । ୧୨ ଆକ୍‌ମେନେ ମୁଇଙ୍ଗ୍ ମ୍ନା ତିଆର୍ କାନ୍ତ୍ ଲେକ୍ସେ । ଆକେନ୍ କାନ୍ତ୍‌ନିଆ ଗମ୍ବାର୍ କିତଂଦୁଡ଼ନେ ବାନ୍ ନିମାଣ୍ଡା ଗମ୍ବାର୍ ଗାଲି ଲେକ୍ସେ ଆରି ଆଡେନ୍ ଗାଲିଇଂନେ ଆଡ଼ାଡ଼ା ଇସ୍ରାଏଲ୍ ଜାତିନେ ଗମ୍ବାର୍ ରେମୁଆଁଇଂନେ ମି ଗୁଆର୍ଲେକ୍ସେ । ୧୩ କାନ୍ତ୍‌ନେ ସାପା ପାକା ଞ୍ଜିକ୍ଲିଗ୍ ଗାଲି ଲେକ୍ସେ, ତାରସି ପାଟ୍ ଞ୍ଜିକ୍ଲିଗ୍, ଦକିନ୍ ପାଟ୍ ଞ୍ଜିକ୍ଲିଗ୍, ଉତର୍ ପାଟ୍ ଞ୍ଜିକ୍ଲିଗ୍ ଆରି ଲଗସି ପାଟ୍ ଞ୍ଜିକ୍ଲିଗ୍ । ୧୪ ଇନିନେ ଆକେନ୍ କାନ୍ତ୍ ଗମ୍ବାର୍ ପାଣ୍ଡୁନ୍ ହି ଆଡ଼ାଡ଼ା ତିଆର୍ ତିଂଲେକ୍ସେ ବାରି ଆଡେନ୍ ଗମ୍ବାର୍ ପାଣ୍ଡୁନ୍ ଆଡ଼ାଡ଼ା ଡଂମେଣ୍ଡାନ୍ ଗମ୍ବାର୍ ବେକ୍ସେ ସିସ୍‌ଇଂନେ ମି ଗୁଆର୍ ଲେକ୍ସେ । ୧୫ ନିଂ ଏଡେ ସାମୁଆଁ ବାସଙ୍ଗ୍‌ତିଂକ୍ସେ ଦୁଡ଼ନେ ତ୍ରିନିଆ ଇନି କାନ୍ତ୍ ଆରି ଗାଲିଇଂ ମାପେ ନସା ମୁଇଙ୍ଗ୍ ସୁନା ମାପ୍ କାଟି ଲେକ୍ସେ । ୧୬ ଇନି ଅଁ କନ୍ ସୁଗୁଆ ଲେକ୍ସେ; ମେଁନେ ର୍ଲେ ଆରି ଅସାର୍ ସମାନ୍ ଲେକ୍ସେ । ଦୁଡ଼ ମେଁନେ ଚିରେକ୍ସେନେ କାଡ଼ି ଏଡେ ଇନି ମାପେକେ । ମେଁନେ ର୍ଲେ ଲେକ୍ସେ ୨,୪୦୦ କିଲମିଟର୍ ବାରି ଅସାର୍ ଆରି ତିଆର୍ ର୍ଲେ ଏଡେ ସମାନ୍ ଲେକ୍ସେ । ୧୭ ଦୁଡ଼ କାନ୍ତ୍‌ନେ ତିଆର୍ ଶ୍ରିଗ୍ ମାପେକେ । ଆଡେନ୍ ୬୦ ମିଟର୍ ଲେକ୍ସେ । ୧୮ କାନ୍ତ୍‌ସୂର୍ଯ୍ୟକାନ୍ତ୍

ମଣି ଏଠାରେ ତିଆର ତିଲେଃରେ ଆରି ଇନି ତିଆର ତିଲେଃରେ କାଞ୍ଚ ସୁଗୁଆ ନିମାଣ୍ଡା ସୁନା ଏଠାରେ । ୧୯ ଇନିନେ ପିତୁର ପାକା ଲେଃକେ କାନ୍ତନେ ପାଣ୍ଡୁସୁନ୍ନିଆ ମଣିମାଣିକ୍ୟ ଲାଟା ଲେଃରେ, ମୁଲ୍ ପାଣ୍ଡୁସୁନ୍ନିଆ ଲେଃରେ ହିରା ମ୍ପାର ଟାନ୍ନିଆ ଲେଃରେ ନୀଳକାନ୍ତ ମଣି, ଞ୍ଜି ଟାନ୍ନିଆ ବୈଦୁର୍ଯ୍ୟ ମଣି, ଅଁ ଟାନ୍ନିଆ ମରକତ ମଣି, ୨୦ ମାଲ୍ନିଆ ପୁଲକ ମଣି, ତୁରନ୍ନିଆ ମାଣିକ୍ୟ, ଗୁ ଟାନ୍ନିଆ ପୁଷ୍ପରାଗ ମଣି, ମାନ୍ନିଆ ଫିରୋଜ ମଣି, ସନ୍ତିନ୍ନିଆ ଗୋମେଦକ ମଣି, ଗୁଆନ୍ନିଆ ଲଣ୍ଡନୀୟ ମଣି, ଗୋମୁଇନ୍ନିଆ ଇନ୍ଦ୍ରନୀଳ ମଣି, ଆରି ଗୋମ୍ପାରନ୍ନିଆ ନିମାଣ୍ଡା ବାସନା ମଣି ଲେଃରେ । ୨୧ ଗୋମ୍ପାର ଗାଲି ଲେଃରେ, ଗୋମ୍ପାର ମୁକ୍ତା ସର୍ତ୍ତେ ଗାଲି ମୁଇଁ ମୁଇଁ ମୁକ୍ତାରେ ତିଆର ତିଲେଃରେ । ଇନିନେ ଇଃସାଙ୍ଗାଲି କାଞ୍ଚ ସୁଗୁଆ ନିମାଣ୍ଡା ସୁନାରେ ତିଆର ତିଲେଃରେ ।

୨୨ ନିଁ ଇନିନ୍ନିଆ ମେଣ୍ଡିଗ୍ ମନ୍ଦିର କିକେନ୍ଦସା ନ୍ନାବାକେ ଶୁ ଡ୍ରାଗୁଲା ନିଜେ ସାପାଟୁ ବପୁନେ ମାପୁରୁ ଇସ୍ପର ଆରି ଉଂମେଣ୍ଡା ମେଁନେ ମନ୍ଦିର ସୁଗୁଆ ଲେଃଆରରେ । ୨୩ ଇନିକେ ତାରକିଗ୍ ଆତିନେ ନସା ସ୍ମି ଶୁକ୍ତା ଆକେନେ ଦରକାର ଶୁ ଡ୍ରାଗୁଲା ଇସ୍ପରନେ ଆସିର୍ବାଦରେ ଆତେନ୍ ତାକି ଗଇଁ ବାରି ଉଂମେଣ୍ଡା ମେଁନେ କୁପିସ । ୨୪ ଦରତନିନେ ସର୍ତ୍ତେ ରେମୁଆଁ ଜାତି ମେଁନେ ତାକି ଗରେ ଅଲେଙ୍ଗିତାଲିଆ ତିଆରଏ । ଦରତନିନେ ଇଃସାଙ୍ଗାଙ୍ଗ ଆକ୍ଅରିଆ ମେଁଇଁନେ ଦନ୍ ସମ୍ପତି ତୁଂପାଙ୍ଗରେ ପୁଜା ତିଆରଏ । ୨୫ ଇନିନେ ଗାଲି ସାପା କାଲାଆଃ ରଃଡ଼ା ଲେଃଏ । ଆତେନ୍ଦଇଁ ଅଃନାତିଗ୍ ଆନ୍ତଃ ଆତି ଶୁ ଡ୍ରାଗୁଲା ଆଡ଼ଅରିଆ ଅଃନାତିଗ୍ ମିତିଗ୍ ଆତି ଶୁ ୨୬ ସାପା ଦେସନେ ଇରିଆଡୁଗ୍ ଆରି ମଇମା ଆକେନ୍ ଇନିନ୍ନିଆ ପାଙ୍ଗରେ ରିସିଏ । ୨୭ ମୁଡ଼ି ଆରୁଲେ ଜିନିସ୍ ଆକ୍ଅରିଆ ତୁଂପାଙ୍ଗ ଶୁ ଗିନ୍ ସ୍ନେନିଆ ଲିଗ୍ ଲେଃକେ ଦଦ୍ୟା କାମଣ୍ଡେ ଆରି ନାଲେଣ୍ଡେ ଆକେନ୍ ଇନିନ୍ନିଆ ଗାନେ ଆୟାଆର ଶୁ । ଜାଣ୍ଡେଇଁନେ ମି ଉଂମେଣ୍ଡାନେ ଜିବନ୍ ଉଲିଆନ୍ନିଆ ଗୁଆର ତିଲେଃଏ ମୁଇଙ୍ଗ ମେଇଁ ଆକେନ୍ ଇନିନ୍ନିଆ ଗାନେ ଯାଆରଏ ।

୨୨

୧ ମୁଁ ଦରତନିନ୍ନିଆ କାଞ୍ଚ ସୁଗୁଆ ନିମାଣ୍ଡା ଜିବନ୍ ଶ୍ରିଆନେ ମୁଇଙ୍ଗ ଲଣ୍ଡିଆ ଦୁଡ଼ ଆନିଂକେ ଆସୁଏକେ । ଆକେନ୍ ଲଣ୍ଡିଆ ଇସପର୍ ଆରି ଉଂମେଣ୍ଡାନେ ସିଂଆସନବାନ୍ ତାର୍ଲେଃକେ । ୨ ଇନିନେ ଇଃସାଙ୍ଗାଲି ବିଡ୍ରେବାନ୍ ତରିଆଃ ଲେଃଗେ । ଲଣ୍ଡିଆନେ ମ୍ପାର ପାକା ଜିବନ୍ ସ୍ଲା ଲେଃଗେ । ଆଡେନ୍ ମେମୁଆଁନେ ସାପା ଆରକେ ଶ୍ରିଲ୍ଲା ମେମୁଆଁକେ ଗୋମ୍ପାର ତର୍ ରୁଟୁ ସାଏ ବାରି ଆକ୍ମେନେ ଉଲିଆ ରଗ୍ ନିମାଣ୍ଡା ଆଃଡିଙ୍ଗ୍ । ୩ ଇସପର୍ନେ ଅବିସାପ୍ନେ କ୍ଲୁ ମେଃଡିଗ୍ ବିସଏ ଆଡେନ୍ ଇନିନ୍ନିଆ କିକେନ୍ସା ଆମିଲେ ଶ୍ରି ଇସପର୍ ଆରି ଉଂମେଣ୍ଡାନେ ସିଂଆସନ ଆଡେନ୍ ଇନି ବିଡ୍ରେ ଲେଃଏ ବାରି ଆଡ଼ଅରିଆ ମେଁନେ ସେବକଇଂ ମେଁନେ ଆରାଦନା ତିଂଆରଏ ! ୪ ମେଁଇଂ ମେଁନେ ସାମୁଆଁ କେଆରଏ ବାରି ମେଁଇଂନେ କାପାଲେ ମେଁନେ ମ୍ପି ଗୁଆରଏ । ୫ ଆଡ଼ଡେ ଆରି ମିଡିଗ୍ ଆଡିଂ ଶ୍ରି ବାରି କୁପିସ ଶ୍ରିଲ୍ଲା ସ୍ମିତାକ୍ ଗ୍ ମେଁଇଂନେ ଆରି ଦରକାର୍ ଆଡିଂ ଶ୍ରି ତ୍ପାଗ୍ଲା ମାପୁର ଇସପର୍ ମେଁଇଂନେ ତାରକିଗ୍ ଆରଏ ବାରି ମେଁଇଂ ଇଃସାଙ୍ଗ ରକମ୍ ମାଡାନେ କାଲ୍ ଜାକ ସାସନ୍ ତିଂଆରଏ ।

ଜିସୁନେ ବାରମୁଇଂତର୍ ପାଙ୍ଗନେ

୬ ଦୁଡ଼ ଆନିଂକେ ବାସଙ୍ଗକେ, “ଆକେନ୍ ସାପା ସାମୁଆଁ ସଡ଼ ଆରି ଆସା ତିଂନେ ଦରକାର୍ । ମେଃନେ ମେଃନେ ଗିଆ ଗଟେଏ ଆଡେନ୍ ମେଁନେ ସେବକଇଂକେ ଆମ୍ୟା ନସା ବାବବାଦିଇଂକେ ଆମ୍ବିକ ଗ୍ୟାନ୍ ବିମ୍ୟାକ୍ ଇସପର୍ ମେଁନେ ଦୁଡ଼ଇଂକେ ବେବକେ ।”

୭ ଜିସୁ ବାସଙ୍ଗତିଂକେ “ଅଁପା ! ନିଂ ଗିଆଃ ପାଙ୍ଗଣ୍ଡିଂକେ ! ଜାଣ୍ଡେଇଂ ଆକେନ୍ ଉଲିଆନ୍ନିଆ ବାସଙ୍ଗବକ୍ ବାବବାନି ଆଡାଡା ମନ୍ ବିଡେ ସାମୁଆଁ ମାନେଆରଏ, ମେଇଂ ନିମାଣ୍ଡା !”

୮ ନିଂ ଜହନ୍ ଆକେନ୍ ସର୍ଡେ ବିସଏ ନିଜେ ଅଁଲ୍ଲେଃକେ ଆରି କେଲ୍ଲେଃକେ । ସାପା ଅଁଡେ ବାରି କିକେ ଆଡାକ୍ ଇଡିଂ ମୁଡି ଦୁଡ଼ ନିଂ ତାଗ୍ରା ଆଡେନ୍ ଆନ୍ଦାକେ ନିଂ ମେଁନେ ଞ୍ଚ ଆଲ ଲଃଡେ ଆମେକେ ପାରତନା ତିଂନ୍ସା ଝେଣ୍ଡିଂଗେ । ୯ ମାତର୍ ମେଁ ବାସଙ୍ଗକେ “ଡେଡ଼ରକମ୍ ଆଡିଙ୍ଗେ ତାଗ୍ଲା ନିଂ ଶ୍ରିଗ୍ ପେ ସୁଗୁଆ ମୁଇଂତା । ପେନେ

ମୁଡ଼ି ବାବବାଦି ବନ୍ଧାଇଁ ଆରି ମୁଡ଼ି ସାପାରେ ଆକେନ୍ ଉଲିଆନେ ସାମୁଆଁ ଅନୁସାରେ ସାମୁଆଁ ମାନେଃରେ ଲେଃଆରୁଏ, ମେଇଁନେ ସୁଗୁଆ ନିଂ ମୁଇଙ୍ଗ୍ ସେବକ ମାତର୍ । ଇସପରନେ ଆରାଦନା ତିଙ୍ଗ୍ପା ।” ୧୦ ମେଁ ଆନିଂ ବାରି ବାସଙ୍ଗ୍ କେ “ଆକେନ୍ ଉଲିଆନେ ବବିସତ୍ ସାମୁଆଁଇଁକେ ବୁଃଡ଼ି ଆବଗେପା ତାଗ୍ଲା ଏନ୍ ସାପା ବିସଏ ଗଟେନେ ବେଲା ତାଗ୍ରା ତିଙ୍ଗ୍ ପାଙ୍ଗ୍ଡିଂକେ । ୧୧ ତେନ୍ସା ଏନ୍ ସାମୁଆଁ ମ୍ୟାଚେ ଜା ମେଃନେ ଇକ୍ତା ଆତେନ୍ ତିଂଲେ । ଅଦରମ୍ ଶ୍ରେ ଜଦି ଇକ୍ତା ତିଂଏ ଆରି ଅଦରମ୍ କାମ୍ ତିଂଲେ; ଆବୁଲେ ରେମୁଆଁ ଆବୁଲେ ତିଂରେ ଲେଃଲେ; ମାତର୍ ଜା ନିମାଣ୍ଡା କାମ୍ ଶ୍ରେ ମେଁ ସତ୍ କାମ୍ ନିଆ ଲିଗ୍ ଲେଃଲେ; ଜା ପବିତ୍ତ୍ ମେଁ ପବିତ୍ତ୍ ତିଂରେ ଲେଃଲେ ।”

୧୨ ଜିସୁ ବାସଙ୍ଗ୍ଡିଂକେ “ଅପା ! ନିଂ ଦାପ୍ତେ ପାଙ୍ଗ୍ଡିଂକେ ! ସର୍ତ୍ତେରେକେ ନିଜର୍ ନିଜର୍ କାମ୍ ଅନୁସାରେ ତୁତୁ ବିଃନ୍ସା ନିଂ ପୁରୁସ୍କାର୍ ସାଃରେ ମ୍ୟାଏ । ୧୩ ନିଂ ମୁଲ୍ ଆରି ସାରାସାରି ସିସେ ଆରି ଇଡ଼ିଙ୍ଗ୍ ।”

୧୪ ଜାଣ୍ଡେଇଁ ନିଜର୍ ନିଜର୍ ସକାପାଟାଇ ତାଣ୍ଡିଆରେ ଆଃଲୁଏ ତିଂବଆରକେ, ମେଁଇଁ ନିମାଣ୍ଡା ରେମୁଆଁ ଜିବନ୍ ସ୍ଲାନେ ତୁତୁ ଚନ୍ସା ଆରି ଗାଲି ବିଚେ ଇନି ବିତ୍ତେ ଗାନେସା ମେଁଇଁନେ ଅଦିକାର୍ ଲେଃକେ । ୧୫ ମାତର୍ ଗୁସୁଃଇଁ, ଦଦ୍ୟା ଗୁନ୍, ଜନ୍ତର୍ମନ୍ତର୍ ସାଦେଶ୍ରେ, ରେମୁଆଁ ବାଗୁଏଶ୍ରେ, ପୁଜା ତିଂଶ୍ରେ, ନାଲେଶ୍ରେ, ବାଃଟଶ୍ରେ, ଗୁଲୁଏ ଦଦ୍ୟା କାମ୍ ଶ୍ରେ, ସାପାରେ ଇନି ବାଏରେ ଲେଃଆରୁଏ ।

୧୬ “ନିଂ ଜିସୁ । ମାଣ୍ଡିଲିଇଁନିଆ ପେଇଁନେ ନିମାଣ୍ଡାନ୍ସା ଏନ୍ସାପା ବିସଏ ବାସଙ୍ଗ୍ନେ ନ୍ସା ନିଂନେ ଦୁଡ଼କେ ବେ ମ୍ପକେ । ନିଂ ଦାଉଦନେ ବଂସଶ୍ରେ । ନିଂ ଆତେନ୍ ତାରକିଗ୍ ଞ୍ଜିର୍ନେ ଚାଙ୍ଗୁଆ ।”

୧୭ ପବିତ୍ତ୍ ଆମ୍ବା ଆରି ଆତେନ୍ ମିଁ ସେଲା ବାସଙ୍ଗ୍ଡିଂକେ, “ପାଙ୍ଗ୍ଲାପା !”

ଅଁଶ୍ରେ ସର୍ତ୍ତେରେ ଶ୍ରିଗ୍ ବାସଂଆରୁଏ, “ପାଙ୍ଗ୍ଲାପା !”

ଜା ଶ୍ରିଗ୍ ଉଗ୍ଡିଆଃ ତଲା ମେଁ ପାଙ୍ଗ୍ଲେ । ଜିବନ୍ ବିଃକ୍ଲେ ଶ୍ରିଆଃ ଉଗ୍ନେସା ଜାନେ ଇକ୍ତା ମେଁ ପାଙ୍ଗ୍ରେ ବିନା ତାବୁରେ ଆତେନ୍ ଗ୍ରାଅନ୍ ତିଂଲେ ।

ସାରାସାରି ସାମୁଆଁ

୧୮ ନିଂ ଜହନ୍ । ଜାଣ୍ଡେଇଂ ଆକେନ୍ ଉଲିଆନେ ବବିସଡ଼ ସାମୁଆଁ ସାପା ଅଁଆର୍ଏ ଆମେଇଂକେ ନିଂ ତରକ୍ ଆଡ଼ିଂବିଣ୍ଡିଂକେ: ଜଦି ଆକ୍ଅରିଆ ଜାଡ଼ିଗ୍ ଇତୁଡ଼ା ଆମିସୁଏ ତେଲା ଆକେନ୍ ଉଲିଆ ଆରେକ୍ଲେ ମ୍ଲାମରନ୍ ବାନ୍ ଇସ୍ପର୍ ଆମେକେ ସାସ୍ତି ବିଏ ୧୯ ବାରି ଆକେନ୍ ଉଲିଆନେ ବବିସଡ଼ ସାମୁଆଁବାନ୍ ଜାଣ୍ଡେ ଜଦି ମେଃଡ଼ିଗ୍ ଆତାରବିଏ ତେଲା ଇସ୍ପର୍ ଆମେକେ ଆକେନ୍ ଉଲିଆ ଆରେକ୍ଲେ ଜିବନ୍ ସ୍ଲାନେ ରୁରୁବାନ୍ ଆରି ପବିତ୍ର ଇନିବାନ୍ ମ୍ଲୁ ଆର୍ଏ ।

୨୦ ଜା ଏନ୍ ସାପା ବିସଏରେ ସାକି ବିଡ଼ିକ୍ଲେ ମେଁ ବାସଙ୍ଗ୍ଡିଂ “ଆକେନ୍ ସଡ଼ । ନିଂ ଗିଆ ପାଙ୍ଗ୍ଣିଂକେ ।”

ଆତେନ୍ ଆଃ ଡିଂଲେ । ମାପରୁ ଜିସୁ ପାଙ୍ଗ୍ଲେ !

୨୧ ମାପରୁ ଜିସୁନେ ଲିବିସ ସର୍ଡେରେ ଏଡେ ଲେଃଲେ । ଆମେନ୍

।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାତୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 21 Feb 2024 from source files dated 9 Apr 2023

cd536811-9eb4-56d5-9546-afaca24c958c